

სიმონ ხუნდაძე

ქართველი ინტელიგენციის  
პროფილი  
მეცხრამეტე საუკუნეში

სახელმწიფო გამომცემლობა

ტფილისი 1927

8/XI – 26. ს.ს.მ.უ.ს. პოლიგრ. 1-ლი სტამბა, პლენ. პრ. № 91.  
მთავარლიტი № 1547. შე.ი.გ. № 1378/189. ტირაჟი 2000.

## აპტორისაგან.

ამ წიგნაკში მოთავსებული არის ჩემი ორი წერილი. რომელიც წინასწარ გამოქვეყნებული იყო გაზ. „კომუნისტის“ ფურცლებზე.

პირველი წერილი შევსებული იბეჭდება. ხოლო მეორე — უცვლელად. ორივე წერილი ერთ უმთავრეს თემას ეხება — ქართველი ინტელიგენციის სოციალ-პოლიტიკურ და საზოგადოებრივ ფიზიონომიას მე-19-ე საუკუნეში. მეორე ნაწილი — ქართული მენშევიზმი და მისი სოციალური საფუძვლები — არსებითად ეხება ამ მომდინარეობის წარმოშობის საკითხს და იმ პერიოდს. როდესაც მენშევიზმის წინამორბედნი ისახებოდნენ და ვითარდებოდნენ ჩვენი ცხოვრების საზოგადოებრივ ფონზე. ეს ხანა არის მე-19-ე საუკუნის 90-იანი წლები: ამ ეპოქაში ჩაისახა და ძირეული საფუძველი ჩაეყარა ქართულ მენშევიზმს. ხოლო შემდეგში იგი ამავე საფუძველზე აეგო და გარკვეულ პოლიტიკურ სისტემაში ჩამოყალიბდა: საფუძვლები დარჩა ძველი. ხოლო ფორმები შეიცვალა. ამიტომ ამ წერილს უახლოესი კავშირი აქვს მე-19-ე საუკუნის ქართველ ინტელიგენციის სოციალ-პოლიტიკური ფიზიონომიის შესწავლის საკითხთან.

პირველი წერილი ეხება ქართველი ინტელიგენციის პოლიტიკური აზროვნების ვითარების საერთო ფონს მე-19-ე საუკუნეში.

მკითხველს ვთხოვთ არ დაივიწყოს: წერილები კონსპექტიურად და ზოგადად ეხება იმ საკითხს. — ქართული

საზოგადოებრივი აზროვნების ევოლიუციას, - რომელიც უფრო ღრმა და სერიოზულ შრომას თხოულობს. საფელაქონოდ-დაწერილ წერილებში ამ საკითხის განხილვა შესაძლებელი არის მხოლოდ კონსპექტიურად. ამიტომაც წერილებში ინტელიგენციის ფიზიონომია უფრო „პროფილებში“ არის გაშუქებული. ვინემ სრული სახით.

ოქტომბერი. 1926 წ. ქ. ტფილისი.

**ქართული ინსტიტუტების სოციალ-პოლიტიკური  
იდეალები მესხრამეთა საუბუნეში**  
(კონსპექტური ნარკვევი)



## 1. საპ. საერთო სოციალ-ეკონომიური და პოლიტიკურ-კულტურული ვითარება მე-19-ე საუკუნეში.

ქართველი ინტელიგენციის სოციალ-პოლიტიკურ აზროვნების შემუშავებაზე მე-19-ე საუკუნეში სამი დიდი ფაქტორი ახდენდა გავლენას: ა) საქართველოს ეკონომიური წყობილება. მისი სამეურნეო სტრუქტურა და ამ ნიადაგზე აღმოცენებული სოციალური კლასები (ან წოდებები); ბ) რუსეთის შემოსვლა საქართველოში და მისი სოციალ-პოლიტიკურ სისტემის შედეგები ჩვენი ქვეყნისათვის; გ) საქართველოს დაახლოვება რუსეთისა და ევროპის კულტურასთან.

ამ სამი დიდი ფაქტორის ქვეშ და მათი ზეგავლენით შემუშავდა ქართველი ინტელიგენციის ფსიქოლოგია. მისი სოციალ-პოლიტიკური კრედო.

პირველი ამ სამ ფაქტორთაგანი დასაყრდენი ბაზა იყო ინტელიგენციისათვის. ვინაიდან ეს უკანასკნელი არა ზეკლასიური ან კლასთა გარეშე მდგარი სოციალური ძალა არის. არამედ შვილი განსაზღვრული კლასისა და ინტელიგენციაც თავის საარსებო საკვებს იმ კლასის წიაღიდან ღებულობს. რომელიც მის მშობლიურ სოციალურ საშოს წარმოადგენს.

მაგრამ ვიკითხოთ: რაში გამოიხატებოდა ძირეული შინაარსი ზემოდ აღნიშნულ ფაქტორების და როგორ ახდენდნენ ისინი გავლენას ქართველი ინტელიგენციის აზროვნებაზე მე-19-ე საუკუნეში. მოკლედ ამ ფაქტორების შინაარსი შემდეგში გამოიხატებოდა:

მე-18-ე საუკუნის ვასულამდე. საქართველოს ეკონომიური სტრუქტურა ნატურალურ სამეურნეო სისტემაზედ იყო აგებული. სამოქალაქო ცხოვრებამ, ალებ-მიცე-

მობამ. შექმნილ ობიექტიურ პირობების გამო, საქართველოში ვერ მოიპოვა შესაფერი ნიადაგი. პოლიტიკურად საქართველო დანაწილებული იყო სამეფოებად და სამთავროებად. რუსეთის შემოჭრამ (1801 წ.) საქართველოში და მთელ ამიერ-კავკასიაში, გარდა პოლიტიკური ფეოდალიზმის აღმოფხვრისა დიდი გავლენა მოახდინა ჩვენი ეკონომიური ცხოვრების წარმატების საქმეზედაც. საქართველოში შემოიჭრა რუსეთის სავაჭრო და სამრეწველო კაპიტალი და შეარყია მისი პატრიარქალური მყუდროება. დეგრადაციის გზაზე დააყენა ჩვენი ნატურალური მეურნეობა. უკვე მე-19-ე საუკუნის პირველ ნახევრის მეორე პერიოდიდან საქართველოში საკმაოდ შეიწყა ნატურალური მეურნეობა და ფულის ტრიალი დაწესდა; ხოლო ვორონკოვის მმართველობის (1844 — 54 წ.). რომელიც ამხ. მ. პოკროვსკის თქმით, რუსეთის სავაჭრო კაპიტალის წარმომადგენელი იყო ამიერ-კავკასიაში. მისი სამეურნეო და კულტურული პოლიტიკით ჩვენში სამოქალაქო ცხოვრებამ და ვაჭრობამ საკმაოდ წასდგა ფეხი წინ. ამრიგად გასული საუკუნის მე-50-ე წლებში ე. ი. ბატონყმურ საქართველოში რუსეთის თვითმპყრობელობის ხიშტებზე დაყრდნობილი რუსეთისა და ადგილობრივი კაპიტალი არღვევდა ჩვენი ცხოვრების სამეურნეო ფორმებს.

ამ ნარკვევის ფარგლებში შეუძლებელი არის სავსებით გამოჩვენებული იქნეს კაპიტალისტური ფორმების შექრის პროცესი და ტემპი ჩვენი მეურნეობის საშოში მე-19 საუკუნის პირველ ნახევარში. ზოგადი ხაზებით კი ამის აღნიშვნა აუცილებელი არის. თუ ინგლისის, საფრანგეთისა და გერმანიის სამეურნეო ცხოვრების განვითარების ისტორიას გავითვალისწინებთ დაჯინახავთ, რომ კაპიტალისტური ეკონომიკა ორი ფორმით ან გზით ვითარდებოდა ნატურალური მეურნეობის ბატონობის დროს და მის წიაღში: ერთის მხრით სოფლის მეურნეობის ზოგიერთი დარგები. განსაკუთრებით კი ისეთი დარგები, რომელთაც მნიშვნელობა ჰქონდათ საერთო წარმოებისა და ვაჭრობისათვის, მიზნად ისახავდნენ ვაჭრობის, გაცელა-გამოცვლის მიზნით. ზედმეტი საქონლის დამზა-



დებას და ურთიერთობა ჰქონდათ დამოკიდებული სა-  
ვაქრო ბაზრებთან და წარმოების მეთაურებთან. ამრი-  
გად ეს დარგები სასოფლო მეურნეობისა ეწყობოდა კა-  
პიტალისტურ ნიადაგზე და ვაჭრული მიზნებით იყო გა-  
ტაცებული. ამ გარემოებას დიდი მნიშვნელობა ჰქონდა  
სოფლის საერთო ცხოვრებისათვის: ეკონომიურად ნატუ-  
რალური მეურნეობის გვერდით და მის საწინააღმდეგოდ  
სოფლის ეკონომიკის საშოში ისახებოდა სავაჭრო კაპიტ-  
ლისტურ ნიადაგზედ აღმოცენებული სამეურნეო ფორ-  
მა; ხოციალურად კი ეს მოვლენა იწვევდა ძველი მემამუ-  
ლეთა ნაწილის ახლად აღმოცენებული კლასის—ბურჟუა-  
ზიის ბანაკში გადასვლას ან გადახრას. მეორეს მხრივ.  
კაპიტალისტური ეკონომიკის ფორმები ეწყობოდა და ვი-  
თარდებოდა ქალაქებში ვაჭრობისა და წარმოების ახალი  
სხვადასხვა ფორმის განვითარების სახით. შეიძლება ით-  
ქვას, რომ მინიატურაში და მცირედი სახით სავაჭრო-საწი-  
რეწველო კაპიტალისტური ეკონომიკა ორივე ზემოდ აღ-  
ნაშნული გზით შეიქრა ჩვენს მეურნეობაში ჯერ კიდევ  
მე-19-ე საუკუნის პირველ ნახევარშივე. რომ საკითხი ნა-  
თელი ვახდეს აკილოთ მხოლოდ თამბაქოს მოყვანის საქ-  
მე და მასზე დამოკიდებული თუთუნის წარმოება. მე-  
ურნეობის ამ დარგს 40-იან და 50-იან წლებში დიდი  
ყურადღება მიაქცია ვორონცოვმა. თავის მოხსენებაში  
ვორონცოვი სწერდა, რომ თამბაქოს მოყვანის გაუმჯო-  
ბესების მიზნით საზღვარგარეთიდან, განსაკუთრებით კი  
ამერიკიდან გამოწერილი იქნა თესლი, შედგენილი იქნა  
შესაფერი სახელმძღვანელო და აგრეთვე ჰამბურგიდან  
გამოწერილი იქნა სპეციალისტი თამბაქოს საქმისა. რო-  
ძელიც გადავიდა ტფილისში ახლად დაარსებულ სასოფ-  
ლო მეურნეობის საზოგადოების განკარგულებაში. ეს  
სპეცი (მარტი მიხაილი) ოთხი წლის განმავლობაში  
მუშაობდა ამიერ-კავკასიის ფარგლებში და ადგილობ-  
რივ მეთაობაქოებს ასწავლიდა თანბაქოს კულტურის  
საქმეს. გარდა ამისა ადგილობრივი ხელისუფლება ცდი-  
ლობდა რუსეთში ჩვენებური თუთუნის გავრცელების საქ-  
მის მოვარებას, ხოლო ხონში რუსეთის ფაბრიკანტების

კარნახით დაწესებული იქნა ყოველწლიური თუთუნის ბაზრობა. ამ სამეურნეო პოლიტიკას ჩვენში თავისი ნაყოფი გამოუღია; „მოხსენების“ გადმოცემით, საქართველოში აღმოჩნდა „მრავალი მეურნე, რომელთაც მოისურვეს თამბაქოს მოყვანის საქმის გაუმჯობესება, და 40-იან წლების დასასრულში ამიერ-კავკასიის სხვადასხვა მხარეებიდან წარმოდგენილი იქნა გავანისა და მერელანდის თესლის ძლიერ კარგი ხარისხის დაწმენდილი თამბაქოს ნიმუშები, ვახსაკუთრებით კარგი იყო ლენქორანის თამბაქო დუდი-ისაგან და თავ. დ. ორბელიანისა ბორჩალოს მაზრიდან. თამბაქოს ეს ნიმუშები სრულსა და დამარწმუნებელ იმედს იძლევიან, რომ რამდენიმე წლის შემდეგ თამბაქოს მოყვანის საქმე სწრაფად განვითარდება და მიიზიდავს ქვეყანაში მნიშვნელოვან კაპიტალს“. ასე სწერდა ვორონცოვი. თავის მოხსენებაში 50 წლის დასასრულს. რასაკვირველია. მეფისნაცვლის ას პროცენტისანი „დამარწმუნებელი იმედი“ არ გამართლდა, მაგრამ მისმა პოლიტიკამ მაინც გამოიღო შესაფერისი ნაყოფი. 1865 წელს გაზ. „კავკაზის“ ფურცლებზე ნ. ზეიდლიცი გადმოგვცემს, რომ 60-იან წლების დასაწყისში თამბაქოს მოყვანის საქმე საქართველოში გამოცოცხლდა: 1863 წელს სიღნაღის მაზრაში თავ. თორნიკე ანდრონიკოვმა ყველაზე უფრო მნიშვნელოვან შედეგს მიაღწია თამბაქოს მოშენების საქმეში. „მისმა წარმატებამ იმდენად წაახალისა კახელების წამოწყების სურვილი, რომ შემდეგ წელს (1864 წ.) 200 მეტი მემამულე (Помещик) და გლეხი გაყვა მის მაგალითს. მათ არ გასჭირვებიათ აგრეთვე მუშების ძებნაც. მათი (მუშების) მოყვანა აღარ შეიქნა საჭირო ტრაპეზუნდიდან; ისინი (მუშები) თვითონ ზოდირდენ მუშაობის წინადადებით მემამულეთა სასარგებლო პირობებში... 1864 წელს კახეთში მოყვანილი იქნა 10.000 ფუთზე მეტი თამბაქო. რომლის ნაწილი გაიყიდა ტფილისში 9 მან. 20 კაპ. ფუთით. რომ ამ საქონლით არ გაეყსოთ ადგილობრივი ბაზრები. სიღნაღის ზოგადირობა მემამულეებმა გააგზავნეს თამბაქოს, ციცი

ტრანსპორტი მოსკოვში. სადაც მათ იმედი ჰქონდათ ამ საქონლისათვის ეპოვათ ახალი და სასარგებლო ბაზარი“.\*).

ჩვენ განსაკუთრებით მივაქცევთ მკითხველის ყურადღებას ზეილლიცის ცნობებზე; ეს ცნობები ნათლად გადმოგვცემს ჩვენ იმ პროცესს. თუ როგორ ხდებოდა ჩვენი სასოფლო-მეურნეობის საშოში კაპიტალისტური ეკონომიკის ფორმების შექრა: ძველი მემამულე, რომელსაც წინად ვაჭრობის სცხვენოდა. აღნიშნულ პერიოდში თავის მეურნეობის მნიშვნელოვან დარგს სავაჭრო მიზნებით აწყობს და თამბაქოს მოყვანის საქმეში ევროპიულ კულტურასაც იშველებს: იგი აღარ კმაყოფილდება ტფილისის ბაზრით და მოსკოვისაკენაც მიეშურება დიდი ტრანზიტით თამბაქოს ზედმეტ ფასებში გასაყიდათ: მას ეშინია არ გაავსოს ადგილობრივი ბაზრები საქონლით და გარეშე ბაზრების დაპყრობისაკენაც მიიწეეს. მაგრამ არა მარტო ამ მომენტში მოსჩანს კაპიტალისტური ეკონომიკის ფორმები: თვით წარმოების პროცესში. ამ შემთხვევაში კახეთის დოვლათიან მინდვრებზე. ჩვენს წინ სდგას არა ბატონი და ყმა. არამედ „კაპიტალისტი“ — მემამულე და შრომის გამჭირავებელი თავისუფალი მუშა. ცხადია, რომ თათქარიძეების გვერდით ჩვენი ცხოვრების ეკონომიურმა განვითარებამ ახალი ტიპის მემამულეც წარმოშვა: მცირე რიცხოვანი ვაჭრობით და წარმოებით დაინტერესებული კადრი მიწისმფლობელთა და გაკულაკებულ გლეხობისა... ამ კადრს თავისი იდეოლოგიც გაუჩნდა ალ. ორბელიანის სახით 50-იან წლებში. ამაზე ქვევით. ეს პროცესი მემამულეთა სავაჭრო ურთიერთობით გატაცებისა განსაკუთრებულის სიძლიერით განვითარდა ბატონ-ყმობის მოსპობის შემდეგ. ჩვენმა მემამულეებმა ყმების ხელიდან გამოკლის შემდეგ ერთ-ერთი მნიშვნელოვანი წყარო შემოსავლის გადიდებისა ვაჭრობაში დაინახეს. აი მაგ. როგორ ასაბუთებდა 80-იან წლებში კახეთის თავადაზნაურობა კახეთის ოკინის გზის გაყვანის საარგებლობას გზათა მინისტრისადმი მიროთმეულ მოხსენებაში.

\* ) იხ. Сг. Гулишамбаров: „Озор фабрик и заводов тифлисской губернии“. გვ. 19.— 21, 1888 წ.

ილია ჭავჭავაძის გადმოცემით ამ მოხსენებაში თავადაზნაურობა სწერდა: „რადგანაც რკინის გზები გაყავთ ერთისა და ორის წლისათვის კი არა, არამედ სამუდამოდ, ამიტომაც მის შესატყობლად თუ — რა გამორჩომა ექნებოდა კახეთის რკინის გზას. დროებით ვითარებას კი არ უნდა შეაჩერდეს კაცი. არამედ მას რაც სამუდამოს ძალღონეს წარმოებისას შეადგენს. ამისათვის საფუძვლად მიღებული უნდა იქნენ იგი თვისებანი ჰავისა და მიწისა. რომელთაც ერთად კრება ამცნებს კაცს. ქვეყანას რა წარმოება შეუძლიან და რა არა. ამ ჰავისა და მიწის ბუნების თვისებასთან ერთად იმედი ნაწარმოების ადვილად გასაღებისა თითქმის ერთად-ერთი მიზეზია, ერთად-ერთი სათავეა ეკონომიურ ცხოვრების განვითარების, ყოველგვარ საწარმოებელის აღორძინებისა და განვითარებისა. გაუხსენით კარგი, ხასწრაფო და იაფი გზა და მაშინ ქვეყანას შესაძლებელიც არის, უეჭველათ ყოველისფერს შექმნის ადრე თუ გვიან“. (იხ. „ივერია“ № 10. 1883 წ. გვ. 119).

ეს ცნობები ნათლად გვიჩვენებენ. თუ როგორი სახით შეიქრა ვაჭრული — კაპიტალისტური სულისკვეთება ჩვენს მემამულეთა სფეროებში. როგორც ბატონ-ყმობის გადაეარდნამდე. ისე მის შემდეგაც.

მაგრამ კაპიტალისტური ეკონომიკა ჩაისახა არა მარტო სოფლად. არამედ უმთავრესად ქალაქშიც. მაგ. თამბაქოს მოყვანის გაფართოებას სოფლად თან მოყვა თუთუნის საწარმოო უაბრიკების გახსნა ქალაქებშიც. ტფილისში გახსნილი იქნა 1852 — 1886 წლების განმავლობაში თუთუნის მრავალი ფაბრიკა. ხოლო კონკურენციის გამო მრავალი მათგანი დაილუბა. მხოლოდ 8 დიდ ფაბრიკას დარჩათ ძალა-უფლება. მათ შორის პირველი გახსნილი იყო 1852 წ: მეორე — 1858 წ: მესამე — 1878 წ: მეშვიდე 1873 წ: მეხუთე — 1873 წ: მეექვსე — 1878 წ: მეშვიდე — 1879 წ: მერვე — 1886 წ. (იხ. გულიშამბაროვის დასახელებული შრომა — გვ. 26). ზემოდ მოყვანილი ცნობები მხოლოდ თამბაქოს წარმოების შესახებ დაახლოებითი სა-

ხით იძლევიან იმას: თუ როგორი იყო ჩვენი სამეურნეო ცხოვრების სახე მე-19-ე საუკუნის 60-იან წლებამდე.

ეს იყო, ასე ვსთქვათ. პერიოდი ნატურალური და სავაჭრო-სამრეწველო კაპიტალის სამეურნეო ფორმების ბრძოლისა, რომლის დროსაც პირველი თანდათან ირღვეოდა და მცირდებოდა, ხოლო მეორე კი ძლიერდებოდა. ბატონ-ყმურ მიწურნეობის დეკადანსმა (დაცემამ) საქართველო დააყენა მე-50-ე წელში სამგვარი სახის მეტად მნიშვნელოვანი სოციალური ფაქტის წინაშე:

ა) ეკონომიურად დაცემის გზას დაადგა გაბატონებული წოდება — თავადაზნაურობა: საქართველოში მომხდარ სოციალ-პოლიტიკურ ცვლილებების გამო. ჩვენმა ბრწყინვალე წოდებამ დაჰკარგა თავისი ძველი სოციალური ფუნქციები და ცხოვრებისათვის ზედმეტ ელემენტად გადაიქცა. მე-19-ე საუკუნემდე, დაუსრულებელი ომიანობის გამო, ეს წოდება დიდ როლს თამაშობდა ქვეყნის დაცვის საქმეში. როდესაც მოისპო ეს ომები რუსეთის დამკვიდრებით ამიერ-კავკასიაში ამ წოდებასაც გამოეცალა ნიადაგი და იგი საერთო ცხოვრების ვითარებაში ველარ ასრულებდა პროგრესიულ დანიშნულებას. ლუარსაბ თათქარიძენი სწორედ ამ ეპოქაში უნდა აღმოაჩენებოლიყვნენ. ეკონომიურად ფეოდალური არისტოკრატია მძიმე ტვირთად დააწვა კისერზე გლეხობას. განსაკუთრებით სავაჭრო კაპიტალის შემოჭრამ საქართველოში და ვორონჯოვის ეკონომიურმა პოლიტიკამ ხელი შეუწყო ამ წოდების დაცემას და დიფერენციაციას და როგორც დავინახეთ, ვაჭარმემაძეულის ტიპიც ჩაისახა. ამ ფონზედ უალრესად გამწვავდა წოდებათა შორის ბრძოლა მე-19-ე საუკუნის პირველ ნახევარში და ეკონომიურად დაჩაგრულმა გლეხობამ — ყმებმა იარაღით ხელში მოინდომა თავისი პირობების გაუმჯობესება. მე-19-ე საუკუნის პირველ ნახევრის გლეხური რევოლუციები ჩვენში გამოხატავდნენ ბატონ-ყმურ ურთიერთობისა და ნატურალური მეურნეობის ღრმა კრიზისს. ბატონ-ყმური ურთიერთობის ფორმა აღარ შეესაბამებოდა ცხოვრების მოთხოვნებს და მის წინააღმდეგ მანვილი აღმართა დაჩაგრულმა წოდებამ. გაბო. ზა-

ქრო. კაკო ამ ეპოქის ლეიძლი შვილები არიან, გამოსულნი ყველაზე უფრო შვეიწროებულ და დამცირებულ სოციალური წრის წიაღიდან. ხოლო არსენა ოძელაშვილი და მიქაევა (სამეგრელოს 1857 წლის გლეხური რევოლიუციის გმირი) ნამდვილი რევოლიუციონერები. ....ქვეყანაზედ შეუძლებელი არა არის რა, გულოჯან, სანამ ჩვენ ბატონის ყმანი ვართ, ჩვენში ბედნიერება არ შეიძლება“ ამბობს „სურამის ციხის“ (1859) გმირი. ეს გამონათავდა ბატონყმურ ურთიერთობის ღრმა კრიზისს, ხოლო საერთო დასკვნით კი — ფეოდალური არისტოკრატის სოციალურ და ეკონომიურ დაცემას.

ბ) სამოქალაქო ცხოვრების განვითარებითა და ფულის ტრიალის გაფართოებით ჩვენი ცხოვრების ფონზე აღმოცენდა ახალი საციალური ფენა — მოქალაქე, მოქალაქის წოდება. როგორც ვიცით. წინა საუკუნეებში, მაშინდელ ისტორიულ პირობების გამო, სამოქალაქო ცხოვრება ვერ განვითარდა ჩვენში და ვერც მოქალაქეთა წოდება ჩამოყალიბდა. ამ მხრივ ჩვენში შექმნილმა პირობებმა და ახალმა ეკონომიურმა გარემოებამ, სავაჭრო კაპიტალის განვითარებამ — ღრმა კვალი დააჩნია ჩვენს ცხოვრებას და ახალი სოციალური კლასი უკვე საგრძნობ ძალად გადაიქცა. არჩილ ჯორჯაძე თავის ნარკვევებში სწერს: „მეცხრამეტე საუკუნეის დასაწყისში მოქალაქენი ჯერ კიდევ არავითარ ძალას არ წარმოადგენენ. ოცდაათიან წლებში გარემოება იცვლება. თავად-აზნაურობა უკვე ღარიბდება და ნელის ნაბიჯით იზრდება ახალი ელემენტი — მოქალაქე. ეს მოქალაქე, უმეტეს შემთხვევაში, სომეხია. თუმცა იმ ხანაში ქართველ და სომეხ მოქალაქეთა შორის დიდი გარჩევა არ იყო“<sup>1)</sup>. ეს ახალი სოციალური ფენა — განსაკუთრებით მისი ვაჭრული ნაწილი საგრძნობი ფერადებით აგვიწერა რეალისტურ ლიტერატურის მამათმთავრებმა — დ. ჰონჭავჭავიძემ დურმიშხანისა და დ. არდაზიანმა სოლომონ მეჯღანუაშვილის სახით.

<sup>1)</sup> იხ. არჩ. ჯორჯაძე: თხზულებანი ტ. 5 გვ. 49, 1914 წ.

გ) თანდათანობით ფეხი მოიკიდეს სოფლის წვრილ-მა მესაკუთრეებმაც და გაჩნდა შრომის გამყიდველი ელემენტები მე-19 საუკ. პირველ ნახევრამდე.

ბატონ-ყნობის გადავარდნამ ჩვენში (1864 წ.) ფართოდ გაუხსნა კარები კაპიტალისტური მეურნეობის განვითარებას. ერთის მხრივ შეიქმნა დამოკიდებული სოციალური ელემენტი — სოფლის კერძო მესაკუთრე, რომელიც ორი მხრით უწყობდა ხელს კაპიტალისტურ განვითარებას: როგორც გამსაღებელი ბაზარი და როგორც სამუშაო ძალის მიმწოდებელი; მეორეს მხრივ რკინისგზების გაყვანამ (1871 წლიდან) ნავთის მრეწველობის (ამიერ-კავკასია), მაოგანეცის და ტყიბულის ნახშირის წარმოების გაჩაღებამ. საბანკო სისტემის შემოღებამ ფართოდ გაუხსნა კარები ვაჭრობა-მრეწველობის განვითარებას და 90-იან წლებში საქართველო მკდროდ იყო გადაბმული რუსეთთან და საერთაშორისო ბაზრებთან: ნატურალური მეურნეობა დაჩიავდა, ფულის ტრიალმა გაბატონებული მდგომარეობა მოიპოვა <sup>2)</sup> საქართველოს ეკონომიური ცხოვრების ასეთ სწრაფ დაწინაურებას მე-19-ე საუკუნის მეორე ნახევარში თავის შესაფერისი სოციალური შედეგები მოჰყვა: <sup>3)</sup>.

---

<sup>2)</sup> 90-იან წლებში გ. შაიაშვილმა შემდეგნაირად დაახასიათა ის ღრმა ეკონომიური ცვლილება, რომელიც განიცადა საქართველომ ბატონ-ყნობის გადავარდნის შემდეგ: „სრულიად ძირეულად შეიცვალა მეურნეობა (ჩვენი) ქვეყნის. ეს მეურნეობა წინად ბუნებრივი იყო. განცალკევებული და ახლა ფულებურია. ახლა სააღებ-შიცემო შეიქმნა და დადგა ის მეუფება ფულისა. რომელიც არის მიწნობრივი თვისება სააღებ-შიცემო მეურნეობისა.“ (იხ. „საქართველოს კალენდარი“. გვ. 364. 1890 წ.).

<sup>3)</sup> გულიშაშბაროვის ცნობით 1886 წ. მხოლოდ ტფილისის გუბერნიისში 41 სხვადასხვა სამრეწველო დარგებში იყო ფაბრიკა-ქარხნები — 253 (თუ ამას დაუმატებთ ბალებთან არსებულ ხილის, ღვინის და არაყის ქარხნებს მაშინ იქნება — 590): ამ ქარხნებში რკინის გზის სახელოსნოების გამოკლებით მუშაობდა 3.800 მუშა: კერძო ფაბრიკების და ქარხნების წლიური წარმოება იმავე რკინისგზის სახელოსნოების გამოკლებით უდრიდა — 4.725.791 მანეთს. კერძო ფაბრიკებში და ქარხნებში დადგმული იყო დაახლოებით (შემცირებულია) 53 ორთქლის ქვაბი, 951 საერთო ძალით. (იხ. გულიშაშბაროვის დასახელებული შრომა გვ. 228-32).

ა) თავად-აზნაურობის დეკრადაცია გაგრძელდა. მათი ეკონომიური და სოციალური მნიშვნელობა საერთო ცხოვრებაში წინანდელთან შედარებით შემცირდა; გაფართოვდა მათი დიფერენციაციაც. აქედან ნაწილმა ქალაქს შეათარა თავი და ჩინოვნიკობას მიჰყო ხელი (თავად-აზნ. წარმოშობილი ინტელიგენცია), მცირე ნაწილმა ვაჭრობა დაიწყო, ნაწილი კი წვრილ აზნაურთა გაპროლეტარების გზას დაადგა (გაიხსენეთ დ. კლდიაშვილის „შემოდგომის აზნაურები“).

წვრილი აზნაურობის შესახებ აქ ხაზგასმით უნდა აღინიშნოს შემდეგი: ამ წოდების დიდმა ნაწილმა მე-19-ე საუკ. მეორე ნახევარში აუცილებლად დაჰკარგა თავისი წინანდელი სოციალური მდგომარეობა და ფუნქციები. სოფლებში ეკონომიურად დიდი ნაწილი ამ წოდებისა გადავიდა გლეხურ მდგომარეობაში და გაითქვიფა გლეხურ მასაში; თავისი სოციალური მდგომარეობითა და ეკონომიური ფუნქციებით იგი ისეთივე სოფლის წვრილი მესაკუთრეა, როგორც გლეხობა. აქ მათ შორის ისეთივე განსხვავებაა, როგორც თვით გლეხთა სხვადასხვა ფენებს შორის. წვრილი აზნაურობა, როგორც ეკონომიური და სოციალური კატეგორია, მოისპო ან მოსპობის პროცესში იმყოფებოდა, იგი გადაიქცა სოფლის წვრილ მესაკუთრედ და როგორც ასეთი, არაერთარ განსხვავებულ ეკონომიურ მდგომარეობით არ სარგებლობდა გლეხებთან შედარებით. რაც შეეხება მეორე ნაწილს ამ წვრილი აზნაურებისა, მან სოფლად მიწა-წყლის დაკარგვითა და ეკონომიური სიღატაკის გამო დასტოვა სოფლის პატრიარქალური მყუდროება და ქალაქის ცხოვრებაში გადაეშვა. აქედან ნაწილმა ფიზიკურ შრომას მიყო ხელი და მუშათა კლასში გაითქვიფა. ამრიგად ქალაქის ატმოსფერამ და მისმა საწარმოო ურთიერთობამ ახალ სოციალურ, ქვაბში გადახარშა ჩვენი წვრილი აზნაურების ნაწილი.

ბ) სამოქალაქო ცხოვრების გაჩაღებამ გამოიწვია ქალაქის მცხოვრებთა ღრმა დიფერენციაციაც: წარმოი-



მეა ვაქო-მრეწველთა კლასი <sup>1)</sup> და ჩამოყალიბდა მუშაოთა კლასი. პროლეტარიატი; განვითარდა მნიშვნელოვანი წვრილი ბურჟუაზია ( განსაკუთრებით სხვადასხვა წოდებებიდან გამოსულ ინტელიჯენციის, წვრილ ვაჭოების, ნოქრებისა და სხვათა სახით.

რომ დაახლოვებით წარმოდგენა ვიქონიოთ საქართველოს ეკონომიურ წარმოების შესახებ ბურჟუაზიული მიმართულებით მე-19-ე საუკუნის მეორე ნახევარში და იმ სოციალურ დიფერენციაციასზე. რომელიც გამოიწვია კაპიტალისტურ ეკონომიკის განმტკიცებამ ჩვენში, აქ მოკიყვანთ შემდეგ მხოლოდ მშრალ ციფრებს:

1900 წელს ქალ. ტფილისში სამრეწველო დაწესებულებათა რიცხვი. რომელნიც ამუშავებდნენ 2—8 მუშამდე უდრიდა 650-ს; ამ დაწესებულებებში მუშაობდნენ — 2.400 სხვადასხვა პროფესიის მოსამსახურენი (მუშები. ნოქრები და სხვ.). იმავე წელში სახელოსნო დაწესებულებათა რიცხვი, რომელნიც არ იხდიდენ სარეწაუო გადასახადს და ყავდათ 1 — 2 მუშამდე უდრიდა — 1.073.

სამრეწველო დაწესებულებათა რიცხვი. რომელთაც ყავდათ ცხრა მუშაზე მეტი. უდრიდა 73. ამ დაწესებ-

---

<sup>1)</sup> 70-იან წლებში ცნობილი ბელეტრისტი და პუბლიცისტი გ. წერეთელი სწერს: „დღეს რომ ჩვენ ქვეყანაში დიდისა და პატარის ოფლით რჩება. იმ ვაქრობაში სომეხიც ურევია და ქართველიც, რუსიცა და თათარიცა. იმათ ყველას პირი აქვთ შეკრული, იმათ ფული აქვთ მოგროვილი ხელში და ამ ფულის წყალობით უვლასაგან სარგებლობენ. მაშასადამე ჩვენი ვაჭრების უსამართლობა ჩვენივე შინაური ჩირქია: ჩვენი ვაჭრების უსიბღისობა. ჩვენი ფულის მომგების შინაური ძმების და მეზობლების ბრალია. აუცილებლად უნდა ვიბრძოლოთ იმათ წინააღმდეგ, უნდა დავეხმაროთ მშრომელ ხალხს, რომ თვითონ იმან იკისროს თავისი ნაწარმოების გასაღება და არ გადასცეს ჩარჩებს ხელში მანეთის სალირალი ორ შაურად. ჩვენ უნდა შევეწიოთ მშრომელ ხალხს, ბანკები გავხსნათ, საქირო ფული გაუჩიხოთ. რამდენიც კალოზე უნდა, რომ ერთის და ორ მანეთის გულიზა მიკიტანს-არ. ჩაუვარდეს ხელში მთელა წლის მოსავალი. ჩვენ უნდა ვეცადოთ თვითონ მშრომელი და მაწარმოებელი ხალხი თვითონვე აღებ-მაშტეში, თვითონვე ვაჭარი და თვით ნაწარმოების ჯამსაღებელიც ვახდეს (იხ. „დროება“ № 13-16. 1879 წ.).

ბულებებში მუშაობდა 6.336 სხვადასხვა პროფესიის მუშა-მოსამსახურენი.

• 1900 წელს ტფილისში იყო 14 აქციონერული საწო-გადოება, მათ შორის 5 საბანკო და საკრედიტო დაწესებულება, მოსამსახურეთა რიცხვი უდრიდა — 1. 906 (მართა ადელხანოვის ტყავეულობის ქარხანაში მუშაობდა 946 მუშა, ხოლო 5 თუთუნის ფაბრიკაში 1895 წელს — 1079 მუშა).

იმავე წელში ტფილისში იყო 2. 553 სავაჭრო დაწესებულება, რომელშიაც მუშაობდა 7.341 სხვადასხვა პროფესიის მოსამსახურენი.

ამრიგად მე-19-ე საუკუნის გასულს მხოლოდ ქალ. ტფილისში იყო 5. 263 მსხვილი, საშუალო და წვრილი სამრეწველო და სავაჭრო დაწესებულება, ე. ი. ამა თუ იმ სახის კაპიტალისტურ დაწესებულებათა ფორმები ამ კაპიტალისტურ — სავაჭრო-დაწესებულებათა ქსელში ჩაბმული იყო დაახლოვებით 21.037 სხვადასხვა პროფესიის პირები (მუშები, კაპიტალისტ-ვაჭრები, ნოქრები. მოსამსახურენი და სხ.) \*).

ქ. ტფილისის მცხოვრებთა რიცხვი ერთი ათეული წლის განმავლობაში წარმოუდგენელი სისწრაფით გაიზარდა: 1886 წელს ტფილისში იყო 78.445 მცხოვრები. 1897 წელს კი — 160.645, ე. ი. მცხოვრებთა რიცხვი გაიზარდა 104,8%-ით. \*\*) ამრიგად 1900 წელს ტფილისი 160. 645 მცხოვრებლებიდან 21.073 ე. ი. დაახლოვებით 13,1% უშუალოდ ჩაბმული იყო სავაჭრო და სამრეწველო დაწესებულებათა მოღვაწეობაში.

ეს მშრალი ციფრები, რომელიც მხოლოდ საქართველოსა და მთელ ამიერ-კავკასიის ცენტს — ტფილისს შეეხება. გარკვევით გვისურათებს მთელი საქართველოს ეკონომიური წარმატებისა და სოციალური ანატომიის სახეს მე-XIX-ე საუკუნის გასულში. გასაკვირველი არ არის

\*) იხ. Сборник статистических сведений по Закавказскому краю. Под редакцией Е. Кодратенко. ტ. 1. გვ. 246-42, 1912 წ.

\*\*) იქვე გვ. 18-19.

თუ კაპიტალისტურმა განვითარებამ ჩვენში გამოიწვია ღრმა მნიშვნელობის სოციალური დიფერენციაცია და კლასთა ბრძოლის გამწვავება 90-იან წლებში.

გ) ახალმა ეპოქამ თავისი გავლენა მოახდინა სოფელ-ზედაც და წვრილი კერძო მესაკუთრის პარალელურად განვითარდა ნახევრად პროლეტარული ელემენტი, რომელიც უმთავრესად ქალაქებისაკენ ეშურებოდა და შრომის გაყიდვით ცდილობდა დაეკმაყოფილებია თავის მოთხოვნილებანი. ეს ნაწილი ჩვენი გლეხობისა ავსებდა და დღესაც ავსებს ქალაქის პროლეტარიატის რაზმს.

უნდა აღინიშნოს, რომ ბატონ-ყმობის გადავარდნამ ჩვენში ფეოდალური საქართველო უმთავრესად გადააქცია სოფლის წვრილ მესაკუთრეთა ქვეყნად. გლეხი „განთავისუფლდა“ იურიდიულად და მოიპოვა თავისუფლება. ამით იგი ეკონომიურადაც და ფორმალურადაც წვრილ მესაკუთრედ გადაიქცა. მაგრამ ამ მესაკუთრის ეკონომიური მდგომარეობა არ იყო სახარბიელო და კვლავ შევიწროებულ მდგომარეობაში იმყოფებოდა. ჩვენი ერის სოციალურ სტრუქტურაში სოფლის წვრილ მესაკუთრის — გლეხობის ეკონომიურ მდგომარეობას თითქმის გადამჭრელი მნიშვნელობა ჰქონდა და ამ კლასის ინტერესები მეტად დიდ გავლენას ახდენდა ქართველი ინტელიგენციის სოციალ-პოლიტიკური აზროვნების შემუშავებაზე 79-19-ე საუკუნის მეორე ნახევრიდან. ამიტომ ზედმეტად არ იქნება აქ სატყუა დაუთმობთ ჩვენი ცხოვრების დაკვირვებულ მეთვალყურეს. 70-იან წლების ნიქიერ პუბლიცისტს ს. მესხს. 1876 წ. გაზ. „დროების“ ფურცელზე ჩვენი გლეხობის შესახებ იგი სწერდა:

„მართლაც ბატონისაგან განთავისუფლებული ჩვენებიერი გლეხი ისევ სრულ დამოკიდებულებაშია იმისაგან. უბატონოთ „თავისუფალი“ გლეხი ფეხს ვერ გადასდგამს. სოფლის მობრუნება არ შეუძლია...“

ჩვენს გლეხს უმიწა-წყლოთ. უტყუოთ ცხოვრება არ შეუძლია იმიტომ. რომ ის მეურნეობის მიმდევარია. იმიტომ. რომ იმის არსებობა ახლაც ისე. როგორც ათასის წლის წინათ. მხოლოდ მეურნეობაზე არის დამოკიდე-

ბული. და მითხარით. ბეკრს ნახავთ საქართველოში ისეთს გლესს, რომელსაც იმდენი საკუთარი მიწა ჰქონდეს, რომ მეზატონებისაგან იჯარით. ღალით ალება არ ესაქიროებოდეს: ასში ერთს თუ შეხვდებით, ისიც ბევრია. დანაჩენ ჯმრავლესობამ კი ძალაუნებურად უნდა მიმართოს. უნდა სთხოვოს ან თავის ადრინდელ ნაბატონარს. ან სხვა რომელიმე მემამულეს. რომ მიწა მიაჭიროას. ტყეებში შეუშვას და სხვა.

და რამდენს აძლევენ ამისათვის ღალას? შემოსავლის მეოთხედს თუ დასჯერდა მემამულე. გლესს ბედნიერად მიაჩნია თავი. მომეტებულს ნაწილს კი მესამედობით და ზოგან სანახევროდაც აქვთ მიწები ალებული. ან მეტი რა ჩარა აქვთ, რომ არ აიღონ.

ეს კიდევ არაფერი: ზოგი მეზატონები თხოულობენ, რომ „ნადელის“ ფული გლესებმა. ქირნახულით კი არა. ფულით აძლიონ. სად აქვთ ვინ მისცა გლესს ფული?

„გაქირვებული გლესი. რომელსაც მხოლოდ ერთი წყარო აქვს ცხოვრებისათვის — მიწა. ყველაფერზე დათანხმდება. რომ მიწა იშოვოს, დათანხმდება იმ იმედით. რომ „ღმერთი მოწყალეა. როგორც იქნება გადავიხდი ბატონის ღალას“. მაგრამ დრო. რომ მოაღწევს შემოდგომა რომ დადგება და ჰხედავს. ერთის მხრით ბატონი მოადგება. მეორე მხრით — ხაზინა, მესამე — მოვალე ვაჭარი და მეოთხეს — მღვდელი, — სრულებით იბნევა და არ იცის რა ჰქნას“.

აქ დაკვირვებული მწერლის მიერ საუცხოვოთ არის გადმოცემული ბატონ-ყმურ ურთიერთობის ულლიდან — „განთავისუფლებულ“ გლესის გასაჭირი და ეკონომიური მდგომარეობა. გლესი უმიწოდ გაანთავისუფლეს: ეკონომიურად იგი კვლავ ბატონისაგან დარჩა დამოკიდებული. ასეთ პირობებში უმიწაწყლოდ დარჩენილი გლესი უკმაყოფილო დარჩა არსებული წყობილებით და სრულიად თავისუფლად გაყვა შემდეგში რევოლიუციონურ მოძრაობას. ხოლო იმავე უმი-

\*) იხ. სერგ. მესხის ნაწერები ტ. I გვ. 4041 — 05, 1904 წ.

წაწყობამ საკმაო ნაწილი ჩვენი გლეხობისა გამო-  
დენა თავის ქოხიდან და ჩააბა კაპიტალისტურ წარმოე-  
ბაში, როგორც შრომის გამქირავებელი კლასი, როგორც  
პროლეტარი.

ამრიგად, მე-19-ე საუკუნის მიწურულში საქართვე-  
ლო ევროპიულ ცხოვრების ფერხულში ჩაება და მისი სო-  
ციალური შენობა ახალი კლასიური სტრუქტურის საფუძ-  
ველზედ აეგო.

სწორედ ეს ზემოდ აღნიშნული ეკონომიური და სო-  
ციალური ფაქტორები ახდენდენ გავლენას ქართველი ინ-  
ტელიგენციის აზროვნებაზე და ავსებდენ მათ სოციალ-  
პოლიტიკურ მრწამსს გარკვეული კლასიური შინაარსით.

მაგრამ ამ ფაქტორებს ზედ ერთვოდა სხვა მნიშვნე-  
ლოვანი პოლიტიკური და კულტურული მოვლენებიც.

რუსეთის შემოსვლამ ჩვენში დიდი სარგებლობა  
მოუტანა ქართველ ხალხს: მან აღმოთხვრა პოლიტიკური  
ფეოდალიზმი და ერს საშუალება მისცა გაერთიანებისათ-  
ვის: ალაგმა გარეშე მტრები და მშვიდობიანი ნიადაგი შე-  
ქმნა ეკონომიურ და კულტურულ შემოქმედებისათვის. ეს  
იყო დადებითი პოლიტიკური შედეგები რუსეთის მოღვა-  
წეობისა საქართველოში.

ქართველი ხალხის მთელი ტრადედია წარსულში  
იმაში მდგომარეობდა, რომ მან ვერ შესძლო შესაფერისი  
სამოქალაქო ცხოვრების განვითარება და ეკონომიურად  
წინ წაწევა. ამიტომ საქართველო თავისი საკუთარი ძალებ-  
ით ვერ გამოვიდა ფეოდალურ წყობილების ჩარჩოები-  
დან. ვერ დაამსხვრია ის პოლიტიკური და ეკონომიური  
შენობა, რომელიც არ აძლევდა მას წინამსვლელობის შე-  
საძლებლობას. მე-19-ე საუკუნემდე ეროვნული საკითხი  
ჩვენში ორგვარი ფორმით იყო წამოჭრილი: ა) საქართ-  
ველო გარშემორტყმული დიდ მუსლიმანურ სახელმწი-  
ფოებით, ფაქტიურად მოყვა ამ სახელმწიფოთა პოლიტი-  
კურ, ეკონომიურ და კულტურულ განვითარების ქვეშ.  
მნიშვნელოვანი ნაწილი საქართველოს მოსახლეობისა  
(მესხეთი, ტაო კლარჯეთი), დენაციონალიზაციის გამა-  
ნადგურებელ ტალღას გაყვა და გადაგვარდა. სოლო და-

ნარჩენი ნაწილი განიცდიდა ოსმალებისა და სპარსეთის მძიმე ტვირთს. ამიტომ ქართველი ხალხის უმთავრეს ამოცანას შეადგენდა ასეთს პირობებში ოსმალეთ — სპარსეთის მძიმე პოლიტიკურ-ეკონომიური არტახებისაგან თავის დახსნა და დამოუკიდებლობის მოპოვება. ბ) შიგნით საქართველო დანაწილებული იყო სამეფოებათ და სამთავროებად. ამ მხრივ მის უწინარეს ამოცანას შეადგენდა გაერთიანება და მტკიცე ცენტრალური ხელისუფლების დაწესება საქართველოს ტერიტორიაზე. ამ ამოცანის განსახორციელებლად საქართველოში არ აღმოჩნდა შესაფერისი სოციალური ძალა ვაქრობისა და ეკონომიური განუვითარებლობის გამო. ფეოდალური სისტემა განმტკიცებული საქართველოს ტერიტორიაზე ძირშივე სპობდა ერის გაერთიანების შესაძლებლობას. 1790 წლის საქართველოს მეფეთა და მთავართა საკაშირო ხელშეკრულება მხოლოდ ქალაქებზე დარჩა აღნუსხვილი და არავითარი რეალური ნაყოფი არ მოუტანა საქართველოს პოლიტიკური გაერთიანების საქმეს. წინააღმდეგ ნაცულად ცენტრალიზაციისა, მე-18-ე საუკუნის ბოლო ხანებში თვით ქართლ-კახეთის სახელმწიფოებრივი წყობილება ფეოდალიზაციის გზას დაადგა და დაიქსაქსა. ეს იყო რეაქციის გამეფება სახელმწიფო წყობილებაში, როგორც სამართლიანად აღნიშნავს ს. კაკაბაძე <sup>9)</sup>.

ამრიგად ეროვნულ-პოლიტიკური ამოცანა: ოსმალეთ-სპარსეთისაგან განთავისუფლება და მტკიცე დამოკიდებულების მოპოვება და საქართველოს ნაწილების გაერთიანება ერთ ცენტრალურ პოლიტიკურ ჯერ ქვეშ — განუხორციელებელი შეიქმნა გარკვეულ ობიექტიურ პირობების გამო მე-19-ე საუკუნემდე.

ეს ამოცანები გადასწვიტა თავისებურად რუსეთის შემოსვლამ საქართველოში: ხალხი განთავისუფლდა ოსმალეთ-სპარსეთის გავლენისაგან და ეროვნულად გაერთიანების გზას დაადგა. მაგრამ რუსეთის შემოსვლას ჩვენ-

<sup>9)</sup> იხ. მისი: საქართველო ერეკლე მეორის დროს „შვიდი მნათობარ“ № 2. 1915 წ. გვ. 187-88.

ში თან ახლდა თავისი უარყოფითი მხარეები: რუსეთი შექმნიდა საქართველოში როგორც დამპყრობელი ძალა და აშკარათ დაადგა ქართველი ხალხის დენაციონალიზაციის პოლიტიკას: მე-19-ე საუკუნემდე ქართ. ხალხის განადგურებას ცდილობდნენ ოსმალეთი და სპარსეთი. შემდეგ ამავე პოლიტიკით გამოვიდა რუსეთის მონარქია. რომელმაც მოინდომა სრულიად უხეში პოლიტიკით ყოველი ქართველის აღმოფხვრა და ქართულ სხეულზე რუსული სისტემის განმტკიცება. აქ ყველასათვის ნათელი გახდა რუსიფიკატორული პოლიტიკის შინაარსი მთელი მე-19-ე საუკუნის მანძილზე. რუსეთის თვითმპყრობელობის შემოსვლის დღიდანვე მოხდა შეტაკება, დაპირისპირება მოსულ (რუსეთი) და დამხვდურ (ქართული) ძალთა შორის. მაგრამ ვინაიდან დამხდური ძალა არ შეადგენდა ერთ მთელს — დაყოფილი იყო წოდებებად. ამიტომ ყოველი წოდება თავის საზომით უყურებდა მოსულ ძალის მნიშვნელობას. ნ. ჟორდანიას 1908 წელში სწერდა, რომ რუსეთის შემოსვლისთანავე ქართველმა ხალხმა უარყო ნაციონალური დროშა და ინტერნაციონალური ააფრიანა...<sup>7)</sup> მას სურდა თავისი 1908 წ. ეროვნული პოლიტიკა მე-19-ე საუკ. ისტორიული ფაქტებით გაემართლებინა; არსებითად კი ასეთი მიდგომა კითხვისადმი ანტიმარქსისტული იყო და უფრო ისტორიული ფაქტების დამახინჯებას უდრიდა. ჟორდანიას სურდა გაუნათლებელი გლეხი ინტერნაციონალისტურად გამოეყვანა და ამ ინტერნაციონალიზმს რუსეთის მთავრობის სისტემის მიღებაში ხედავდა. არსებითად რუსეთის სახელმწიფოებრივი სისტემა მძიმე ტვირთად დააწვა ქართველ ხალხს და იგი უბრძოლველად არ მიუღია მას. მაგრამ ყოველი წოდება თავისი წოდებრივი საზომით შეხვდა ამ ძალას: <sup>8)</sup> ფეოდალური

<sup>7)</sup> იხ. ნ. ჟორდანიას-ჩხეული ნაწერები 1910 წ.

<sup>8)</sup> პრ. ი. ჯავახიშვილის ერთ-ერთი მიმოხილვით რუსეთის შემოსვლის დროს საქართველოში თავადაზნაურთა წრეებში იბრძოდა სამი პარტია, სამგვარი პოლიტიკური მიმდინარეობა: ერთი მომხრე იყო რუსეთთან სრული შეერთებისა. უბრალო თვითმპყრობელობის შენარჩუნებით. მეორე იღვა 1783 წ. ტრაქტატის სრული დაკვის

არისტოკრატია თავისი ფეოდალური პრივილეგიებისათვის იბრძოდა, ვინაიდან რუსეთი ჩვენში შემოვიდა, როგორც აბსოლიუტური მონარქია, რომელიც ცენტრალურ ნიადაგზედ აწყობდა სახელმწიფოს; გლეხობა კი რუსეთის სისტემამ ეკონომიურად დასცა და ვერ გააუმჯობესა მისი მდგომარეობა. \*) მე-19-ე ს. გლეხთა მოძრაობა სწორედ ასეთი შინაარსით ამოიწურებოდა: იგი ებრძოდა, როგორც მთავრობას. ისე თავად-აზნაურობას, იგი გამოდიოდა თავისი წოდებრივი ინტერესებიდან და ებრძოდა ყველას. ვინც გზაზე ელოებოდა მას. ამ პატარა მიმოხილვაში ჩვენ ვრცლად ვერ შევჩერდებით ამ კითხვის გაშუქებაზე. საილუსტრაციოდ მოვიყვანთ შემდეგ ფაქტებს. ბატონიშვილი დავით გიორგისძის „მასალები საქართველოს ისტორიისათვის“ ვკითხულობთ: „მაშინ (1812 წ.) იყო შექპირვე-

სიოდაგზე. ხოლო მესამე იდგა სრულს დამოუკიდებლობის ნიოდაგზე და რუსეთთან კავშირის გაწყვეტას ითხოვდა. (იხ. ჯავახიშვილის წერილი გრანატის ენციკლოპედიურ ლექსიკონში ტ. XVII ა.

\*) მე-XIX-ე საუკუნის ბატონ-ყმობის ისტორიისათვის საუცხოო მასალას იძლევა 1802 წ. საქართველოს ხელისუფლების შემდეგი ბრძანება:

„ბრძანება საქართველოს მმართველთაგან თავადო ზურაბ ორბელიანო. ყოვლად სამღვდელომ მროველმა მიტროპოლიტმა იუსტინემ მმართველობას შემოსივილა ჩემი ეკლესიის ყმანი სამარტონიანს ღალა-კულუხს არ გვაძლევენ და არც მიხვენენ. ამ მოხსენების დასამტკიცებლად მეფის ირაკლის და მეფის გიორგის ოქმები წამოაყენა, რომ უნდა ღალა-კულუხი აძლივონ და უხნან. სანატრელთ ძეფეთ ბრძანებისაებრ გწერთ ერთი მართებელი კაცი გაგზავნე ღალა-კულუხი მიაყემინე და როგორც მბრძანებულია ისე სამს დღეს უხნან. რომელიც ურჩი იქნება იმათ გარდახდებათ ვითარცა ბრალეულთ“. ხელს აწერს Генералъ Майоръ Лазаревъ. თავადები პარაოვი, ჩოლოკაევი, თუმანოვი, თუმანოვი. (იხ. აღ. სახანაშვილი „ჩუჯრები“ გვ. 32, 1891 წ.).

მართველობის ერთ-ერთ უმთავრეს მოვალეობას შეადგენდა არსებული სოციალური ურთიერთობის დაცვა საქართველოში და იგი მოეწილი, თავისი ენერჯით ცდილობდა ყმები სრულს მორჩილებაში ყოლრდათ მემამულეებს. ამ პოლიტიკას დაადგა საქართველოში თვითანვე რუსეთის მთავრობა და ამ გზით შეუძლებელი იყო ყმათა მდგომარეობის გაუმჯობესობა. წინააღმდეგ, შექმნილმა ეკონომიურმა პირობებმა ყმა უფრო დასცა მატერიალურად და დაუმორჩილა იგი მემამულეს.



ბაი ქართველთა ზედან მარკიზისაგან (პაულოჩი) ესრეთ: ართმევდინ ხშირად ურემთა და ხართა სახმარათ მხედრობისა. რომელ კნინდა დაჰშთათ ხარი სოფელსა შინა, ეგრეც სადაცა გავლიდინ რუსნი. ამქირვებდიან სოფელსა ცემითა, ტაცებითა და დარბევითა. თვინიერ თეთრისა. და იგი ესრეთცა სიმშლილი. რომელ კოდი პური იყო ექვს მიზანთულათა თეთრს ფულად. მაშინ მარკიზმან უბრძანა წარსულისა ორისა წლისა პურისა მოკრეფაი სურსათისაა კახეთისაგან. ვინაიდან სიმციროსა გამო მოსავლისა ვერ ძალედუათ მიცემაი. და ბრძანა ყოველსავე სოფელსა იქნეკუციისა შეყენებანი — ორასისა და სამასისა თითო სოფელსა და სადაცა მოვიდიან. იყო ვაებანი მას ზედამ მათ. რამეთუ სცემდის დედაკაცთაცა. და ხელთა ჰკიდებდის. და ართმევდის პურსა ძალითა... ვერ მოითმინეს თიანელთა ესე ვითარი სირცხვილი და იქმნან შოკოთი რუსთა და ქართველთა... ამ აჯანყების დროს ნაწილი თავადთა რუსეთის მთავრობის მხარეზე იდგა და ებრძოდა აჯანყებულ გლეხებს. გლეხობაც თავისი მხრით სასტიკათ უმასპინძლდებოდა თავადებს. აეტორა განაგრძნობს: .....ოდეს მივიდენ თიანელნი მატანს. შეიყარნენ ამით მატახელნი და ახმეტელნი სრულად. მუნ მყოფნი რუსნი და რამოდენიმე ტუსიშვილინიცა მოსწყვიტეს მით. რამეთუ ეპყროთ კერძოი რუსთა... სოლო გლეხთა კახელთა ჰსცენეს რა სიციბილი თავადთა. მოწყვეს სახლი სვიმონ ანდრონიკაშვილისა და მოსწყვიტეს სახლიცა სოლომონ ანდრონიკაშვილისა. ...მოვიდა (მარკიზი) ჩოქლაყს. იქმნა მუნ ბრძოლა კახთაგან. იძლივნენ რუსნი. მუნ მოკლეს ვახტანგ. სიძე შეფისა ირაკლისა ყაფლანიშვილი (ორბელიანი მამა ვახტანგ და ალექსანდრე ორბელიანიზის). მეუღლე თეკლასი. და დასჭრეს მუხლისა შინა ალექსანდრე. ძე გარსევანისა. ჭავჭავაძე (პოეტი). ვინაიდან მათ ეპყრათ კერძი რუსთა და პირისპირ მამულისა თვისისა იყვნენ მტერ“<sup>10)</sup>.

<sup>10)</sup> ბატონიშვილი დავით: „მასალები საქართველოს ისტორიი სათვის“ გვ. 101-105. 1905 წ.

ამ მოთხოვნაში საინტერესო არის ორი რამ: ა) გლახთა აჯანყება გამოწვეული იქნა ეკონომიური მიზეზებით და იგი მიმართული იყო რუსეთის მმართველობის სისტემის წინააღმდეგ. ბ) თავადთა ნაწილს ეპყრათ რუსეთის მთავრობის მხარე და ებრძოდნენ აჯანყებულ გლახებს. ამ ფაქტებში ნაციონალური და სოციალური მომენტები ერთმანეთზედ არის გადაჯაჭვული და თავად-აზნაურობას, შეიძლება ნაციონალურადაც განწყობილს. წოდებრივი ინტერესები აიძულებდნენ გვირდში ამოდგომოდნენ რუსეთის მთავრობას. ქვევით ჩვენ დავინახავთ სანამდე მიიყვანა ქართველი თავად-აზნაურობა და მისი წიალიდან გამოსული თავად აზნაურული ინტელიგენცია ამ წოდებრივმა ინსტიქტმა. აქ კი მოვიყვანთ კიდევ დამახასიათებელ ისტორიულ დოკუმენტებს. საქართველოს ცენტრ. არქივში 1812 წლის აჯანყების შესახებ ინახება მეტად საინტერესო მასალები. რომლისაგან ჩვენ მოვიყვანთ მხოლოდ რამოდენიმეს. რომელნიც ამელავენებენ გლახთა და თავადთა სულიერ განწყობილებას.

როგორი იყო თავად-აზნაურთა ნაწილის განწყობილება 1812 წლის აჯანყების დროს? ამაზე გარკვეულ პასუხს გვაძლევს შემდეგი „რაპორტი“ გუბერნატორ მალიცკის სახელზე.

„წარმოწერილებისამებრ თქვენის აღმატებულების თებერვლის 28-დამ ნომერსა ქვეშე 367-თა დამარცხებასა ზედა მობუნტე კახელთ და არაგველთ ხალხისა მაქეს პატივი მოგახსენოთ მე ფრიად მოხარულმა ესე ვითარის გამარჯვებისა მივეცი მყის ცნობა გორის უეზდის საზოგადო თავად-აზნაურთა. მსმენელნი რომლისაღ სიხარულითა დიდითა ერთს ხმად შესწირვენ ღვთისადმი მადლობასა და მსთხოვენ კვალადცა რომელ როსიის მხედრობისა პირისპირ მბრძოლენი იქმნებოდენცა უმეტეს ძლიულ შერცხვენასა ქვეშ. — აწ თანა ამისა ვალად დავიდრგენ რათა მოვახსენო თქვენ აღმატებულებას, ვითარცა თავად აზნაურნი გორის უეზდისა. ეგ სახედვე მთის ხალხნიცა წარმოებენ. უვნებლობის მგდომიერობასა შინა.

გორის უეზდის კეთილშობილთ მარშალი პოლკოვნიკი თავადი შანშე ერისთავი.

მარტის 2 დღესა „).

1812 წელსა

მსგავსივე „რაპორტი“ გამოდის ახალ გორის, უერთგულესი მოსამსახურე“ რევაზ ერისთავიც. იგი სწერს: „ამ თვის 25 (1812 წ.) ამდენს თქვენი წიგნი მებოძა ქსნის დამშვიდებისათვის და არა არაგველთ შეერთებისათვის არა თუ ამ ჟამზედ ეცდილვარ ამ ხალხის იმპერატორის ალექსანდრე პავლოვიჩის ერთგულებისათვის, ეს მესამე წელიწადი არის ყოველს ჟამს როდესაც აღრეულებები იყო ყიზილბაშთაგან და ცარევიჩებისაგან ამ ქსანზედ მუდამ მე აქ გახლდი და გახლავარ და არა სხვა ქსნის ერისთავის შვილი არა რომელიმე და მხნეთ არიან იმისის დიდებულების ერთგულობაზედ ეს ქსნელნი ღვთის მოწყალებით თუ ცოცხლად გახლავარ რაც შეძლება მაქვს მზავარ ყოველთვის იმისის იმპერატორების დიდებულების ერთგულებაზედა მეცა და ქსნის ხალხნიც“....<sup>11)</sup>.

კითხვა იზადება: რა იწვევს თავად-აზნაურთა ასეთს პოლიტიკას? უმთავრესად გლახთა მოძრაობის შიში. კლასიური ინტერესები. ამას საუცხოვოდ ამტკიცებს ექვსი თავადის შემდეგი თხოვა:

„მის მსვლელობას თბილისის ლუბერნატორს.

მოხსენება ვეჯინში მცხოვრებელთ თავადთაგან. თელავის ხალხის აჯანყება რომ შეიტყვეს ჩვენმა სოფლის ხალხმა ესენიც აირივნენ და თავი ველარ დაუჭირეთ და ჩვენს აკლებას და დაწვას გვიპირობენ რომ ჩვენთან მრდითო თუ რომ ამ ცოტა ხანში შემწეობა არა მოგვეცა რა

---

11) საქ. ცენტრალური საქმე № 61 — Дело канцелярии Грузинского Гражданского Губ — ра о мятеже 1812 г. ფურცელი № 146.

12) იქვე ფურ. № 151.

ავად მოგვეპყრებინ. ეს არის ჩვენი ვედრება. რომ ჩქარა დაგვისხნათ ამ შექირვებისაგან. თებერვლის 6 წელსა ჩყიბ“ (1812 წ. 18).

ასეთი იყო სულიერი განწყობილება ჩვენი მაღალი წოდების დიდი ნაწილისა გლახური აჯანყების შემდეგ 1812 წელს. ამ სულიერმა განწყობილებამ და პოლიტიკურმა ატმოსფერამ თავისი გავლენა იქონია ქართველ ინტელიგენციასზე.

მე-19-ე საუკუნის სივრცეზე ეროვნული საკითხი კვლავ მთელი თავისი სიმწვავეით იდგა ქართველი ხალხის წინაშე: ამ საკითხის შინაარსი გამოიხატებოდა აგრესიულ პოლიტიკასთან ბრძოლაში და ეროვნული თვითარსებობის შენარჩუნებაში. მაგრამ ყოველი კლასი თავისებურად სწყვეტდა ეროვნულ საკითხს, თავისებურად ატარებდა მას თავისი კლასიურ თვითშემეცნების პრიზმაში. ქართველი ინტელიგენცია აღიზარდა და დავაუკაცდა სწორედ პატრიოტულად გაქლენთილ ატმოსფეროში. ის ფაქტი, რომ საქართველო იმყოფებოდა რუსეთის ბატონობის ქვეშ, თავისებურად დაღს ასვამდა ინტელიგენციის ფსიხიკას და მოსავედა მის სოციალ-პოლიტიკურ აზროვნებას თავისებური ელფერიით. როგორი იყო მისი შინაარსი. ამას ქვევით დავინახავთ.

მაგრამ ქართველ ინტელიგენციასზე და მის პოლიტიკურ-საზოგადოებრივ აზროვნების ფიზიონომიის შემუშავებაზე გავლენას ახდენენ გარდა ზემოდ აღნიშნული ეკონომიური და პოლიტიკურ-ეროვნული მომენტებისა, სხვა შინაარსის კულტურული ფაქტორებიც. როგორც აღვნიშნეთ, ისტორიულად საქართველო გარშემორტყმული იყო მუსლიმანთა სახელმწიფოებით და ცხადია აღმოსავლეთის ეს დაწინაურებული სახელმწიფოები თავისებურ კულტურულ გავლენას ახდენდენ საქართველოზე. ქართული კულტურის წარმატება, ქართული აზროვნებისა და სულიერი შემოქმედების ვითარება ნაყოფიერ საზრდოს პოულობდა იმ კულტურულს ოჯახში. რომელიც ყვაოდა და იფურჩქნებოდა მეზობელ აღმოსავლეთის ერებში.

18) იქვე ფურ. № 1.

მაგრამ ამ კულტურული გავლენის შინაარსი ირანო-მუსლიმანური ხასიათისა იყო, ამიტომ აღმოსავლეთური თვისი ფორმითა და მისწრაფებებით. მე 15-საუკუნემდე ქართული კულტურის მასაზრდოებელი წყარო სხვა ნაკადულიდანაც მოსჩქედდა; ეს იყო ევროპიული შინაარსის მატარებელი ელინურ-ბიზანტიური კულტურის ნაკადული. „ერთი სიტყვით — სწერს პროფ. ივ. ჯავახიშვილი — ქართველობამ ელლინურ შემოქმედების ნიმუშები იგემა და დაეწათა იმ ცხოველმყოფელს ელლინიზმს. რომლის ღრმა და საფუძვლიანმა შესწავლამ დასავლეთს ევროპაში ეგრედწოდებული „რენესანსი“ წარმოშობა. საქართველომ ეს მოძრაობა უკვე მე-12-ე საუკ. დაიწყო. მაგრამ მისი დასრულება მონღოლთა შემოსევამ შეაფერხა.“<sup>1)</sup> აწრიგად საქართველოზე გავლენას ახდენდენ და მის კულტურულ მიმდინარეობაში თავს იყრიდენ; როგორც აღმოსავლეთის ირანო-მუსლიმანური, ისე დასავლეთის ელინურ-ბიზანტიური კულტურის ჩქერი. ასე ხდებოდა საქართველოს ნიადაგზე მონღოლთა შემოსევამდე ორი დიდი კულტურული ნაკადულის შეუღლება. ახალ საუკუნეების მიჯნაზე მომხდარმა ისტორიულმა ამბებმა საქართველო როგორც პოლიტიკურად, ისე კულტურულადაც მოაქციეს ოსმალეთისა და სპარსეთის გავლენის ქვეშ და მისთვის ევროპისაკენ გასავალელი კარები თითქმის დახურული აღმოჩნდა. მთელი ჩვენი მწერლობა და საერთო ცხოვრება მე-18-ე საუკუნის დასასრულამდე უმთავრესად მუსლიმანური კულტურის დიდი გავლენის ქვეშ იდგა. მაგრამ, რადგანაც ეს კულტურა ჩამორჩენილი იყო შედარებით ევროპის კულტურასთან. რომელმაც ღრმა წარმატება და აყვავება განიცადა საშუალო საუკ. მიწურულებსა და ახალი საუკუნეების პერიოდში, ამიტომ, საქართველოს საერთო ცხოვრებასაც არ ეტყობოდა დიდი წინამსვლელობა. 17-18 საუკუნეებში ჩვენი ცხოვრების ფონზე კვლავ მოხდა დასავლეთ კულტურის ნაკადის სული. მაგრამ საგრძნობი შემომდინარეობა. როგორც ევროპიდან ისე უმთავრესად

<sup>1)</sup> ივ. ჯავახიშვილი: ქართველ. ერის ისტორია წ. II-ე გვ. 648. 1914 წ.

ოუსეთიდახ. მუსლიმანური სახელმწიფოთა აგრესიული პოლიტიკით რკალშემორტყმულმა საქართველომ კვლავ იგემა ახალი კულტურის ნაყოფი. მაგრამ ეს გავლენა არ იყო დიდი გარკვეულ ობიექტიურ პირობების გამო. მიუ- ეხდავად ამისა, მაინც შეიძლება ითქვას, რომ 18-ე საუ- კუნის ჩვენი კულტურა კვლავ წარმოადგენს ევროპისა და აღმოსავლეთის კულტურულ ნაკადების სინტეზს. მე-18-ე საუკუნის პოეზიაში ევროპიული და რუსული კულტუ- რის დიდ გავლენის ქვეშ სდგას დ. გურამიშვილი, ხოლო ბესიკის შემოქმედება კულმინაციურ წერტილამდე ანვი- თარებს აღმოსავლეთის მოტივებს. მე-19-ე საუკუნეში ალ. ჭავჭავაძისა და გრ. ორბელიანის პოეზია აღმოსავლე- თური გავლენის დეკანდანსის გამომხატველია. ხოლო ხიკ. ბარათაშვილის შემოქმედებაში მთელი თავისი სიძლიერით სახიერდება ევროპიულობა თავშეუკავებელ რომან- ტიზმით.

მე-19-ე საუკუნის დასაწყისიდან საქართველოს კა- რები გამარჯვებულმა და დაწინაურებულმა ევროპიულმა კულტურამ შემოალო. ერმა თითქოს ერთი ხელის გასმით გადარაზა აღმოსავლეთის შემოსასვლელი კარები და თა- ვისი გზა ევროპიულ კულტურის მიმდინარეობისაკენ მი- მართა. მე-19-ე საუკუნის დასაწყისით საქართველოს ფართოდ გაეხსნა კარები ევროპისაკენ რუსეთის საშუა- ლებით. დაწინაურებულმა ევროპამ და კულტურის გზაზე შემდგარმა რუსეთმა თავისებური გავლენა მოახდინეს მე-19-ე საუკუნის ჩვენი ცხოვრების ვითარებაზე. საქარ- თველო საკმაოდ მაგარი რგოლებით გადაება ევროპის საერთო ოჯახს. და ასე შეუდგა დაწინაურებული ევრო- პიული კულტურის შეთვისებას. ჩვენმა ინტელიგენციამ. რომელმაც მკიდრო კავშირი გააბა რუსეთის მოწინავე წრეებთან, ფაქტიურად იკისრა ახალი იდეების გადმორ- გვა მშობლიურ ნიადაგზე. ინტელიგენცია იმუშავებდა თავის სოციალ-პოლიტიკურ მრწამს ევროპისა და უმთავ- რესად კი რუსეთის ინტელიგენციის ზეგავლენის ქვეშ. თუ რამდენად ძლიერი იყო ევროპის კულტურისაკენ ლტოლვა ჩვენს ინტელიგენციაში. ამის შესახებ მე კვლავ

სიტყვას დაუთმობ სერგეი მესხს. 1872 წ. „დროების ფურცელზე იგი სწერდა: „ყოველგვარი ცოდნისა, განათლებისა. ცხოვრების გაუმჯობესებისა და წარმატების წყარო ჯერ-ჯერობით დასავლეთ ევროპა არის. ყველა ხალხი და მათ შორის რუსეთიც; ამ წყაროს ეწაფებიან და აქედან გამოაქვთ ყელაფერი. რაც კი საუკეთესოა, კაცის მანუგეშებელი და წინ წამწევი ხალხთა (ცხოვრებაში. თავის თავისა და თავის ქვეყნის წინ წაწევა მხოლოდ იმას შეუძლია, ვისაც ევროპის ცხოვრება და მეცნიერება კარგათ ქეშმარიტად გაუცვნიან. გაუნათლებელსა და ღარიბ საზოგადოებას მხოლოდ ის კაცი მოუტანს სარგებლობას, რომელიც თვითონ ევროპიულ სწავლა-მეცნიერებაში განვითარებულია და თავის თვალთ უნახავს და შეიუსწავლია სიოარიზის მომსპობელი და კეთილ დღეობის მომნიჭებელი სახსრები“<sup>15)</sup>.

ამრიგად მე-19 საუკუნე გადაიქცა საქართველოსათვის არამარტო ეკონომიური დაწინაურების, პოლიტიკური გამოფხიზლებისა და ეროვნულად გაერთიანების ხანად. არამედ კულტურული აყვავებისა და ევროპიულ ოჯახში შესვლის პერიოდადაც. ქართველი ხალხი მოყვარუსეთის და ევროპის დიდი გააღენის ქვეშ და ამ გარემოებას თავისი დალი უნდა დაესვა ჩვენი (ცხოვრების ვითარებაზე. აი ასეთ ატმოსთერაში აღიზარდა ქართველი ინტელიგენცია მე-19 საუკუნეში. მან ხარბად შეისუნთქა ეპოქის სონი და აღნიშნულ ფაქტორების დიდი გავლენის ქვეშ შეიყოფა თავისი შესაფერისი სოციალ-პოლიტიკური იდეალებს შემოშავებას.

სათუძლიანად სწერდა ნ. ყორდანი 1908 წელში: „მეიხრამირე საუკუნის ისტორია არის ისტორია ჩვენი განვითარების. გაქალაქების. მუდმივი. შეიჩერებელი წინსვალელობისა და კულტურული ამოლოების. და ყველა ეს მოხდა არა ნაციონალოური ილასის დროშის წინამძლოლობით. არამედ გარეშე ძალის. რუსეთის მეთაუ-

<sup>15)</sup> ს. მესხი ტ. I გვ. 108109.

რობითა. ამით აიხსნება ანტირუსული მიმართულების უნია-  
დაგობა ჩვენში<sup>14)</sup>.

უორდანიას ერთი შენიშვნა უნდა მივსცეთ: მას ტენ-  
დენცია აქვს რუსეთში რუსეთის მთავრობა იგულისხმოს  
და ასე ჩვენი კულტურულად აყვავების საქმე ამ მთავრო-  
ბას ვიაწეროს. რასაკვირველია. რუსეთის მთავრობის აგ-  
რესიულმა პოლიტიკამ ობიექტიურად დიდი ნაყოფი მოუ-  
ტანა საქართველოს რღმა უარყოფით მხარეებთან ერთად.  
მაგრამ საქართველოს კულტურული აყვავება. მისი დაწი-  
ნაურება ხდებოდა რუსეთის საზოგადოებრივი ძალების  
დიდი გავლენის ქვეშ და ამ ურთიერთ გავლენის პროცეს-  
ში გადამჭრელ როლს თამაშობდენ ქართული ნაციონა-  
ლური კლასები და მისი წარმომადგენელი ინტელიგენცია.  
ქართული კულტურის აყვავების საქმე: ქართული მწერ-  
ლობის, ქართული ენის, ქართული სკოლის გამშვენიერება  
ენ ქართულ ნაციონალური კლასებისა და მათი ინტელი-  
გენციის საქმიანობის ნაყოფია. ხოლო ამ საქმიანი მუშაო-  
ბისაფვის ნაყოფიერი ობიექტიური პირობები შეიქმნა რუ-  
სეთის მოღვაწეობითა და რუსული კულტურის ზეგავლე-  
ნით. რუსეთის დამკვიდრებით საქართველო კოლონია-  
ლურ ქვეყნად გადაიქცა, მაგრამ ეს კოლონია თავისი კულ-  
ტურული დონით არსებითად განსხვავდებოდა აზიის ჩა-  
მორჩენილ კოლონიებისაგან. სადაც ევროპის იმპერია-  
ლიზმი ქმნიდა თავის საკუთარ კულტურულ ძალებსაც  
და ეკონომიკაც. რუსეთის პოლიტიკას ჩვენში კულტუ-  
რული ერი დაუპირდაპირდა. რომელმაც შესძლო თავის  
საკუთარი კულტურული ძალების, სოციალური კლასები-  
სა და ეკონომიური სტრუქტურის განვითარება მიუხედა-  
ვათ რუსეთის მთავრობის აგრესიულ პოლიტიკისა. ამ ნა-  
ციონალური ავინტების და ორგანოების საშუალებით  
ითვისებდა ქართველი ხალხი ახალ კულტურულ ნაკადს.  
რუსეთისა და ევროპის წიალიდან მომდინარეს.

<sup>14)</sup> ნ. უორდანია: რჩეული ნაწერები გვ. 568.



## 2. თავად-აზნაურული ინტელიგენცია.

მე-19-ე საუკუნის პირველი ნახევარი ეს არის კრიტიკული პერიოდი საქართველოს ისტორიაში. ახლად შემოსულ უცხო ძალების მეოხებით და მისი სახელმწიფოებრივი აპარატის საშუალებით იმსხვრეოდა საქართველოს ძველი პოლიტიკური წყობილება და ახალს ნიადაგზე ეწყობოდა საზოგადოებრივი ცხოვრება. ამ რღვევა განადგურების პირობებში შეუძლებელი იყო საზოგადოებრივი აზროვნების ვითარებისათვის ნაყოფიერი ნიადაგი შექმნილიყო. საზოგადოდ კრიტიკული პერიოდი რომელიმე ერის ცხოვრებაში არ იძლევა შესაძლებლობას დადებითი გონებრივი შემოქმედებისათვის. ჩვენი საზოგადოებრივი აზროვნებაც მე-19-ე საუკუნის პირველ ნახევარში კრიზისს განიცდის, ინტელიგენციას ემჩნევა გზა-აბნეულობა და გაურკვეველობა. მიუხედავად ამისა საზოგადოებრივი მაჯისცემა არ შეწყვეტილა და უკვე მოსჩანს ახალი მოტივები და ახალი სახეები აზროვნების სფეროში. მე-60-ე წლებამდე ქართველი ინტელიგენცია ერთ მთლიან ოჯახს წარმოადგენს. ეს თავად-აზნაურული ინტელიგენციაა, უმთავრესად აღზრდილი თავისი წოდების წიალში და გაქლენთილი წოდებრივი ინტერესებით. ამ პერიოდის ინტელიგენციის სოციალ-პოლიტიკური იდეალები არ სცილდება ვიწრო კლასიურ (წოდებრივ) ინტერესებს. მაგრამ თავად-აზნაურობის პოლიტიკა საერთოდ ამ საუკუნის პირველ ნახევარში ორ ხანად უნდა იქნეს გაყოფილი. როგორც ავლნიშნეთ მე-19-ე საუკ. პირველი ნახევარი — ეს ჩვენი საზოგადოებრივი ცხოვრების კრიტიკული პერიოდია, როდესაც რუსეთის სისტემის ზეგავლენით ირღვევოდა ძველი წყობილების ნაშთები და ნიადაგი ეყრებოდა ახალს. პირველ ხანებში არისტოკრატის ერთი ნაწილი არ შეურიგდა ახალ წესებს და ხმალზე გაივლო ხელი, მაგრამ ეს პოლიტიკა სასტიკად დამარცხდა უკვე 1812 წელს, ხოლო მისი უკანასკნელი ცდა იყო 1832 წლის აჯანყების გეგმა, რომელიც სრულიად განადგურდა. ამ შეთქმულებაში მონაწილეობას ღებულობდა მაშინდელი ქართველი ინტელი-

გენციის საუკეთესო წარმომადგენელი (დოდაშვილი, ორბელიანი, ჭავჭავაძე, ყიფიანი, ერისთავი და სხ.). ბატონიშვილების ხელმძღვანელობით. შეთქმულება დამარცხდა და ქართველ ლეგიტიმისტთა ოცნება საქართველოს სახელმწიფოს აღდგენის შესახებ თან წაიღო სამუდამოდ. 1832 წლის შეთქმულების ლიკვიდაციით ძირითადი უკანასკნელი გარდატეხა მოხდა საქართველოს თავად-აზნაურობასა და ინტელიგენციაში. რუსეთის მთავრობისა და საქართველოს თავად-აზნაურობის შორის შეთანხმების ხიდი გაიღო, უკანასკნელმა ქედი მოიხარა პირველის წინაშე. ამით დაიწყო მეორე ხანა ქართველ თავად-აზნაურობისა და ინტელიგენციის ისტორიაში.

თავად-აზნაურობის ახალი პოლიტიკის საუკეთესო გამომხატველია ის ადრესი, რომელიც 1848 წელს მიართვა ამ წოდებამ ნიკოლოზ I-ს. აქ უკვე აღარ არის, როგორც მაგ. 1801 წ. მიმართვაში საქართველოს სახელმწიფოს აღდგენაზე და ბაგრატიონთა დინასტიაზე ლაპრაკი. თავად-აზნაურობამ ქედი მოიხარა ახალი ხელისუფლების წინაშე და მათს შეგნებაში ბაგრატიონთა დინასტიის სიყვარული სრულიად ადვილად შესცვალა ღრმა პატივისცემის გრძობამ რომანოვის დინასტიისადმი. რით უნდ აევსნათ ქართული წარჩინებული წოდების პოლიტიკის შეცვლა? ამას ორი ძირითადი მიზეზი უდევს სარჩულად: 1) რუსეთის მთავრობის განსაკუთრებული პოლიტიკა თავად-აზნაურულ წრეების შესარიგებლად და მათზე დასაყრდნობლად, და როგორც ზევით დავინახეთ 2) საქართველოში დაწყებული გლეხთა მოძრაობა ბატონყმურ უღლის მოსასპობლად, რომელიც ფაქტიურად მიმართული იყო თავად-აზნაურობის წინააღმდეგ. <sup>17)</sup> უკანასკნელ-

<sup>17)</sup> პროფ. ივ. ჯავახიშვილი ერთს თავის საინტერესო ნარკვევში შემდეგს სწერს: „...სწორედ ამ დროს (1830-იან წლებში) ქართველ გლეხთა შორის სწარმოებდა დიდი მოძრაობა, და გლეხები არ დაუქერდენ მხარს თავად-აზნაურულ წოდების აჯანყებას. საჩხეიმაში მდგომარეობს, რომ სწორედ იმ წლებში (1829—1832 წ.), როდესაც მზადდებოდა შეთქმულება რუსეთის ბატონობის მოსასპობლად, ქართველ გლეხთა შორის კვლავ დაიწყო დიდი მოძრაობა ბატონ-ყმურ დამოკიდებულებისაგან განთავისუფლების სასარგებ-

მა რუსეთის მთავრობაში ერთად ერთი დამხმარე ძალა ნახა და მისი პოლიტიკის გამტარებლად გადაიქცა საქართველოში. 30 — 40 წლების შემდეგ ქართული ინტელიგენციის ორიენტაციაც შეიცვალა. ამ ორიენტაციის შეცვლას ხელი შეუწყო ვორონცოვის პოლიტიკამაც. 1832 წ. რომანტიული შეთქმულების მომხრეები რუსეთის პოლიტიკის ერთგულნი მსახურებათ გადაიქცენ. დ. ყიფიანი, გრ. ორბელიანი და სხვები რუსეთის ტახტის ერთგულობაში ხედავდნენ საქართველოს ხსნას.

მაგრამ 1832 წლის შეთქმულებამდე ქართველი ინტელიგენციის დიდი უმეტესობა ასე არ ფიქრობდა. ს. დოდაშვილი (1804-1836 წ.), ქართული ინტელიგენციის საუკეთესო წარმომადგენელი მე-19-ე საუკუნის პირველ ნახევარში, რომელმაც განათლება მიიღო რუსეთში და უახლოესი კავშირი ჰქონდა რუსეთში მყოფ ბატონიშვილებთან, რომელნიც 1832 წ. შეთქმულების მოთავენი იყვნენ, მრავალ მხიშვნელოვან ცვლილებებსა და ძიებებს განიცდის თავისი ეროვნულ-პოლიტიკის გამომუშავების პროცესში. იგი 1827 წ. თვის ლოდიკის რუსულ სახელმძღვანელოს წინასიტყვაობაში იმ აზრს გამოსთქვამს, რომ რუ-

ლოდ". (იხ. მისი: „Политическое и социальное движение в Грузии в XIX в.“ გვ. 28, 1906 წ.). 1829 წ. ერთ-ერთი დოკუმენტი პირდაპირ უჩვენებს იმ გაკირებულ ეკონომიურ მდგომარეობაზე, რომელშიაც ჩაცვენილნი იყვნენ გლეხები მებატონეთა განუსაზღვრელი ექსპლოატაციის წყალობით. ასე მაგ. გენ. სტეკალოვს ზავილეისკი თვის პატაკში სწერდა, რომ ყმები დიდ შევიწროვებას განიცდიან მებატონეთა ექსპლოატაციის გამო; „ამიტომ — განაგრძნობდა მომხსენებელი, — სინამდვილეში გლეხები არამც თუ არიან მშვიდობიანად განწყობილნი თავიანთ მებატონეთა მიმართ, არამედ ხშირად უარს აცხადებენ მათდამი დამორჩილებაზე, განსაკუთრებით შეძლებული გლეხები. და მემამულეებს, რომელნიც ვერ ახერხებენ საქმის მოწესრიგებას თავიანთ შეძლებულ გლეხებთან, მთელი სიმძიმე გადასახადებისა შემოსავლისა და ხშირად ნადელებისა გადააქვთ ღარიბ გლეხთა ზურგზე..... მაგრამ განსაკუთრებულს და შევიწროებულსა და საცოდავ მდგომარეობაში იმყოფებიან ის გლეხები, რომელნიც სუდილობენ მემამულეებისაგან განთავისუფლებას“. (იქვე 28 — 9) ამრიგად „გლეხთა განთავისუფლებისათვის მოძრაობამ მიიღო გრანდიოზული ხასიათი“ (ჯავახიშვილი).

სეთის მთავრობის ქვეშ საქართველოს გამოუბრწყინდება შუქი მზისა და განათლებისა<sup>18)</sup>). ხოლო შემდეგ რუსეთში გადასახლებულ ბატონიშვილებიან დაახლოვებით შეიცვალა თავისი აზრი, იგი 1832 წლის შეთქმულების მონაწილე გახდა და ამ მიზნით განაახლა ქართული გაზეთი „ტფილისის უწყებანი“ (1828—1832 წ.) და აგრეთვე ჟურნალი.

ლოდაშვილის მოღვაწეობას და მის სიყვარულს კულტურულ საქმისადმი საუცხოვოდ ამტკიცებს მისი კერძო წერილი ფილადელფოს კიკნაძისადმი, რომელიც დღემდე არ იყო (ქობილი. ამ წერილში ავტორი უმთავრესად გაზეთის გამოცემისა და ეროვნულ კულტურულ წარმატებას საქმეს დასტრიალებს.

„მამაო წმიდაო ფილადელფოს.

გაზეთები და ჟურნალი გამოდის, წელიწადში რვა მანეთი თეთრი ფული გახლავსთ მისი ფასი. უკეთუ თქვენ აღწერთ რასმეს სტიხად თუ პროზად დაჰბეჭდენ ჟურნალებში. მე გირჩევ იყიდოთ, ამისთვის რომელ მრავალი სასარგებლო აღწერა იქნება იმაში, და უკეთუ თქვენ შექნიშნავთ რასმე ცუდსა, ძალგძისთ წინააღმდეგომი დასწეროთ რომელიც დაიბეჭდება. ორს ნომერს ეხლავე გიგზავნით, რვა მანეთი გამოგზავნეთ, თუ გნებავსდეთ მანდაღრ ნაწალნიკს მთართვით და ის გამოგზავნის, რათა შემდგომი ნომრებიც კომიტეტმა გამოგიგზავნოთ, სხვათაჲც კსთხოვე და კიდევ ეცადევი რათა ხელი მოაწერონ, მე ფრიად დამავალებთ, ამისათვის რომელ ცოტანი არიან ხელის მომწერნი და ხარჯი მრავალი უნდა, თუ დადგეს დაბეჭდვა მთავრობისაგან ქართველთათვის სირცხვილია, როგორ არ უნდა ვისურვოთ ენის გამდიდრებისათვის, მამულის დიდებისათვის და გონების განათლებისათვის ესრეთი ხასარგებლო საქმე. გთხოვთ ეცადოთ ათიოდ მსურველი იშოვნოთ, თუ მეტს იშოვნით, უფრო უკეთესი, ნურავინ დაზოგავს რვა მანეთს, ყოველთავე ურჩიეთ.

<sup>18)</sup> იხ. ალ. ხახანაშვილი: ქართული სიტყვიერების ისტორია გვ. 15, 1918 წ.

თქვენი მეგობარი სოლომონ დოდაევი.

თებერვლის 6-ს 1832 წ. ტფილისი \*).

ს. დოდაშვილის ახალი პოლიტიკური კრედა ნათლად არის გამოხატული მილოცვაში. რომელსაც ეწოდება: „მილოცვა დოდაშვილისა ბატონიშვილის ბაგრატიის მცირე წლოვან შვილს დავითს“. აქ დოდაშვილი ამბობს: „ისმინე ღვთისა, რომ განგიახლდეს წარსული იგი სიხარული და ნათელი და იდიდო ისევ დღესა მას შენსა, რომ გლოვა და ურვა სიხარულად შეგეცვალოს, ხოლო ბნელი ივერიისა — სინათლედ. მეცა და ივერიის დანარჩენი ხალხიც ვითხოვთ ერთხმადა, რომ ძველის ძველი მეფობა თქვენი განახლებულ იქმნეს თქვენითა და ამიერიდგან უკუნისამდე კურთხეული“. ხოლო 1832 წ. შეთქმულებისათვის დაწერილ ლექსში იგი ამბობს:

„მაისში იქნება მოწვევა ქართველთა ძალის გამოსაცდელი ავილოთ ხელში მახვილი და დავსცეთ მტერს შიშის ზარი. შეეკრიფოთ მოხალისენი, თავზედ დავესხათ მედგრადა, გავდევნოთ ძალით მოსულნი სამშობლოს მამობრებელნი. ქართველებო ხართ-ლა სადმე? არივინ იცის გონს მოდიოთ“<sup>19)</sup>.

1832 წლის შეთქმულების აღმოჩენის შემდეგ, დოდაშვილი გადასახლებული იქნა რუსეთში და გარდაიცვალა ირკუტსკში. მისი ეროვნულ პოლიტიკური მრწამსი ისევე შეიცვალა, როგორც მისი სხვა თანამოკლმეთა.

1832 წლის აჯანყების ცდა ერთგვარი მიჯნა არის ქართველი ინტელიგენციის ისტორიაში. ამ დრომდე ინტელიგენცია ფაქტიურად ჩაბმული არის რუსული კულტურის ვითარებაში და რუსულ სწავლა-განათლებლას ღებულობს, მაგრამ მისი პოლიტიკური ხაზი კი მერყეობს. ვერ ურიგდება არსებულ სისტემას საქართველოში და ეძიებს გამოსავალს. ამიტომ რუსეთის სკოლებში აღზრდილმა ინტელიგენციამ ჯერ კიდევ ვერ გასწყვიტა კავშირი ძველს

\*) ცენტრ არქივი 1832 წლის აჯანყების საქმე: Письма из сочинения Ф. Кикнадзе. № 170.

<sup>19)</sup> იგივე გვ. 16:

ტრადიციებთან და უკმაყოფილების გრძნობის გამოხატვა აქტიურ მოქმედებაში მოინდომა. ინტელიგენციის საუკეთესო ნაწილმა კავშირი გააბა საქართველოს ძველი ფეოდალური არისტოკრატის უკანასკნელ წარმომადგენლებთან—ბატონიშვილებთან და მათი კარნახით შეუდგა საზოგადოების მოწყობას. როგორც საგამომძიებლო კომისიის მოხსენებიდან ირკვევა, შეთქმულების მონაწილეთ დამოკიდებულება ქონიათ სპარსეთში გაქცეულ ემიგრანტ ბატონიშვილ ალექსანდრესთანაც, საზოგადოების დადგენილების თანახმად წევრებს უნდა გამოეყვანათ თავიანთი გლეხები და აგრეთვე ტფილისის გუბერნიის თურქები. აღსანიშნავი არის ის გარემოება, რომ „საზოგადოების“ საქმიანობაზედ დიდ გავლენას ახდენდა პოლონეთის აჯანყების პროცესი. აჯანყების საკითხის შესახებ მთელ საზოგადოების წევრთა შორის ორგვარი მიმდინარეობა ყოფილა: ერთი ნაწილი უკიდურეს ზომების მომხრენი ყოფილან, ხოლო მეორე ნაწილი (ყიფიანი, ავთანდილოვი და მამაცი-შვილი, ნაწილობრივ ს. დოდაშვილიც) ეწინააღმდეგებოდენ იარაღით გამოსვლას და სისხლიან შეტაკებებს. საზოგადოებას ნაწილობრივ ლიტერატურული ხასიათი მიუღია. თუ როგორ ემზადებოდენ აჯანყებისათვის თავად-აზნაურული ინტელიგენციის „პოდპოლსჩიკები“ ამას საუცხოვოდ გადმოგვცემს გიორგი ერისთავის ჯერ გამოუქვეყნებელი კერძო წერილი იმავე ფილადელფოს კიკნაძესთან. ეს წერილი მოგვეყავს საესებით.

## მ ა მ ა ო ფ ი ლ ა დ ე ლ ფ ო ს.

თქვენ როგორც გნებავთ მიიღეთ ჩემი წერილები. მე ყოველსა კეშმარიტებით ვამბობ:

პოი მამაო ზეციერო, გმადლობ შენ რომელსა მომეც გრძნობა და განრჩეული მყავ პირუტყვთაგან. უფალო გმადლობ, რომელმან მომეც სურვილი სწავლისა და მეცადინეობისა. გმადლობ კეთილ განგებაო, რომელმაცა

შემაკავშირე კეთილთა გვამთა და მომეც მოძღვრად ფი-  
ლადელფოს.

გიორგი ერისთავი \*).

ევონებ მიწყრებით და ფიქრობთ, ის რა პლუტი ჩა-  
ვიგდე ხელშიო, ერთხელ წიგნი არ მომწერაო. მამაო მი-  
წეზი ჩემის მღუმარებისა ეს იყო, რომ კარგი მგზავრი ვე-  
რავენ ვიშოვნე და ფოჩტით არ მოგწერე, მისთვის რომ  
რაც პახოდობა შეიქნება ხოლმე ყოველთვის წიგნსა  
ჰხსნიან, აგრეთვე თქვენც გთხოვთ ფოჩტით აღარ მომწე-  
როთ, მომილოცავს ალექსანდრეს აქტის ჩლენობა \*\*) თა-  
ვის ძმითურთ. ეგრეთვე ჩემის ბიძაშვილის შანშეს შვილი-  
სა ამათ ბევრი პარტია ჰყავთ და სცდილობენ მათ მოყვა-  
ნას. ჩემს წილად ესენი ვიშოვნე და უნდა ვიშოვნო. ალექ-  
სანდრე და ვახტანგ ორბელიანნი, ელისბარ და დიმიტრი  
ერისთავნნი ამ ოთხთ უკვე იციან.

ამ ერთ კვირაზე თავს დაგიკვრენ შემდგომნი:

თ-ი დავით ჯოჯაძე.

სოლომონ დოდოევი.

იოსებ მამაცაშვილი, ეს არის განათლებული აზნაური  
რუსულისა და ქართულის მცოდნე ამას თითქმის არავინა  
სჯობს. სულა ი რასპრავის პერევიოდჩიკი.

დიმიტრი ყიფიანოვი, ყმაწვილი კაცი რუსულის და  
ქართულის კარგათ მცოდნე, სკოლაში უჩიტელი და პე-  
რევიოდჩიკი დეპუტათ სობრანიაში.

სოლომონ რაზმაძე, \*\*\*) ეს ეხლა გადმოვიდა რუსეთი-  
დან ბატონიშვილებთან იყო. კარგი და განათლებული კაცი  
ესენი ყოველ დღე ერთადა ვართ და ადვილად შეიძლება  
ამათი მოქცევა. მამაო მწერთ პოპეიკა გაიცან ჩემთვის სა-  
ქირო არისო. იმას თუმცა ვიცნობ, მაგრამ ახლო ვერ ვიც-

\*) წერილის ამ ნაწილში გ. ერისთავი ფიცს აძლევს ფილადელ-  
ფოს „საზოგადოების“ წევრობაზე და ერთგულობაზე.

\*\*) ფილ. კიკნაძის მიერ შედგენილს ფარულ საზოგადოების  
მისტიურ წესდებას ეწოდებოდა: „აქტი გონიური“. ცენტრო არქივში  
ინახება ეს წესდება ფ. კიკნაძის ხელით დაწერილი.

\*\*\*) ს. რაზმაძე სპარსეთში ყოფილა და მოლაპარაკება ჰქონია  
იქ მყოფ ქართველ ემიგრანტებთან.

ნობ, ალექსანდრე კარგაი იცნობს და სულ ერთია, თუ გინდ მე მიცვნია, ოღონდ შენ წამოდი თორემ სულ ყველა ადვილია. ხომ იცი ჩამოხვალთ არქიერის სანახავად. ძალიან კარგი კაცია, კარგად გაზდილი და განათლებული. იმას აქვს ხარისხი დობტურის ფილოსოფიისა. ჩამოდი სუყველას კარგად მოვახერხებთ. შენზედ ცუდი აზრები მოვახსენე ჰქონდათ, მარამ მე და დოდოევმა ყველას დაუკარგეთ.

მრავალსა სურს შენი ხილვა, მე პახოდში ვაპირობ. ჩუენი საზოგადოების აზრით, რადგანაც ბევრი თავადნი მიდიოდნენ ისინი მეშოვნა ჩლენად, \*) მაგრამ ასეთები მიდიან პურის ჭამაც არ იციან. მე ლუბერნატორთან ვაპირებ შესვლას. კიდევ მიმილო. ჯერ კი არ ვიცი რა ხელობაში ვიქნები.

შენი გიორგი \*\*).

15 ივნისს.

ასე აწყობდა ქართული ინტელიგენცია ბატონიშვილების მეთაურობით კონსპირატიულ მუშაობას. მაგრამ საკმარისი შეიქმნა მთავრობას გაეგო მათი საიდუმლო საზოგადოების არსებობა, რომ მათ გულწრფელად მოენანიებიათ თავიანთი ცოდვები და ერთგული მსახურნი გამხდარიყვნენ რუსეთის ტახტისა.

ავილოთ მაგალითისათვის მეორე მონაწილე 1832 წლის შეთქმულებისა — გრ. ორბელიანი — ეს მე-19-ე საუკუნის ნამდვილი ფეოდალი. ცხადია, რომ ამ ძველ ფეოდალთა ღირსეულ მემკვიდრეს შეთქმულებაში მონაწილეობით სურდა ძველი საქართველოს აღდგენა. მაგრამ „ფარულ საზოგადოების“ ლიკვიდაციის შემდეგ მისი პატრიოტული განწყობილება ძირეულად შეიცვალა და მანაც ქედი მოიხარა ნიკოლოზ პირველის ტახტის წინაშე. თავის ცნობილ სადღეგრძელოში, შემდეგი ხოტბა შეასხა ნიკოლოზ პირველს: 20).

\*) ე. ი. ფარული საზოგადოების წევრებად.

\*\*\*) იქვე.

20). ეს ლექსი დაწერილია 1827 წელს. პირველ ვარიანტში ნიკოლოზის ხოტბას არა აქვს ადგილი, ის პოეტმა შემდეგში შეიტანა.



ხელმწიფევე ჩვენო,  
ძლიერო, ბრძენო,  
ნიკოლოზ დიდო სულგრძელობითა,  
მხედარნი შენნი,  
ერთგულნი მხნენი  
გჰსვამთ შენს სადღეგრძელოს მოწიწებითა.  
გული ივერთა გვაქვს მსხვერპლად მზადა, შენდა შესაფერ  
შესაწირავად;  
ტაძარი შენი ჰსდგას გულსა ჩვენს, მოკვდ მშვიდობის ჩვენ-  
და საკმევად.

ძველი ივერი,  
შენი ივერი,  
შენდა მოჰმართავს თვალსა და გულსა,  
შენგან მოელის,  
რომ სწავლის ლამპარსა  
კვლავ აღუნთებ ძველად გამჭრალსა.

თამარის დღენი,  
დიდების დღენი,  
შენ მოუვლინე შენსა ივერსა...  
ღმერთო გვისმინე,  
მეფეს მოჰფინე,  
ძლევა, კურთხევა, მადლი ზეციურ!  
ჩვენდა დიდებად,  
ბედნიერებად.

მეფე გვიცოცხლე მრავალ-ჟამიერ. 21).  
ეს ლექსი საუცხოოდ ახასიათებს ქართველი ინტელიგენციის სულიერ განწყობილებას და პოლიტიკურ მრწამსს 1832 წლის შეთქმულების ლიკვიდაციის შემდეგ. აქ გრ. ორბელიანის ლექსში ერთად არის შეზავებული უღრმესი სიყვარული სამშობლოსადმი (საქართველოსადმი) და ღრმა პატივისცემის გრძნობა რუსეთის ტახტისადმი. ტახტი და სამშობლო, რუსეთის მეფე და საქართველო ეს ორპირიანი ერთიანი სიმბოლო გრ. ორბელიანისა და მთე-

21) ნ. ბარათაშვილი: ლექსები გვ. 76, 1922 წ.

ლი მისი მიმყოფელ ქართველ ინტელიგენციისათვის. ინტელიგენციამ, როგორც თავად-აზნაურულმა წოდებამ, ქედი მოიხარა რუსეთის ტახტისადმი და მისი ერთგულ შინაყმად გარდაიქცა. საქართველოში, ფეოდალური ინტელიგენცია, რეაქციონური თავისი სოციალ-პოლიტიკურ მიმართულებით, ერთად ერთ ხსნასა და ბედნიერებას საქართველოსათვის რუსეთის ტახტის გაძლიერებაში ხედავდა. ეს ინტელიგენცია გაორდა თავის პატრიოტულ გოძნობაში, გაიბზარა თვის ეროვნულ პოლიტიკურ მიმართულებაში.

ამ პროცეს ვერ ასცდა ვერც მაღალი ნიჭით მოსილი, სათუთი რომანტიული გოძნობით აღსავსე ჭაბუკი ნიკ. ბარათაშვილი.

ნ. ბარათაშვილის პირველი ხანის შემოქმედება — ეს ტანჯვა არის საქართველოს ბედით, იგი მალულად ოცნებობს ძველი საქართველოს თავისუფლების აღდგენაზე. პოემა ბედი ქართლისა ეს ავტორის პოლიტიკური კრედოს გამომზეურებაა. ყრმა პოეტმა ამ პოემაში სენატორ ლეონიძის პირით მეფე ერეკლე პოლიტიკურ დისპუტში გამოიწვია ქართლის ბედის საკითხის გამო, და თითქმის პოლიტიკური ბრალიც დასდვა მას. ვის არ ახსოვს მსაჯულ ლეონიძის პასუხი მეფე ერეკლეს შეკითხვაზე საქართველოს რუსეთთან შეერთების შესახებ.

„რასა მიბრძანებთ ჰკადრა მან მეფეს,  
ბატონო ღმერთი გადღეგრძელებდეს.  
ნუ გააგონებ მაგ ხმას ქართველთა,  
ესდენ შენზედა მსასოებელთა.  
ჯერ სამაგისო რა გვემართება,  
რომ განვისიყიდოთ თავისუფლება!  
იცი, მეფეო, რომე ივერნი  
იქნებიან რუსთ ხელთ ბედნიერნი?  
სახელმწიფოსა ერთობა ჰრჯულის  
არა რას არგებს, ოდეს მისს შორის  
თვისება ერთა სხვადასხვაობდეს.  
ვინ იცის მაშინ როგორ მოუხდეს

რუსეთის ძალი ქართლს აწინდელსა,  
ვით შეითვისოს რუსმა ქართველი,  
ვით შეიწყნაროს რუსთა მეფობამ,  
რაც მოისურვოს ქართველობამა.

მაშინ, მეფეო, რამდენთ კაცთ მართალთ  
მოუკვლან გულნი ტანჯვით იღუმალთ“. 22).

მეფესთან პოლიტიკური კამათის დამთავრების შემდეგ, „მეფის ჰაზრთაგან სულით ლელვილი“ მსაჯული „ჰზრახვიდა გულში“.

მაგრამ, შენ მეფეე, ვინ მოგცა ნება —  
სხვას განუბოძო შენთ ყმათ ცხოვრება,  
მისდევდე შენსა გულისკვეთებას  
და უთგუნვიდე თავისუფლებას.  
შენ ერმა მოგცა პირველ ღირსება,  
რათა დაუცვა ყოფა-ცხოვრება,  
და რად ივიწყებ რომე მარადის  
ერსა ეკუთვნის გულის თქმა მეფის!...

ასე მსაჯულობდა სოლომონ ლეონიძის პირით ბევრ პოეტი 1839 წლებში. მაგრამ ბოლოს შმაგ მერანზე უგზო-უკვლოდ მქროლაემა მგოსანმა, ქართველის ბედით გულ-შეწუხებულმა, მთა წმინდის წიაღში მეოცნებემ, თავისი მერანი კახეთის გმირის — პატარა კახის საფლავზე წამოაჩოქა და თვითონაც ქედი მოიხარა ერეკლეს პოლიტიკით აღფრთოვანებულმა. ამ კლავ მაგარ და პოლიტიკურად შორს მკვრეტელ მეფის საფლავზე მუხლ მოდრეკილი პოეტი შემდეგნაირად მღეროდა:

„თაყვანს ვცემ შენსა ნაანდერძებს, წინასწარ თქმულსა,  
გახსოვს სიკვდილის ყამს რომ უთხარ ქართლს დაობლე-  
ბულსა.

აჰა აღსრულდა ხელმწიფესი აწ ჰაზრი შენი,  
და ვჰამთ ნაყოფსა, მისგან ტკბილსა აწ შენნი ძენი:  
ყამთ ვითარებით გადახვეწილთ შენთ შვილთ მიდამო  
მოაქვთ მამულში განათლება და ხმა საამო;

22) ნ. ბარათაშვილი: ლექსები გვ. 76. 1922 წ.

და მუნით ჰზიდვენ თესლთა ძვირფასთ მშობელს ქვეყანად,  
მხურვალე ცის ქვეშ მოსამკალსა ერთი ათასად.  
სადაც აქამდინ ხმლით და ძალით ჰფლობდა ქართველი,  
მუნ სამშვიდობო მოქალაქის მართავს აწ ხელი.  
აწ არღა ერჩის ქართველის გულსა კასპიის ღელვა,  
ვერღა ურყევს წას განსვენებას მისი აღტყელვა.

აწ მიხვდა ქართლი შენსა ქველსა ანდერძნამაგსა  
და თაყვანსა სცემს შენსა საფლავს ცრემლთ, აღნაგასა. <sup>25</sup>).  
ეს ლექსი არ არის მარტო მხატვრული შემოქმედება,  
იგი პოლიტიკური პლატფორმაც არის, თუ გნებავთ, აქ გა-  
მოთქმული არის ის პოლიტიკური ფილოსოფია, რომელიც  
სარჩულად ეღვა თავად-აზნაურულ ინტელიგენციის  
მოდერნიზაციას შემდეგ პერიოდში 1917 წლის რევოლუცი-  
ციამდე მოყოლებული.

ამ რიგად ამ ინტელიგენციის პოლიტიკური კრედო  
შემდეგ ფორმულაში გამოიხატება: რუსეთის ტახტისადმი  
ერთგულება და სამშობლოსადმი სიყვარული. ასე შეიცვა-  
ლა თავად-აზნაურთ წოდების პოლიტიკასთან ერთად ჩვენი  
ინტელიგენციის პოლიტიკაც. ასე სჭრიდა ეროვნულ პრო-  
ბლემას ქართიელი თავად-აზნაურული ინტელიგენცია  
მე-19-ე საუკუნეში. მათ სოციალ-პოლიტიკურ პროგრამას  
შეადგენდა არსებული ეკონომიური რეჟიმის დაცვა და  
თავად-აზნაურული ელემენტების გაძლიერება. ამიტომ ამ  
პოლიტიკის ყველაზე უფრო თვალსაჩინო წარმომადგენ-  
მა დ. ყიფიანმა გაილაშქრა ბატონ-ყმობის მოსპობის წი-  
ნააღმდეგ. ამრიგად ჩვენი თავად-აზნაურობა და მისი წრი-  
დან გამოსული ინტელიგენცია ერთგული დამცველი იყო  
რუსეთის ტახტისა და თავიანთი წოდებრივი ინტერესების  
მე-19-ე საუკუნის სივრცეზე. პოეზიაში თავად-აზნაურულ-  
მა ინტელიგენციამ გაამეფა შემდეგი ძირითადი მოტივები:  
ძველი საქართველოს იდეალიზაცია და თანამედროვე სა-  
ქართველოს შესახებ წუწუნი (ალ. ჭაჭვჭავაძე, ვ. ორბე-  
ლიანი, გრ. ორბელიანი) ღვინისა და ქალის კულტი (გრ.

<sup>25</sup>) იქვე.

ორბელიანი. ალ. ქავჭავაძე <sup>21)</sup>). ამავე წრიდან გამოსული მა-  
ღალ ნიჭიერი ნ. ბარათაშვილი „მსოფლიო კაეშნის“ ხმაზე  
ამღერდა; არსებითად ამ სევედის სოციალური წყარო ქარ.  
თავად-აზნაურთა ცხოვრების დეკადანსში უნდა ვეძიოთ.

მე-19-ე საუკ. არის ქართველი ბრწყინვალე წოდების  
დაცემის გამომხატველი. ამ წოდებამ დაჰკარგა თავისი სო-  
ციალური დანიშნულების ფუნქციები და სრულიად ზედ-  
მეტ ხორცად გადაიქცა ეროვნული სხეულისათვის. შეეძ-  
ლო ასეთ წოდებას და მის წრეებიდან გამოსულ ინტელი-  
გენციას მიზანშეწონილი ეროვნული პოლიტიკა შეემუ-  
შავებია? რასაკვირველია, არა. თავად-აზნაურული ინტე-  
ლიგენციის პოლიტიკა ეროვნულ საკითხში საბოლოოდ  
დამარცხდა. მისი ეროვნული იდეალები და ეროვნული  
პროგრამა სრულიად გამოუსადეგარი გამოდგა ჩვენი  
ცხოვრებისათვის; ტახტის ერთგულება და სამშობლოს სი-  
ყვარული პოლიტიკურად და ისტორიულად შეურიგებე-

---

<sup>21)</sup> მხოლოდ თავისი წოდებრივი მდგომარეობით დამთე-  
რალსა და არისტოკრატიული უदारდელობით გაელენთილ ინტე-  
ლიგენტ-ფეოდალს შეეძლო ემღერა 1832 წ. მწეავე პოლიტიკური  
დამარცხების შემდეგ და ღრმა კრიტიკულ პერიოდში ლოთი მო-  
ქეიდის პანგზე:

ჩემო იარალი, ნეტავი ოდეს,  
ლხინით აღესილი ვსხდეთ ველსა მწეანეს,  
ჩვენებურათა,  
ძველებურათა,  
ეკსეამდეთ,  
ვიძახდეთ:  
იარი-არალი.

ჯეირნის მწეადი შიშინით  
ცეცხლზედა დასტრიალებდეს,  
ყნოსეა დამტკბარი მის სუნით,  
მადასა გაგვიღვიძებდეს.  
კახეთის ღვინით აღესილი  
აზარფაშეცა ხელს გვეპყრას,  
მოთალი, თეფზი, მწეანილი  
ავვიკრელებდენ წინ სუფრას.

ასე ოცნებობდა პოეტი — ფეოდალი „გარდახვეწილი ჩრდილოს  
წყვდიადსა“ 1832 წ. პოლიტიკური დამარცხების თითქმის მეორე  
ჟღესეე.

ლი აღმოჩნდა. რადგან პირველის (ტახტის) მიზანი სწორედ მეორეს განადგურებაში გამოიხატებოდა. ეს პოლიტიკა პრაქტიკულად დამარცხებული უკვე მე-19-ე საუკუნეში, განსაკუთრებული სიძლიერით მოქმედებდა 1905 წლის რევოლუციის შემდეგ. \*) საბოლოოდ ეს პოლიტიკა აღმოფხვრა ოქტომბრის რევოლუციის შედეგებმა, როდესაც დაემხო ტახტი და ხალხის სხეულიდან აღმოიფხვრა დახავებული წოდება.

გასული საუკ. მე-60-ე წლებამდე ქართველი ინტელიგენცია ერთ მთლიან პატრიარქალურ ოჯახს წარმოადგენს, რომელსაც უმთავრესად რეაქციონური წოდებრივი ინტერესები ასულდგმულებს. მე-60-ე წლებში თავად-აზნაურთა იდილიური და მშვიდობიანი განცხრომა ახალმა კულტურულმა ნაკადულმა შეარყია: ინტელიგენციის პატრიარქალური ოჯახი დაირღვა და ბრძოლის ველზე ახალი ძალები ახალი სოციალური და პოლიტიკური პროგრამით გამოვიდნენ. (დ. ჭონჭაძე, ლ. არდაზიანი, თერგ დალეულები). ამ ახალმა ძალამ მნიშვნელოვანი იდეური ბრძოლა გააჩაღა დახავებული ინტელიგენციის წინააღმდეგ და ახალ აზროვნებას ჩაუყარა საფუძვლები. მეორე მხრით თვით თავად-აზნაურული წოდება განიცდიდა ღრმა სოციალ-ეკონომიურ კრიზისს, დეკადანსს. ამ დეკადანსის გზაზედ შემდგარი ინტელიგენცია გააფთრებით იცავდა თავის რეაქციონურ პოზიციას და ისტორიულად შემუშავებულ ტრადიციებს. (გაიხსენეთ ბარბაღე ჯორჯაძისა და სხვათა გამოლაშქრება ილია ქავეჭავაძის წინააღმდეგ ცისკრის ფურცელზე) საილიუსტრაციოთ ჩვენ აქ ისევ გრ. ორბელიანის ლექსებზე შეეჩერდებით. ამ პოეტის ლექსი პასუხი შვილთა — პოლიტიკური ხასიათის სატირა არის. სადაც რეაქციონური წოდების წარმომადგენელი თავა-

\*) 1905 წ. ცნობილი მ. მაჩაბელი შემდეგს ამბობდა: „კრიტიკულის თვალთვე რომ განვიხილოთ წარსული, დავინახავთ, რომ რუსეთის გვირგვინოსანთ უყვარდათ ჩვენი ქვეყანა, მაგრამ ბიუროკრატია უშლიდა, რომ ეს სიყვარული საქმედ — ექციათ, ამ ბიუროკრატიას უნდა შევებრძოლოთ ჩვენ ყველანი“. (იხ. არ. ჯორჯაძის ტ. I).

შოდებით იცავს ძველ ჩვეულებებს და სოციალურ პი-  
რობებს.

მოვიდნენ... და რა.  
სულ წაგვემწარა...  
ვაი ჩვენ იმედს..... ვაი თქვენს მოსვლას...  
პირველად იწყეს,  
სკოლა გამართეს.  
ესტჰეით: ახლა მხარე გაგვინათლდება....  
ყრმანი საწყალნი  
უბიწო-გულნი,  
ჰსწავლად მოსულნი, წახდნენ ზნეობით.....  
უსასოება,  
ურწმუნოება,  
უმანკო-გულში ღრმად ჩაუნერგეს;  
„ლოცვა რათ გვინდა.  
ღმერთი რათ გვინდა  
ჩვენი გონება არს ჩვენი ღმერთი“.....  
და დაიწყევლა  
თქვენი აქ მოსვლა  
და თქვენი სიბრძნის ნაყოფი შხამი.

ვაი საბრალოს,  
ჩვენს საქართველოს.  
თქვენ დაებადეთ მას სადიდებლად.  
ან სად არიან.  
ალარ ისმიან  
თაქის უფლების მალალ-ფრაზები.....  
„მოყვარს — შეწვენა,  
ბოროტსა — დევნა,  
საზოგადოების სულით აღდგენა.....  
ერთობა, ძმობა,  
ზნეთ ამაღლება,  
მამულისათვის თავის განწირვა“.  
სიტყვა სიტყვა  
საქმე კი სხვაა...

ჰე, სასურველო,  
გმირთა მამულო  
ნუთუ შენ მართლად ესე დამცირდი,  
რომ შენსა ბედსა,  
შენსა იმედსა,  
დაუხემწიფენ ცრუ-პოეტები.  
ცრუ-ლიბერალნი,  
პატრიოტები.

მესხი,\*) მეველე, \*\*) მელიქ-ალები?

ასე ილაშქრებდა ფერდალურ საქართველოს ერთი თვალსაჩინო წარმომადგენელი ახალი მიმდინარეობის — ლიბერალური დემოკრატიული აზროვნების წინააღმდეგ, ეს სატირას ფორმით გამოლაშქრება წმინდა პოლიტიკური ხასიათისა იყო. აქ მთელი რიგი მნიშვნელოვან მომენტებისა არის წამოყენებული, რომელთა წინააღმდეგ ბრძოლას აცხადებდნენ ძველი საქართველოს წარმომადგენელნი. ლიბერალიზმის ლოზუნგები: ძმობა, ერთობა, თავისუფლება და სხვა საომარ გუნებაზედ აყენებს ფერდალურ არისტოკრატიას და მას სასაცილოდ არ ყოფნის ეს ლოზუნგები.

ჩვენი აზროვნების მკვლევარნი (ჯორჯაძე, უორდანი, აბაშიძე, ხახანაშვილი), ამ ბრძოლას თაობათა ბრძოლით ხსნიდნენ. ს. მესხი ამავე საკითხს შემდეგნაირად ხსნიდა 1872 წ. იგი სწერდა:

„ღრო წინ მიდის, მას თან მოაქვს ახალი სწავლა, ახალი ჩვეულებანი, ახალგაზრდები ითვისებენ ამ ახალ სწავლას და ჩვეულებას და მოხუცებულნი კი ძველს, მამაპაპურს ადათს არ სცილდებიან... აი აქედან წარმოსდგება ის განსხვავება და ხშირათ, უთანხმოება და სიძულვილი, რომელიც მოხუცებულებსა და ახალგაზრდებს შუა არსებობს.....“

„ჩვენი მამები ბრალსა სდებენ შვილებს, რომ თქვენ ურწმუნონი, უსაქმონი და ლიბერალები ხართო; ენა წაგ-

\*) პუბლიცისტი სერ. მესხი.

\*\*) პუბლიცისტი დ. მიქელაძე.



ვიბილწეთო და სხვა ამისთანებს. "ვილებიც თავის ძბრიათ სხვა და სხვა მრუდე საქმეებს, საზოგადო სიკეთეზე დაუდევრობასა და მხოლოდ თავის საკუთარ თავზე ზრუნვას აბრალებენ მოხუცებულებს. ჩვენი საზოგადოების ორ ნაწილს შორის, მოხუცებულებსა და ახალგაზრდებს შორის უკმაყოფილება და უნდობლობა სუფევს" <sup>26</sup>)... ჩვენ ვფიქრობთ, რომ ეს არ არის ვიწროდ გაგებულნი ორი თაობის ბრძოლა: ეს არის ბრძოლა ორი სოციალური ფენის, რომელთაგანაც ერთი წარმავალი იყო, ხოლო მეორეს კი მომავლისაკენ ეჭირა თვალი: ჩვენი ცხოვრების ეკონომიურმა წარმატებამ ღრმა კრიზისი შეიტანა თავად-აზნაურულ წოდებაში და გამოიწვია მისი დიფერენციაცია. ეკონომიურ ცხოვრების სიღრმეში მომხდარმა ცვლილებამ ნაწილი თავად-აზნაურებისა გადახარა ახალი ეკონომიკის მიმართულებით და ფულის მორევში ჩაითრია. ეს მცირე ნაწილი ვერ შეურიგდა არსებულ წყობილებას და ცხოვრების ფონის გაფართოებას მოითხოვდა. ამ ნიადაგზედ აღმოცენდა ქართული ლიბერალიზმი, რომელსაც შეტაკება მოუხდა რეაქციონური ინტელიგენციის წარმომადგენლებთან. ამ რიგად ეს იყო ბრძოლა ორი თაობის იმდენად, რამდენადაც ისინი გამართლებას პოულობდნენ სოციალური ცხოვრების სხვა და სხვა ფენებში. თვით ცხოვრების სიღრმეში მომხდარმა უთანხმოებამ გამოიწვია იდეოლოგიურ ფრონტებზედაც ბრძოლა.

ძველი არისტოკრატიული მემკვიდრეობის წარმომადგენელი ვერ შეურიგდნენ, რომ ჩვენი ცხოვრების მიმდინარეობას დაეპატრონენ და მეთაურობას უწყევდნენ ნაცვლად ფარხმალ-შესხმულ გმირ-მეომართა, ახალი სწავლითა და ცოდნით აღჭურვილი კულტურული თაობა, რომელიც, შესაძლებელია, თავისდა შეუმჩნეველად, მიისწავოდა ბურჟუაზიულ ურთიერთობისაკენ; საერთოდ ჩვენი ცხოვრების „ხმალის კულტს“ ფულის კულტი სცვლიდა გარკვეული ფორმებით: ფეოდალის ურთიერთობა ადგილს უთმობდა ახალ სამეურნეო ფორმასაც.

<sup>26</sup>) ს. ვესხის ნაწერები. გვ. 69 — 70.

გრ. ორბელიანის სატირა პესიმისტური პოლიტიკური ბუტადა (აღშფოთება) არის უკვე სოციალ-ეკონომიურად და იდეოლოგიურადაც დეკადანსის თავდაყირა გზაზე შემდგარ წოდებისა.

### 3. ქართული ლიბერალიზმი.

მე-60-ე წლები მე-19-ე საუკ. ისტორიაში ჩვენი კულტურული აღორძინების დასაწყისად უნდა ჩაითვალოს. მოხდა ქართული თავად-აზნაურული ინტელიგენციის პატრიარქალური ოჯახის ორ ბანაკად გაყოფა, მოწინავე წრეების მოწინააღმდეგე ბანაკებად დარაზმვა: ერთის მხარეზე დადგა ძველი თაობა, შეიარაღებული ძველი ტრადიციებით და ვიწრო წოდებრივი ინტერესებით, მეორე მხარეზე — ახალი თაობა, შემომტანი ახალი იდეებისა საქართველოში.

ძველი არისტოკრატიული ინტელიგენცია გაკოტრდა ყოველის მხრით, ეს ნათელი და აშკარა შეიქმნა ახალი კულტურული თაობისათვის. 1873 წ. ნიკო ნიკოლაძე შემდეგნაირად ახასიათებდა ძველი ინტელიგენციის საქმიანობასა და საზოგადოებრივ ფიზიონომიას. ავტორი სწერდა:

„რა სამკვიდრებელი დარჩა ჩენ ძველ თაობას? ეკონომიურის მხრით იმას გაღარიბებული და გატყავებული ხალხი და უმოქმედო, უხეირო აზროვნება ღუპავს. პოლიტიკური მხრით ზნე დაცემული; გაცალცალკეეებული საზოგადოება, რომელსაც არა თუ ძველი გმირების სული დაუქარგავს, მათი სახელიც არ ახსოვს. ზნეობის მხრით — გაფლიდებული უხასიათობა, დაცემული ხელის ლოკვა, ძლიერის თაყვანის ცემა, სამართლიანობის დავიწყება. ლიტერატურული მხრით დაცემული მწერლობა, დავიწყებული ენა, დაფანტული და დამახინჯებული ძველი ლიტერატურა; გონების მხრით, — სრული უაზრობა, ძველი ჩვენი ლიტერატურის უცოდინარობა, ახალი ცხოვრების გაუგებრობა.. რომელ დიდებაზედ მიგვითითებს ძველი ჩვენი თაობა? იმან თვითონ თავისი საკუთარი ხელით დაამხრა და მტვერი წააყარა ამ დიდებას და იმაზე უფრო გულ-

მწველად იხსენიებს ამ დიდებას ჩვენი და არა მათი თაობა. რა საუნჯეს დაგვანახვებს, რომელ გმირს წარმოადგენს, როგორ ლიტერატურულ მოძრაობას, რომ ჩვენი გაკიცხვა და გაახლების სურვილი წალაგმოს. არათერს, არც ერთს. ის სულ ცარიელია, გაკოტრებულია... კარგი იქნებოდა, რომ მომავალი თაობების სამაგალითოდ, ძველი თაობის: მოთავე პირებს რომ ძველი აუგოს ჩვენმა ხალხმა და ზედ ეს წარწერა ამოსკრას: აქ მარხია საობა, რომელსაც საკუთარი სარგებლობა ღმერთად მიაჩნდა, რომელიც ბრძოდ ატარებდა თავის სიცოცხლეს და დაბრძოვების გამო ახალი ცხოვრების ფეხ-ქვეშ გაითელა“<sup>26</sup>).

აქ მეტად მკაცრი და საფუძვლიანი საბრალმდებლო ოქმი არის ძველი დრომოკმული ინტელიგენციის წინააღმდეგ წარდგენილი. ახალი ინტელიგენტური თაობის ამ პოლიტიკურ უსტარში განადგურებული არის ძველი თაობა, როგორც უმოკმედო და გონებრივად ჩამორჩენილი რამ:

როგორც აღვნიშნეთ ქართველი ინტელიგენციის ორ ბანაკად დაყოფას სარჩულად ედვა სოციალური მიზნები\*): ახალი თაობა იყო გამომხატველი იმ ახალი სოციალური ფენისა, რომელიც ჩვენი ცხოვრების სიღრმეში წარმოიშვა მე-19-ე საუკ. პირველ ნახევარშივე. ქალაქური ცხოვრების განვითარებამ ჩვენში და განსაკუთრებით კი ვორონცოვის პოლიტიკამ ძლიერ შეარყია თავად-აზნაურთა სოციალური და ეკონომიური ცხოვრება. ვორონცოვს მიზნად ჰქონდა დასახული ფართოდ გაეღო კარები რუსეთის სავაჭრო კაპიტალისათვის. ამიტომ ის გარკვეული ეკონომიური პოლიტიკის გატარებას შეუდგა ამიერ-კავკასიასა და საქართველოში. ამ პოლიტიკამ განსაკუთრებული გავლენა მოახდინა თავად-აზნაურთა ეკონომიურ მდგომარეო-

<sup>26</sup>) კრებული № 1 1873 წ. 6. სკანდელის წერილი.

<sup>\*)</sup> თავად-აზნაურთა დიფერენციაციას და მათ ინტერესთა სხვადასხვაობას ნათლად გამოხატავდა აგრეთვე ის პროექტებიც, რომელნიც წარდგენილი იქნა თავად-აზნაურულ წრეების მიერ ბატონ-ყმურ ურთიერთობის მოსპობის შესახებ. დ. ყიფიანის ნახევრად კონსერვატიულ პროექტს დაუპირდაპირდა უმცირესობათა და მამაციშვილ — ქავკავაძის ნახევრად — ლიბერალური და ლიბერალური პროექტები.

ბაზუ. თავად-აზნაურობამ იგემა ფულის მნიშვნელობა და მას დაუწყუო ტრფიალი. შეიქმნა ახალი სოციალური ფენა თავად-აზნაურთა წოდებაში, რომელიც ფულის ინტერესს აყენებდა პირველ რიგში. 1859 წ. აღ. ორბელიანი „ცისკარის“ ფურცლებზე სწერდა თავად-აზნაურობის შესახებ: „ისე გავღარიბდით რომ ღარიბ გლეს კაცზე უფრო მოშეტებით, თუ ვაჭრობისათვის არას ვიფიქრებთ და სხვას შესამატს კარგსა... აღარც თოფი, აღარც ხმალი, ვმადლობ ღმერთსა, მაშასადამე რალაც მნიშვნელობაა, იქ რა არის საქირო? სწავლა-განათლება, მიწის ნაყოფიერების გამრავლება და ვაჭრობა, აუცილებელი გამამდიდრებელი კაცისა. დამიფერეთ, რომ ყველას ეს ფიქრი უნდა ჰქონდეს ახლა“.<sup>27</sup>) (ხაზ. ჩვ. ს.ხ.) ჩვენ ვფიქრობთ, რომ მე-60 წლების ქართული ლიბერალიზმის სოციალური საფუძვლები უმთავრესად თავად-აზნაურთა ამ ახალ ფენებში უნდა ვეძიოთ, ხოლო იდეოლოგიურად მან დიდი გავლენა განიცადა მე-60-ე წლ. რუსეთის განმანთავისუფლებელ მოძრაობისა. ქართველმა ინტელიგენციამ პირველად მე-60-ე წლებში გაასკვნა მაგარი კავშირი რუსეთის ინტელიგენციასთან და მასთანავე აქტიური მონაწილეობა მიიღო საერთო მოძრაობის ფერხულში. ინტელიგენტიამ შეითვისა რუსეთის პროგრესიული და ლიბერალურ დემოკრატიული აზროვნება და მათი გადმონერგვა მოინდომა საქართველოს წიადაგზე. ამ აზროვნების სოციალური შინაარსი ვერ არის თავისუფალი თავად-აზნაურულ მიდრეკილებისაგან: არსებობდა იგი თავად-აზნაურულ ბურჟუაზიულ შინაარსისა და ამ რიგად ქართულ ლიბერალიზმში თავს იყრიდა როგორც თავად-აზნაურული ლიბერალიზმის ნაკადი, ისე ანომავალ კლასის ბურჟუაზიის აზროვნებაც. მე-60-ე წლების ქართული ლიბერალიზმის საუკეთესო წარმომადგენელი არის ილია ჭავჭავაძე. ილია, როგორ პოლიტიკური მოღვაწე და პუბლიცისტი, ვერ იშორებს თავიდან სავსებით თავად-აზნაურულ იდეოლოგიას, მაგრამ ცდილობს მყუთანხმოს იგი ახალ ცხოვრების ქროლვას და შეარიგოს

<sup>27</sup>) იხ. ცისკარი 1859 წ. № 10.

მიძვეალი წოდება ახლად მომავალ პროგრესიულ ძალას, გამოაბას სასიკვდილოდ გამზადებული თავად-აზნაურობა ეკონომიურად მომქმედი სოციალური კლასის გემს. რასაკვირველია ასეთი პოლიტიკა ძლიერ ხშირად მარცხით თავდება და 80-იან წლებიდან ილ. ჭავჭავაძემ არსებითად გადახარა თავისი პოლიტიკა თავად-აზნაურობის მხარეზე და ალექსანდრე მე-III-ს რეაქციონურ პოლიტიკას დაუჭირა მხარი.

ქართული აზროვნების მკვლევარნი ილიას პოლიტიკურ ფიზიონომიას სხვა და სხვანაირად ამუქებენ. ნ. ჯორდანიას დახასიათებით ილ. ჭავჭავაძე უმთავრესად კონსერვატორი და რეაქციონერი პოლიტიკური მოღვაწე არის \*), არჩილ ჯორჯაძე ილია ჭავჭავაძის დამახასიათებელ თვისებას მის დემოკრატიზმში ხედავს \*\*). ჩვენ ვფიქრობთ, რომ არც ერთი ეს დახასიათება არ არის სავსებით ამომწურავი ილიას სოციალ-პოლიტიკური ფიზიონომიისა. ილია ჭავჭავაძის პოლიტიკური და საზოგადოებრივი აზროვნება შეიძლება ორ დიდ პერიოდს გაიყოს: პირველი პერიოდი განისაზღვრება დაახლოებით 1877 წლით, ამ ხანებში ილია ჭავჭავაძე ქუდ მოხდილი სდგას რუსეთის პროგრესიულ და ლიბერალურ-დემოკრატიულ მოაზროვნეთა გავლენის ქვეშ და მის პოლიტიკურ ფიზიონომიასაც ახასიათებს რადიკალიზმი. არსებითად აქ შეზავებულია მე-60-ე წლების რუსეთის რადიკალური აზროვნება თავად-აზნაურულ-ბურჟუაზიულ აზროვნების ელემენტებთან... სოციალური საშო ამ პოლიტიკურ აზროვნებისა თავად-აზნაურულ ლიბერალიზმისა და ბურჟუაზიულ რადიკალიზმის შეუღლებაში გამოიხატება. ამ პოლიტიკურ რადიკალიზმს განსაკუთრებით ფარდას ხდის ილიას მხატვრული შემოქმედება, სადაც იგი რევოლუციონურად აღტყინებულ, ბატონ-ყმურ ურთიერთობის წიადიდან გამოსულ თავისუფლებისათვის მებრძოლ კაკოს, ზაქროსა და გაბოს უქერს. მხარს და თითქმის შრომის სუ-

\*) იხ. ჯორდანია: „ქართული პრესა“ 1900 წ.

\*\*\*) ჯორჯაძე: თხზულებანი ტ. II — 1911 წ.

ფევის ქადაგებამდეც მიდის. აქ ნათლად სჩანს მესამოცე წლების რუსული რადიკალიზმისა და რევოლიუციონური აზროვნების გავლენა.

ილ. ქაქავაძის ამ მიდრეკილებას განსაკუთრებით ააშკარავებს აგრეთვე 1872 წლის ერთი მისი წერილი, დავით ერისთავისადმი; ილია სწერს: „ეგ ოხერი ჩვენი ისტორია... მარტო ომებსა და მეფეების ისტორიაა, ერი არსადა სჩანს. მე კი ასეთი აგებულების ადამიანი ვარ, რომ მეფეების და ომების სახე არ მიზიდავს ხოლმე. საქმე ხალხია, და ხალხი კი ჩვენს ისტორიაში არა სჩანს“ \*).

მეორე პერიოდი იწყება დაახლოვებით 1877 წლით. ამ ხანებში ილიამ საკმაოდ გადახარა თავისი პოლიტიკური საქმე თავად-აზნაურობისაკენ და წოდებათა შორის მორიგების საქმეს შეუდგა. (იხ. მისი „ცხოვრება და კანონი“). ამ პერიოდში ილიას საზოგადოებრივი ფიზიონომია ხასიათდება უმთავრესად თავად-აზნაურული ლიბერალიზმით და ნაკლები გადახრით ბურჟუაზიისაკენ. ილიას უმთავრესი საზრუნავი გახდა სოფელი, გუთნის საკითხი, წოდებათა შორის ხიდის გაღება, \*\*) მათი მორიგება ეს არის მისი თ-აზ. პოლიტიკური ოპორტიუნიზმის დამახასიათებელი თვისება. იგი ბოლომდე დარჩა ნახევრად პროგრესისტი, ნახევრად ლიბერალი და ნახევრად კონსერვატორი. მაგრამ ერთ დროს პროგრესისტი—დემოკრატი და რადიკალურად განწყობილი ილია ქაქავაძე თავის მოღვაწეობის მეორე პერიოდში აშკარად გადაიხარა რუსეთის მონარქიის მხარეზე. არჩ. ჯორჯაძე სწერს მის შესახებ: „ილია ქაქავაძე ამჟამად თავისი ერთგულებით (ტახტისადმი) და საჯაროლაც ამჟღავნებდა თავის ლოიალურ გრძნობებს. ამ სტრიქონების დამწერს ერთ საუბრის დროს ეუბნებოდა განსვენებული ილია: ახალმა თაობამ კარგათ უნდა დაიმახსოვროს ერთი რამ. ჩვენ უნდა ვიყვეთ მომხრენი მონარქიული პრინციპისა. რუსეთის იმპერატორი ამავე დროს ქართველთა მეფეა... თუ გინდათ, რომ ჩვენ უფლებ-

\*) ილ. ილ. ქაქავაძე ტ. I გვ. 373, 1925 წელი.

\*\*) იხ. ივერია 1881 — 83 წლების.

ბად ისტორიული მნიშვნელობა არ დაეკარგოთ, ხელუხლებელი და პატივსაცემი უნდა იყოს თქვენთვის მონარქიული პრინციპიო.“ (ჯორჯადის წიგნი 2 გვ. 223—4 \*). ეს ნათლად ამოწმებს ქართული მე-60 წლების ლიბერალიზმის გაკოტრებას, მისი ეროვნული და პოლიტიკური პროგრამის სრულ განადგურებას. მაგრამ თავის დროზე ამ ლიბერალიზმმა დიდი პროგრესიული როლი ითამაშა ჩვენს ცხოვრების და საზოგადოებრივ აზროვნების ისტორიაში. მან შემოიტანა ჩვენში რუსეთის პროგრესიული იდეალები პირველად და ევროპიულ აზროვნებას ჩაუყარა ჩვენში ნიადაგი. ბრძოლა ბატონ-ყმურ ურთიერთობის წინააღმდეგ, ქართული სკოლის, ქართული ენის და ქართული კულტურის გაუმჯობესება ქართველ ლიბერალების სამოღვაწეო პროგრამად გადაიქცა. განსაკუთრებული ეროვნული პროგრამის წამოყენება საქართველოს სახელმწიფოებრივობის აღდგენის შესახებ ამ ლიბერალურ მიმდინარეობამ ჩვენში სცადა იმ პერიოდში. ხოლო შემდეგში (80 წლებიდან) მან სავსებით შეითვისა თავად-აზნაურულ რეაქციონურ ინტელიგენციის პოლიტიკური კრედო.

მაგრამ ქართულ ლიბერალიზმს 60-70 წლებში მეორე მიმდინარეობა ჰქონდა, უფრო რადიკალური და დემოკრატიული, ვინმე იყო ი. ჭავჭავაძის ლიბერალიზმი. ამ ლიბერალურ-დემოკრატიულ მიმდინარეობის მეთაურად შეიძლება ჩაითვალოს გ. წერეთელი, ნ. ნიკოლაძე და ს. მესხი. გ. წერეთელი აღარ იხედება უკან. ი. ჭავჭავაძისავეთ თავად-აზნაურობისაკენ; მისი სამოღვაწეო პროგრამა ბურჟუაზიული შინაარსისაა და მას კარგად ესმის ის დიდი როლი და მნიშვნელობა, რომელიც მოიპოვა ამ ახალმა კლასმა ცხოვრების წარმატებაში (იხ. კრებული № 3, 4 1873 წ.), ამიტომ იგი ვაქარ-მრეწველთა კლასის გამრავლებას და ბურჟუაზიული კლასის მებაიარახტრეთ გამოდის. ამ

\*) ა. ჯორჯადის სიტყვები ეხება ილიას მოღვაწეობის უსანაკნელ ხანებს. მე-60-ე და 70-იან წლებში იგი საკმაოდ რადიკალურად იყო განწყობილი ეროვნულ საკითხში და „ჩვენი თავი ჩვენ უნდა გვეკუთვნოდეს“ ლოზუნგის წამოყენებას სურდა.

მსრვ იგი არ. ჯორჯაძის წინამორბედი არის. ურნალ კრებულში გ. წერეთელი სწერს:

„აწ რა რკინის გზა გაიხსნა (1871 წ.) და იმან მიუ-  
თითა საქართველოს ტომის ვაჟარ ხალხს ხელი ტფილისზე  
და უთარა: აი, შენი დედა ქალაქი და საქართველოს ბურ-  
ჯი გაიყენე ხალხს ჩაუგდია ხელში. შენ ეს აქამდის არ  
იცოდი და რომ გცოდნოდა მაინც, აქამდის ვერას ვაარი-  
გებდი, აწა მიესიეთ და იჩინეთ თავი ტფილისის სავაჭრო  
ასპარეჯზედ. ახლა იქ არის ბურთი და მოედანი. დაიწყეთ  
ტფილისის სავაჭრო ბაზარშიდ მიწოლა და ვაჭრობა ისევ  
თქვენ დაირჩინეთ. უამისოდ ტფილისიც სამუდამოდ და-  
კარგულია და ქართლ-კახეთის მიწა-წყალიც დაღუპული.  
ამას გარდა რკინის გზა ძალიან მკიდროდ აახლოვებს ამ  
ერთი-ერთმანეთს წინააღმდეგ ხასიათების ხალხს, იმერ-  
ლებს და ქართლ-კახელებს“<sup>28)</sup>.

აღსანიშნავია ის ფაქტი, რომ ამ ვაჭრული და წმინდა  
ბურჟუაზიული ეკონომიური პოლიტიკით დაინტერესებუ-  
ლი იყო თითქმის მთელი მოწინავე ქართველი საზოგადოე-  
ბა ბატონ-ყმობის გადავარდნის შემდეგ. 70-იან წლებში  
დაწერილ წიგნაკში „ნაროდნიკი“ და ნილილისტურად  
განწყობილი ანტონ ფურცელაძეც კი შემდეგს სწერდა:

„ყველა ამ ნათქვამებიდან ცხადია, დავაოდნილი ხალ-  
ხი, თუ უნდა რომ არ აღიგაეოს პირისაგან ყოელისა ქვეყ-  
ნისა ამ საშინელს ჩუმს, მაგრამ უფრო შეუწყნარებელს,  
ვიდრემ სხვა რიგი ბრძოლა, ეკონომიურს ბრძოლაში, უნ-  
და იმან მდღგრად მოჰკიდოს ხელი მექარხნეობას, მრეწვე-  
ლობას, კომერციას და თან მიაყოლოს მიწათა-წალმართ-  
თობა. უფრო კიდევ მეტი ყურადღება უნდა მიაქციოს  
ვაჭრობა მექარხნეობა-მრეწველობას და ერიდოს მართა  
მიწით-წალმართობაზედ დანდობას რომელსაც, როგორც  
შევით უჩვენეთ მოსდევს ერისთვის საშინელი ბოლო“<sup>29)</sup>.  
(ხაზი ჩეენია ს. ხ.).

<sup>28)</sup> იხ. კრებული № 3, 4, 1873 წ.

<sup>29)</sup> ან. ფურცელაძე: „კაცობრიობა და ხალხოსნობა“ გვ. 68.



გ. წერეთელისა და ან. ფურცელაძის პროგრამა უაღრესად პრაქტიკული და პროგრესიულ რევოლუციონური იყო ჩვენი მაშინდელი ეპოქისათვის და ეკონომიური კითხვების ამგვარი სახით დაყენება სრულიად ახალი და უჩვეულად ხილი იყო ჩვენი ერის ისტორიაში. აღსანიშნავია ის ფაქტი, რომ ქართული ვაჭრობა-მრეწველობის განვითარების პროგრამა გამართლებული და დასაბუთებული არის ჩვენი ერის ობიექტიურ — პოლიტიკურ მდგომარეობით. ბურჟუაზიის განვითარება გააძლიერებს ჩვენს ერს და ხილს შეუწყობს მისი ეროვნული თვით არსებობის დაცვას, ასეთი არის ამ მსჯელობის ძირითადი მოტივი. ამავე მოტივებით იცავდა არ. ჯორჯაძე ქართულ ბურჟუაზიის განვითარებას ჩვენში. აღსანიშნავია ის ფაქტიც „აროდნიკულად“ განწყობილი ა. ფურცელაძე ბურჟუაზიას ეკონომიურ პროგრამის დამცველადაც გამოდის ჩვენში. ჩვენი ცხოვრების წინ მსვლელობამ და ახლად წამოჭრილმა საკითხებმა ინტელიგენციას პრაქტიკული უნარი გაუღვიძა. რეალურ ცხოვრების სინამდვილესთან შეაჯახა და ჩვენი წარმატებისათვის საჭირო ამოცანები დაუსახა გასახორციელებლად. ახალი თაობა ინტელიგენციისა ღვიძის, მოთალოს და მწეადის უშუშუნით კი არ ერთობოდა, არამედ ღრმა მნიშვნელოვანი პრაქტიკული ამოცანებით. ამომავალი ბურჟუაზიული კლასის მესვეურები პრაქტიკულ ნიადაგზედ იდგენ და პრაქტიკულ სამოქმედო პროგრამას აყენებდნენ განსახორციელებლად. ამ პროგრამის ძირეული შინაარსი ბურჟუაზიულ-დემოკრატიული ხასიათისა იყო. თვით ნ. ნიკოლაძე, რომელიც იმ ხანებში სოციალისტურად იყო განწყობილი და თავის პროგრამითა და პრაქტიკული საქმიანობით ბურჟუაზიულ განვითარებას უწყობდა ხელს, ერთ თავის შენიშვნაში 1907 წელს იგი სწერდა: „არავითარი მომზადებული ნიადაგი (70-იან წლებში) არ იყო და ჩემი პროპაგანდა იყო არა ნილილისტური, არამედ ერობისებური: მოწოდება თვითმართველობისაკენ. ეს მტკიცდება პირველი ჩემი ბროშიურით ქართულ ენაზე, რომელიც გამოცემული იყო 1871 წ. „ერობა და მისი მნი-

შენელობა". 80). პრაქტიციზმის სუნიით არის გაქლენთილი ს. მესხის შემდეგი სიტყვებიც, დაწ. 1975 წელში:

„ჩვენის აზრით, ისეთი დროა ახლა ჩვენში და ისეთ მდგომარეობაში ვართ, როდესაც წმინდა მეცნიერების შესწავლას თითქმის სრულიად არ უნდა ჰქონდეს ალაგი. ყოველი ნასწავლი ქართველი ზნეობით და სხვა ყოველი მხრით ვალდებულია ხალხის ოფლისა და მეოხებით შეძენილი სწავლა განათლება ისევ ხალხს მოახმაროს...

„...მაშულის ყოველ ნამდვილ შვილს ყველაზედ პირველად თავის სასიამოვნო და სასარგებლო შრომით მხოლოდ ის უნდა მიაჩნდეს, რაც ამ მომავლისათვის სასარგებლო და გამოსადეგია. კერძობით მიდრეკილება, საკუთარი პიროვნული სიამონება ხშირად უნდა დაივიწყოს, თუ ეს საზოგადო, სამშობლოს სარგებლობას არ ეთანხმება“ (81).

მაგრამ ეს წერეთელ-მესხის ჯგუფი სხვა მხრივაც არის საინტერესო: მათ ეტყობათ ცდა ეროვნული კითხვის პოლიტიკურ ნიადაგზე დაყენებისა. გ. წერეთელი 1879 წ. აშიერ-კავკასიის ერთა ურთიერთობის შესახებ სწერდა:

„დღეს კავკასიის აქეთი მხარის ნიადაგი სამ მკვიდრს განათლების მიმდევარ ხალხს უჭირავს: ქართველ კავკასიის ტომებს, სომხის და თათრის ტომებს. ეს სამი ტომი დღეს კავკასიის აქეთა მხარეში მკვიდრი მოსახლენი არიან, ერთმანეთის დახმარებით აშენდებიან, ერთმანეთის მტრობით კი დაიქცევიან...

„ჩვენ საქართველოს ხალხს და იმათს დაწინაურებულს კაცებს დღეს ბაირალზე ეს უნდა გვეწეროს: ერთმანეთთან დახმარება, ერთმანეთის პატივისცემა, სამივე ერის გულისათვის ერთად ზრუნვა, ძმური კავშირი და საერთო ძალით იმ შინაურ ცუდის გასწორება, რომელიც ასე აჩერებს ჩვენს კეთილ-მდგომარეობის გზაზე წინ წასვლას“ (82).

80) იხ. БИЛТОН № 10, 1907 წ. გვ. 163.

81) ს. მესხის ნაწერები ტ. I გვ. 312 — 313.

82) იხ. დროება № 13 — 16, 1879 წ.

მეორე მხრით ეს ჯგუფი იცავს არა მონარქიზმის შე-  
 კეთების, არამედ ამიერ-კავკასიის რესპუბლიკის ფედერა-  
 ტიულ მოწყობის პროგრამას. ივ. ჯაბაძარის მოგონებიდან  
 ჩვენ ვტყობილობთ, რომ ამ ჯგუფს 1874 წელში ენეევაში  
 მოუწევია კონგრესი, რომელსაც დასწრებია სომხეთის და  
 დაღესტნის წარმომადგენლებთან ერთად ქართული სა-  
 ზოგადო მოღვაწენიც; მათ შორის: გ. წერეთელი, ალ. სა-  
 რაჯიშვილი, ივანიშვილი, პ. მელიქიშვილი, ალ. ციციშვი-  
 ლი, (ნაროდნიკი) ნ. ნიკოლაძის ორი და, ელიოზაშვილი,  
 სერგო და კოსტანტინე მესხები, ჩიკოიძე და ჯაბაძარი (ნა-  
 როდნიკები) და სხ. გარდა ნაროდნიკებისა ქართველ მო-  
 ღვაწეებს წამოუყენებიათ ამიერ-კავკასიის ფედერატიული  
 რესპუბლიკის შექმნის პროექტი (იხ. ი. ჯაბაძარი „Про-  
 цесс 50-ти“ Былое № 9, 1907 წ.) რასაკვირველია ეს პრო-  
 ექტი პროექტად დარჩა, მაგრამ ქართული აზროვნების ის-  
 ტორიისათვის ასეთ ცდას მნიშვნელობა აქვს. რეაქციონუ-  
 რი თავად-აზნაურობა უკვე 30-იან წლებიდან გამოეთხო-  
 ვა ეროვნულ პოლიტიკის წამოყენებას. მან ქედი მოიხარა  
 რუსეთის მონარქიის წინაშე. 60 — 70 წლებში ბურჟუა-  
 ზიული ინტელიგენცია ცდილობს ეროვნული პრობლემის  
 განახლებას და ახალი ეკონომიური კითხვების წამოყენე-  
 ბას. მაგრამ მის მოღვაწეობას გასაქანს არ აძლევს დიდ-  
 ტანიანი რუსეთის ბიუროკრატიულ მონარქიულ სახელმ-  
 წიფოს აპარატი. ქართველი ბურჟუაზიის იდეოლოგებიც  
 პოლიტიკურ რადიკალიზმამდე მიდიან და კავკასიის ფე-  
 დერატიულ რესპუბლიკის პროგრამას აყენებენ. არსები-  
 თად ბურჟუაზიულ ინტელიგენციას სურს ეროვნული  
 პროგრამის წამოყენებით. ხელში ჩაიგდოს პოლიტიკური  
 ძალაუფლება ამიერ-კავკასიაში და ფართოდ გაუხსნას გზა  
 ბურჟუაზიულ განვითარებას ჩვენში. ამრიგად ეროვნული  
 პრობლემა 70—80 წლებში ბურჟუაზიულმა ინტელიგენ-  
 ციამ გამოაცოცხლა, მაგრამ რადგანაც ამ პერიოდში ბურ-  
 ჟუაზიული ფენები ჩანასახის პერიოდში იყო, ამიტომ ის  
 პროგრამაც უშედეგოდ დარჩა და მხოლოდ ინტელიგენ-  
 ციის ნაწილი ესარჩლებოდა ფარულად. 1900 წლებისთვის.

გ. წერეთლის როგორც ეკონომიური, ისე ეროვნული პროგრამა გამოაცოცხლა არ. ჯორჯაძემ.

ჩვენ უკვე აღვნიშნეთ, რომ 50-60-70 წლები ჩვენი კულტურული რენესანსის და აყვავების პერიოდია. ამ პერიოდში საზოგადოებრივი ძალები საკმაოდ დაიჭიმა, კულტურული ცხოვრების ფონი ახალი მოვლენებითა და ვარდ-ყვავილებით შეიმოსა. \*) ეს არის ეპოქა ქართული ბურჟუაზიული იდეოლოგიის გამოსვლისა სამოღვაწეო ასპარეზზე, ეს არის ახალი აზროვნებისა და იდეოლოგიური მიმდინარეობის დასაწყისი, ახალი კულტურულ-იდეოლოგიური ფრონტის გაჩაღება ჩვენს საზოგადოებაში. აი, როგორ აგვიწერს ამ ეპოქას ხ. მესხი გაზ. დროების 10 წლის არსებობის აღსანიშნავად დაწერილ სტატიაში. ავტორი ამბობს:

„ჯროებამ ისეთ დროს დაიწყო გამოსვლა (1866 წ.): როდესაც, ხანგრძლივი ძილისა და მუუდროების შემდეგ საქართველომ თითქო გამოღვიძება დააპირა.

„ეს ის დრო იყო როდესაც ჩვენმა ხალხმა ცოტ-ცოტათი დაიწყო თავისი ცხოვრების წესებისა და ხასიათის მიტოვება, და ახალ თანამედროვეს ცხოვრებას შეუდგა. ეს იყო ის დრო როდესაც განათლებული ახალგაზრდა ქართველები გაჩნდნენ ჩვენში, რომელთაც, ცოტა არ იყოს, შეაძრჩიეს თითქო გაქვავებული და დამუავებული ჩვენი ცხოვრება.

„ხალხი გრძნობდა ახალ დროს, ახალ ცხოვრებას, მის მოახლოვებას. თვლები და გონება რომ არ ჰქონოდა მა-

\*) ქართულ ჟურნალ-გაზეთების გამოცემის საქმე ამ წლებში ნათლად ააშკარავებს ქართულ კულტურის მაჯისცემის გაასკეცებას, ცისკარი 1852—53 წლებში გამოდიოდა გ. ერისთავის რედაქტორობით. 1857—75 წლებში ივ. კერესელიძის. საქართველოს შოამზე გამოვიდა ილ. ჯავქავაძის რედაქტორობით 1863 წელს და იარსება ერთ წელიწადს. გაზ. დროება (1866—1885 წელი) პირველად გამოვიდა გ. წერეთლის რედაქტორობით, შემდეგ კი ხ. მესხის და ივ. მაჩაბლის. ჟურ. მნათობი (1869—72) წ. ავალიშვილის რედაქტორობით. კრებული (1871—73 გ. წერეთლის რედაქტორობით. ივერია დაარსდა 1877 წელს ილ. ჯავქავაძის რედაქტორობით.

“მინდელ ქართველს, მარტო ყნოსვითაც კი შეატყობდა, რომ რალაც სხვადასხვა მოთხოვნილება გაჩნდაო”<sup>23</sup>).

ჩვენ უკვე დავინახეთ ის მთავარი სახელმძღვანელო პრინციპები, რომელიც ამ ახალ ჯგუფს ასულდგმულებდა. მაგრამ ამ პრინციპების უფრო ნათელსაყოფად აქ კვლავ სიტყვა დაუთმობთ იმავე ს. მესხს. იგი სწერს:

„თავისი ათი წლის (1866-76 წ.) სიცოცხლეში „დროებას“ ერთი საზოგადო სახელმძღვანელო აზრი ჰქონდა; ეს აზრი იმას არასოდეს არ დაუტოვებია და იმედია არც შემდეგში დასტოვებს:

იმას ესმოდა და ესმის, სამშობლო ენის ლიტერატურის მნიშვნელობა ყოვლის ხალხისათვის; იმას ესმოდა და ესმის, ლიტერატურა საზოგადოდ და პერიოდული განსაკუთრებით ძალაა, რომ ყოველმა პატიოსანმა კაცმა ის ძალა თავის ქვეყნის სასარგებლოდ უნდა მოიხმაროს.

იმას ესმოდა და ესმის, რომ კაცობრიობა ერთს წერტილზე ვერ ჩერდება, დროთა ვითარება თავისას თხოულობს, რომ ერთს ალაგას გაჩერება რომელისამე ხალხისა პირველი და აუცილებელი ნიშანია ამ ხალხის სიკვდილისა და ისტორიულად გაქრობისა“<sup>24</sup>). (ხაზი ჩვენია ს. ხ.).

ასეთი პროგრესიულ-დემოკრატიული დროშით გამოვიდა გაზ. დროება და მისი ხელმძღვანელები 60-70-იან წლებში. ამ დროშის ძირითადი ხასიათი ბურჟუაზიული შინაარსისაა. თუ იღია ჰავჰავაძის საზოგადოებრივ ფიზიონომიას ახასიათებს თავად-აზნაურული ლიბერალიზმის შეუღლების ცდა მე-60-ე წლების პროგრესიულ-რევოლუციონურ აზროვნებასთან, მესხ — წერეთლის ჯგუფი ბურჟუაზიულ ლიბერალიზმს უკავშირებს იმავე მე-60-ე წლების რადიკალურ მიმდინარეობას. ერთიც და მეორეც ახალ ბურჟუაზიული ხასიათის საზოგადოებრივ აზროვნებას ანვითარებენ ჩვენში, ერთიც და მეორეც პროგრესიულ მიმდინარეობას უყრიან ჩვენში ნიადაგს.

<sup>23</sup>) მესხის ნაწერები გვ. 341.

<sup>24</sup>) ს. მესხის ნაწერები ტ. I გვ. 344.

#### 4. ნაროდნიკული მიმდინარეობა.

60 და 70 წლები რუსეთის ისტორიაში ცნობილი არის როგორც რევოლუციონური მოძრაობის ეპოქა. ხალხოსნური მოძრაობა, ხალხთან დაახლოვება და ხალხში სიარული მორიგ ამოცანად გადაიქცა რუსეთის ინტელიგენციისათვის: საქ. თავისი ეკონომიური წყობილებითა და სოციალური შენობით ძლიერ წააგავს რუსეთს. აქაც იმ პერიოდისათვის სამეურნეო ცხოვრებაში გადამჭრელ როლს თამაშობდა ურთიერთობა თავად-აზნაურთა და გლეხობისა. 1864 წ. საქართველომ ახლად მოიშორა ფეოდალიზმის ქურქი და ჩვენი ცხოვრების სინამდვილეში ჩამოყალიბდა სოფლის წვრილ-ბურჟუაზიული კლასი — სოფლის მესაკუთრე გლეხობა და აგრეთვე ქალაქის წვრილი ბურჟუაზიაც განვითარდა. ცხადია, გლეხობას და წვრილ-ბურჟუაზიას. რომელნიც ჩვენი ხალხის დიდ უმეტესობას შეადგენდა. უნდა გამოსჩენოდა თავისი დამცველი, თავისი იდეოლოგიის მატარებელი ინტელიგენცია. რუსეთის მოძრაობამ ამ მხრივაც დიდი გავლენა მოახდინა ჩვენს ინტელიგენციაზე. 70-80 წლებში ჩვენ ვხედავთ, რომ ჩვენი ცხოვრების ფონზე უკვე გამოჩნდნენ ნაროდნიკული იდეოლოგიით შეიარაღებული მებრძოლნი. \*) მაგრამ ეს მოძრაობა არ იყო ხალხური მოძრაობა; ის მხოლოდ ინტელიგენციის ფენებს ეხებოდა.

ნაროდნიკული მოძრაობა თავის პროგრამის და მოღვაწეობის მიხედვით ორ პერიოდათ შეიძლება გავყოთ მე-19 საუკუნეში: პირველი პერიოდი 70-80 წლებს შეიცავს. ამ პერიოდისათვის ის პროგრესიული მოვლენა არის, რამდენადაც ნაროდნიკული ინტელიგენცია ხელს უწყობდა „სოციალისტურ“ იდეების გავრცელებას მო-

\*) წვრილ-ბურჟუაზიული დემოკრატიზმის მამამთავრად ჩვენში უნდა ჩაითვალოს დანიელ ჰონქაძე. ნაროდნიკული მიმდინარეობის წინაშორბედით გარდა დანიელ ჰონქაძისა, საქართველოში უნდა ჩაითვალოს ილია ჭავჭავაძეც. რამდენადაც მის მხატვრულ ნაწერებში ადგილი ჰქონდა გლეხის იდეალიზაციას და „შრომის სუფრის“ მოტივებს.

სწავლე ახალგაზრდობაში და თავის პროგრამით იცავდა სოფლის წვრილ მესაკუთრეს, რომელიც ახლახან გამოძერა ბატონ-ყმობის ნაქუჩიდან. გამაგრება სოფლის წვრილი მესაკუთრისა იმ პერიოდში პროგრესიული მოვლენა იყო ჩვენი ეკონომიკისათვის, რადგან ის ხელს უწყობდა კაპიტალიზმის განვითარებას. ჩვენში. სასოფლო სამეურნეო კოოპერაცია, არტელები, ასოციაციები და საერთოდ გლეხის კულტურის აყვავება და დაცვა — ეს სამეურნეო პროგრამა, წამოყენებული ჩვენი წვრილ ბურჟუაზიულ ინტელიგენციის მიერ 70-80 წლებში, ობიექტიურად ხელს უწყობდა ჩვენი სოფლის ეკონომიკის განვითარებას ბურჟუაზიული მიმართულებით და მასთანვე ჰქმნიდა საჭირო ბაზას ქალაქის წარმოებისათვის.

აღსანიშნავი არის ის ფაქტიც, რომ მიწის განსაზოგადოების დებულებაც ქართველი რევოლიუციონერების მიერ წამოყენებული იყო 60-70-იან წლებში. უკვე დროების პირველივე წლების ნომრებში მიწის განსაზოგადოების პრინციპი ზოგადად წამოყენებული არის, ხოლო უფრო გარკვევით და დასაბუთებით იგი დაიცვა ანტონ ფურცელაძემ 1873 წელს გაზ. „გუთნის დედაში“, 1881 წელში იგივე წერილი („მამულის საერთო მფლობელობა“) გამოცემულ იქნა ცალკე წიგნათა. ამ წერილში ანტონ ფურცელაძე სწერდა: „ამის გულისათვის არჩევენ იმას, რომ დაყოფა სრულიად აღარ იყვის: იხვენებოდეს და ივლებოდეს მთლად ერთიან ყველა სოფლის მუშა ხელის შემწეობით, და მარტო მოსავალი იყოფოდეს სასოფლოთ ყველა სულზე ცალკე... აქ იგივე მაშინები, რომელიც დღეს მდიდრების ხელში ჰლუპვენ ღარიბ ხალხს. დაეხმარებიან მუშაობაში ხალხს და ერთი ასად შეუშუბუქებენ ამათ ცხოვრებასა და შრომას ამ გვარის წესით წავა წარმატებაში სასოფლო-მეურნეობაც და აიწევს ერთი ათად და ერთი ასათ ხალხის კეთილდღეობაცა. თუ არ იქნება ამ გვარიწყობილება, რომელიც ეხლა ავწერეთ, ან იმგვარი წყობილება მაინცა მამულის მფლობელობისა, რომელიც არის რუსეთის მიხედვით სოფლებში და რომლებიც ეგრეთვე ჩვენ

აეწერეთ ზემოთ. სასოფლო მეურნეობის სახალხო საბოლოო შეუძლებელია და უნდა დაეცეს, და წავა წარმატებაში მხოლოდ დიდი შეძლების პატრონთა მეურნეობა, რომელიც მოუღებს ბოლოს წვრილ მეურნეობას და წვრილი მამულების პატრონს“. (იხ. ან. ფურცელაძე: „მამულის საერთო მფლობელობა“ გვ. 31 — 32).

ანტონ ფურცელაძე ერთ-ერთი თვალსაჩინო მკოდნე იყო ევროპისა და რუსეთის ეკონომიური ცხოვრებისა და ეკონომიურ თეორიების. მას კარგათ ქონდა გაცნობილი რუსეთის ნაროდნიკული მიმდინარეობა და ის პროგრამა, როპელსაც აყენებდნენ 60-70-იან წლების სოციალისტები აგარულ საკითხის მოსაგვარებლად. ფურცელაძემ ეს პროგრამა პირწმინდათ გადმოიტანა ჩვენს სინამდვილეში და ახლად განთავისუფლებულ გლეხებს ურჩედა მიწების კოლექტიურად დამუშავებას, წინააღმდეგ შემთხვევაში კაპიტალისტური განვითარება მოსპობს წვრილ მესაკუთრეს და გააღატაკებს მას. ასე მსჯელობდა ფურცელაძე. მაკრამ ფურცელაძის მსჯელობის პრაქტიკული ღირებულება მიწის განსაზოგადოებაში კი არ მარხია, — რაც იმ პერიოდში ობიექტიურ-ეკონომიური პირობების გამო შეუძლებელი იყო, — არამედ სასოფლო არტელების დაარსებაში, რომლის საშუალებითაც შესაძლებელი ხდებოდა წვრილ მესაკუთრის ინტერესების გაუმჯობესება.

საერთოდ 60-70-იან წლებში პირველად შემოიჭრა ჩვენში სოციალისტური პრინციპი, სოციალისტური იდეოლოგია. ამ პერიოდში ნ. ნიკოლაძის ნაწერებს აშკარად ატყვია სოციალისტური იერი, ხოლო მნათობის ფურცლებზე მ. ქიქოძე იცავდა სოციალისტურ პრინციპებს. მაგრამ ჩვენი მაშინდელი სოციალისტური მიმდინარეობა, თავისი თეორიული დებულებით რუსეთის და ევროპის წყაროებიდან მომდინარეობდა, საქართველოში მის ნამდვილ სოციალურ საშოს ახლად ფეხ ადგმული ბურჟუაზია წარმოადგენდა. რაც შეეხება ნაროდნიკობას — ეს იყო წვრილ-ბურჟუაზიული სოციალიზმი, უმთავრესად გლეხური მიდრეკილებით. 60-იან წლებში ჩვენში პირველად დაისვა რადიკალურად ბატონ-ყმობის ულ-



ლიდან განთავისუფლებულ წვრილ ბურჟუაზიის — გლეხის პრობლემა და ინტელიგენციის ერთმა ფრთამ მისი მოგვარება ნაროდნიკული პრინციპების მიხედვით მოინდომა. აღსანიშნავი არის ის გარემოებაც, რომ 70-იან წლებში ჩვენში გარკვევით ჩაისახა ახალი მიმდინარეობა მხატვრულ ლიტერატურაშიაც (ნ. ლომაური, ს. მგალობლიშვილი, ა. ფურცელაძე), რომლებსაც ტექნიკათა მოტრფიალეთ უწოდებდნენ. 70-იან წლებში ჩვენში უკვე მოქმედებდა ნაროდნიკული — რევოლიუციონური არალეგალური პარტია, რომლის შესახებაც მთავრობა თვისი აგენტების საშუალებით გულმოდგინეთ ჰკრეფდა ცნობებს. 70—80 წლებში რევოლიუციონური ნაროდნიკული ინტელიგენცია ჩვენში საგრძნობ მუშაობას აწარმოებდა მოსწავლე ახალგაზრდობაში და ხელოსნებში. 1881-83 წლებში ამ მიმდინარეობამ თავისი ორგანოც გაიჩინა იმედის სახით. ამ პერიოდში (70-80 წლებში) ნაროდნიკულ ინტელიგენციის მოღვაწეობა უაღრესად რევოლიუციონური და ახალი იყო. იგი სრულიად ახალი ხილი იყო ჩვენი საზოგადოებრივი აზროვნებისათვის.

90-იან წლებში იწყება ახალი პერიოდი ნაროდნიკულ მიმდინარეობაში. ის რაც პროგრესიული და რევოლიუციონური იყო განსაზღვრულ პერიოდისათვის, სრულიად რეაქციონურ შინაარსით აიქვს მეორე სოციალ-ეკონომიურ ხანაში. 90-იან წლებში ნაროდნიკული მიმდინარეობა ჩვენში გამოხატავდა წვრილ ბურჟუაზიის რეაქციონურ სულისკვეთებას თავისი ეკონომიური პროგრამის მიხედვით. ნაროდნიკული ინტელიგენცია წინ აღუდგა თავისი პროგრამით კაპიტალიზმის განვითარებას ჩვენში, უარყოფდა პროლეტარიატის როლს და სწადდა ხალხის ეკონომიური სტრუქტურა წვრილი მესაკუთრის ინტერესების მიხედვით აეგო. კაპიტალიზმის განვითარებამ ამიერ-კავკასიაში ხელი შეუწყო სოფლის წვრილ მესაკუთრის განვითარებას და ინტელიგენციაც, დამფრთხალი იმ მოვლენით, სცდილობდა გადაერჩინა წვრილი მესაკუთრე განადგურებისაგან და წამოეყენებინა პროგრამა კაპიტალიზმის განვითარების შეფერხებისა საქართველოში. თავის თავად ეს

პროგრამა იყო რეაქციონურ-უტოპიური და ცხოვრებამ იგი უკუაგდო. ხოლო ჩვენი 'სამეურნეო გზები კაპიტალისტურ განვითარებით წავიდა. ნაროდნიკული ინტელიგენცია არსებითად ჩამორჩა ჩვენი ცხოვრების განვითარებას. მან 90-იან წლებში ვერ შამჩნია ორი დიდი ფაქტორი ჩვენი ცხოვრების სიღრმეში შექმნილი: ფულის ტრიალის გამეფება. კაპიტალისტური მეურნეობის აღმოცენება და პროლეტარიატის ჩამოყალიბება. ამის გამო ნაროდნიკული ინტელიგენცია გაირიყა ცხოვრებიდან და მისი ადგილი ახალმა მიმდინარეობამ დაიჭირა.

როგორი იყო ამ ჯგუფის ეროვნული პროგრამა?

ნაროდნიკული მიმდინარეობა ჩვენში მოკავშირეს ეძებდა რუსეთის რევოლუციონურ დემოკრატიაში და სრულიად არ სკდილობდა ქართველი ხალხი გამოეყო რუსეთის საერთო მოძრაობიდან. ამიტომ იყო. რომ ერთი ნაწილი ჩვენი ნაროდნიკული ინტელიგენციისა (ზდანოვიჩი-მაიაშვილი. ჯაბადარი, გამყრელიძე. ციციშვილი, ჩიკოიძე და სხ.) მხურვალე მონაწილეობას იღებდენ რუსეთის რევოლუციონურ მოძრაობაში. <sup>35)</sup> ეს ჯგუფი სკდილობდა ქართველი ხალხის განთავისუფლებას რუსეთის რევოლუციონურ დემოკრატიასთან ერთად. 1874 წელს უენევის

---

<sup>35)</sup> აი რას სწერს ა. არგუნოვი 70-იან წლების ერთი ქართველი რევოლუციონერის შესახებ: „როგორც ცოცხალი ისე სდგას ჩემს წინაშე ჩვენი საერთო საყვარლის გამყრელიძის პიროვნება (ძია გამკას. როგორც მას ყველანი ვეძახდით). 50-ის პროცესის გამო (1875—77) ის ციხეში იქნა გადასახლებული. ვადის გათავების წინ, გამყრელიძე კვლავ სასამართლოში იქნა მიცემული ადგილობრივ ტაბიზოვის ნაქმების გამო. ძლივს მოასწრო თავის სამშობლოში — კავკასიაში დაბრუნება. (რომელზედაც მთელი თავისი არსებით ოცნებობდა) კვლავ გადასახლებულ იქნა. იაკუტის ოლქში 5 წლით. ვადის გათავების შემდეგ ის ბოლოს დაბრუნდა სამშობლოში, მაგრამ ძლიერ ჩქარა გარდაიცვალა (თუ არ ვსცდები — 1892 წ.) კლარით მოსილი თავით, მაგრამ ახალგაზრდა გულით, გულწრფელი. ფიცხელი კავკასიური ტიპის მამაკაცი. ის მთლად მიენდო ახალგაზრდობას. დადიოდა ჯგუფებიდან ჯგუფებში. მალე დაგვიმეგობრდა (ახალგაზრდა რევოლუციონერებს) და ჩვენთან თანაბრად ეწეოდა მუშაობას „(იხ. А. Аргунев: из прошлого пятии социал.-революционерув“ ჟურ. Бюлет № 10, გვ. 95, 1907 წ.).

ქართველთა კონგრესზე ამ ჯგუფმა გაილაშქრა ამიერ-კავკასიის ფედერაციის პროექტის წინააღმდეგ და მოითხოვა ქართველი ხალხის გაერთიანება რუსეთის ხალხთან (იხ. ჯაბადრის „მოგონებები“). მსგავსივე პოლიტიკით გამოდიოდნენ საქართველოში მომქმედი ნაროდნიკული წრეები 70-80 წლებშიაც. (იხ. შ. დავიძოვის მოგონებანი „რევოლიუციის მარტიანი“ № 3 1923 წ. გვ. 204). ამრიგად ნაროდნიკების ეროვნული ფორმულა შემდეგი სახით გამოითქმებოდა: საქართველოს განახლება განახლებულ რუსეთში. ამ სახით ნაროდნიკულმა ინტელიგენციამ თავისი მოკავშირენი რუსეთის რევოლიუციონურ დემოკრატიაში კპოვა იგი იდეოლოგიურად. პროგრამით და ორგანიზაციულად გადაეჯაჭვა რუსეთის რევოლიუციონურ მიმდინარეობას. ნაროდნიკულმა მიმდინარეობამ ანდერძად დაუტოვა თავის მემკვიდრე თაობას რუსეთის დემოკრატიასთან კავშირი და მასთან ერთად ბრძოლა საუკეთესო იდეალებისათვის.

## 5. მარქსისტული მიმდინარეობა ჩვენში.

90 წლები ერთ-ერთი მნიშვნელოვანი ეპოქა არის ჩვენი ხალხის ცხოვრებაში. ამ პერიოდში ქართველმა ხალხმა თითქოს ჯამი გაუქეთა თავის ერთი საუკუნის მოღვაწეობას და გაასკეცებული ენერგიით გამოააშკარავა თავისი შემოქმედებითი პოტენცია. ეს ეპოქა ყოველ მხრივ მდიდარი და მნიშვნელოვანი არის ჩვენთვის. ამ ხანაში გარკვეული პროგრამით დაუპირისპირდნენ ერთი მეორეს სოციალური კლასები: გაჩაღდა კლასთა შორის არა მარტო ეკონომიური და პოლიტიკური ხასიათის ბრძოლა. არამედ თეორიულ-იდეოლოგიურ ხასიათის ომიც. 90-იან წლებმა ჩვენ მოგვცა ახალი მიმდინარეობა მარქსიზმის სახით. მარქსიზმის აღმოცენებას და განმტკიცებას ჩვენში ხელი შეუწყო სამმა გარემოებამ: ა) ვაქრობა-მრეწველობის განვითარებამ ჩვენში და ახალი სოციალური კლასის — პროლეტარიატის წარმოშობამ; ბ) ძველი სოციალისტური მიმდინარეობის საბოლოო გაკოტრე-

ბამ და გ) რუსეთის მარქსისტულ მიმდინარეობის გავლენამ.

90-იან წლებისათვის ჩვენში უკვე ჩამოყალიბებული იყო მუშათა კლასი და მას თავისი იდეოლოგია უნდა გასჩენოდა. ეს იკისრა ქართულმა მარქსიზმმა, ხოლო რადგან ჩვენი პროლეტარიატი აჭრელეულ მასას წარმოადგენდა, ამიტომ მარქსიზმის შეთვისების საქმეზედაც ამ გარემოებას თავისი გავლენა უნდა მოეხდინა. მაგრამ აღსანიშნავი არის მეორე მომენტიც: 90-იან წლებში ჩვენში ამოძრავდა წვრილი ბურჟუაზიაც, ნაწილობრივ გლეხობა, ინტელიგენცია და სხვა, რადგან ამ წრეებმა თავისი შესაფერისი დამცველი ვერ ნახეს ნაროდნიკულ მიმდინარეობაში, ისინი გაეშურენ სოციალ-დემოკრატიული ორგანიზაციისაკენ. ამ საკითხის შესახებ 1905 წელს ნ. ჟორდანიას სწერდა: „წვრილი ბურჟუაზიული კლასები თავის პარტიაში ვერ გამაგრდენ, სამაგიეროდ ისინი მაგრდებიან ჩვენ პარტიაში, ამით ბურჟუაზიულმა აზროვნებამ შემოხეტია სოციალ-დემოკრატიის კედლებში და მას ემუქრება შიგნიდან“ (იხ. ნ. ჟორდანიას „დემოკრატია და ს-დემოკრატია“ გვ. 19). ცხადია, ეს წვრილი ბურჟუაზიული მასა და ინტელიგენციაც თავისებურ გაგებას მისცემდენ მარქსიზმის პრინციპებს. მენშევიზმი, რომელიც შემდეგ ჩამოყალიბდა ჩვენში, არსებითად გამომხატველი ამ წვრილ ბურჟუაზიულ ფენებისა და მისი სარღლობა ნ. ჟორდანიას ხვდა წილად.

ორი დიდი კითხვის გაშუქება განმარტება დაჭირდა ჩვენში ახლად აღმოცენებულ მარქსიზმს 90-იან წლებში: ა) მარქსისტებმა მეცნიერულად დაამტკიცეს ის დიდი მნიშვნელობა, რომელიც თან მოსდევდა კაპიტალიზმის განვითარებას, შედარებით წინა კაპიტალისტურ სამეურნეო ფორმაციასთან. ჩვენში არსებული მიმდინარეობანი (ნაროდნიკული, კონსერვატორები, ლიბერალები) ერთის მხრით მეცნიერულად უარყოფდენ საერთოდ კაპიტალიზმის დიდ როლს ხალხის წარმატების საქმეში, მეორეს მხრით სრულიად ვერ ამჩნევდენ (ზოგიერთი ნაროდნიკების გამოკლებით) ახალ მომენტებს ჩვენ სამეურნეო ცხოვრე-

ბაშვი. მარქსიზმმა ამ მხრივ გამანადგურებელი მახვილი ჩასცა მათ დებულებებს და ფაქტებით ხელში დაამტკიცა ის ღრმა ეკონომიური ცვლილებების არსებობა, რომელიც განიცადა საქართველომ 1864 წლის შემდეგ: საქართველომ თავი შეეყო კაპიტალისტურ ურთიერთობაში და ამის არ დანახვა მხოლოდ ჩამორჩენილობით შეიძლებოდა. მაგრამ კაპიტალისტურ განვითარებას არა მარტო წარმატება მიჰქონდა, არა მარტო ეკონომიურ დაწინაურებას უწყობდა ხელს, არამედ ჰქმნიდა სილატაკეს და შიმშილს ფართო მასისათვის. ასეთი არის დიალექტიური გზა კაპიტალიზმის განვითარებისა.

ბ) კაპიტალიზმის განვითარების აუცილებლობას თან მოსდევდა ერის დაყოფა კლასებად; მოწინააღმდეგე ჯგუფები აქაც გაურკვევლობას იჩენდნენ: ერთის მხრით ისინი უარყოფდნენ კლასების არსებობას ჩვენში, მეორეს მხრით მათ სრულიად არაფერი გაეგებოდათ იმ დიდი მისიის, რომელიც ისტორიამ დააკისრა პროლეტარიატს აღსასრულებლად.

მაგრამ უკანასკნელი კითხვის გარკვევაში მარქსისტული მიმდინარეობის ერთმა ნაწილმა (ნ. ჟორდანიას და სხ.) სრული გაუგებრობა გამოიჩინა და აქ აღმოჩნდა სწორედ მისი ოპორტიუნიზმი და წვრილ-ბურჟუაზიული ბუნება. ჟორდანიამ სრულიად სწორად შენიშნა ჩვენი ცხოვრების გაქალაქების ტენდენციები, ქალაქის მცხოვრებთა დაწინაურება და მათი ხელმძღვანელობა საერთო მიმდინარეობისა, მაგრამ მას დააფიწყდა, რომ ქალაქის მცხოვრებნი თავისი მხრით დაყოფილნი არიან კლასებად და მარქსიზმი სწორედ პროლეტარიატს სცნობს მებრძოლ კლასად და მის ჰეგემონიას ამყარებს სხვა დემოკრატიულ ფენებზე. ნ. ჟორდანიამ ეს ელემენტარული, მაგრამ ძირითადი დებულება მარქსიზმისა ვერ შეითვისა და ფართო დემოკრატიული პროგრამა წამოაყენა თავის სამოღვაწეო პლათფორმაში. 1900 წ. იგი სწერდა... „ჩვენი ერის მოწინავე ხალხის თანდათან განვითარება, გაცნობიერება, დაბალი საფეხურიდან მაღლა ამოყვანა და შეგნებულ რაზმად გადაქცევა—აი რას უნდა ელტვოდეს მწერლობა,

აი მისი დროშა. ეს ერთიანად დემოკრატიული მოძრაობაა და მისი წინამძღოლი პრესაც დემოკრატიულია“ (იხ. „ქართული პრესა“ გვ. 116 1900წ.) ამრიგად „დემოკრატიის“ მოძრაობა და „დემოკრატიის“ დროშა გადაიქცა ნ. ჟორდანიას სამოღვაწეო პროგრამად. ეს პროგრესიული პროგრამა იყო ჩვენში მაშინდელ ცხოვრებისათვის, მაგრამ იგი მაინც შორს იდგა მარქსიზმისაგან. ჟორდანია პროლეტარიატის ხელმძღვანელობას კი არ მოითხოვს ფართო დემოკრატიულ მასაზე, არამედ პროლეტარიატის გათქვეფას მასაში, მისი კლასიური თვითშემეცნების გალესვას დემოკრატიულ ლოზუნგში. დღესაც სიტყვით ამ ლოზუნგით გამოდის მენშევიკური პარტია, მაგრამ იგი დღევანდელი პირობებისათვის რეაქციონურია და სრულიად მიუღებელი. ჩვენში ნ. ჟორდანიას პირით მეტყველებდა წვრილი ბურჟუაზიის პროგრესიული ნაწილი. ნაროდნიკებმა მათი მოთხოვნილებები ვერ დააკმაყოფილეს და წვრილი ბურჟუაზიაც (ინტელიგენცია, მოწინავე გლეხობა და სხვა) მარქსისტულ სამოსელში გამოეხვია და მარქსისტული ნიღაბით გამოვიდა, ხოლო მისი არსებითი ბუნება მაინც წვრილ-ბურჟუაზიული დარჩა... მან თავისი რეალური სახეც მიიღო და გარკვეულ სისტემაში ჩამოყალიბდა მენშევიზმის სახით. მაგრამ მარქსიზმა თავისი ნამდვილი სახეც ნიილო ჩვენში. ამ გარემოებას ხელი შეუწყო, ერთის მხრით, მოწინავე გათვითცნობიერებული მუშათა კონტინგენტის ჩამოყალიბებამ ჩვენში, ხოლო მეორე მხრით რევოლიუციონური ინტელიგენციის (ფ. მახარაძე, მ. ცხაკაია, და სხ.) მხრივ მარქსიზმის სწორედ გაგებამ. ასეთ ნაკადულიდან აღმოცენდა შემდეგში დამთავრებული რევოლიუციონური სისტემა ბოლშევიზმის სახით.



ჩვენ გავითვალისწინეთ უმთავრესი მომენტები ქართველი ინტელიგენციის განვითარებისა და დავინახეთ, რომ მე-60-ე წლებიდან საქართველოს ეკონომიურსა და პოლიტიკურ ცხოვრებაში მომხდარმა ცვლილებებმა

დაარღვიეს ინტელიგენციის პატრიარქალური ოჯახი და ისინი სხვადასხვა ჯგუფებს სახით დაუპირისპირდენ ერთი მეორეს. ეს იყო ანარეკლი სოციალური ცხოვრებისა. რეალურად კლასების დაპირისპირებამ გამოიწვია ინტელიგენციის დაყოფა ჯგუფებად, სადაც ომი უმთავრესად თეორიულ და იდეოლოგიურ ფრონტზე სწარმოებდა. მაგრამ ცხოვრება გაშუღმებული წინმსვლელობა არის დიალექტიური ფორმებით. ის, რაც ერთ პერიოდში პროგრესიული არის, მეორე-სოციალ ეკონომიური პერიოდისათვის რეაქციონური ხდება. ასე ემართებათ კლასებს, ასევე მოსდით პარტიებსაც. მე-19 საუკუნეში მომქმედი ყველა კლასები და პარტიები დღეს სრულიად მიუღებელნი არიან ჩვენი რეალური სინამდვილისათვის. აქედან იმავე საზოგადოებრივი ცხოვრების ლოდიკის ძალით მხოლოდ ერთმა შეინარჩუნა თავისი პროგრესიული დანიშნულება: ეს კლასი პროლეტარიატი და მისი პარტია მარქსისტულ-ბოლშევიკური პარტიაა, რომელსაც ისტორიამ დააკისრა საქართველოს სინამდვილის გარდაქმნა კომუნისტურ საფუძვლებზე. მე-19-ე საუკუნემ საკმაო კულტურული მემკვიდრეობა დაუტოვა პროლეტარიატს და მის პარტიას. ქართველი ინტელიგენციის ნამოღვაწარს ხელ აღებით არ უარყოფს პროლეტარიატი: იგი აფასებს ამ მოღვაწეობას ისტორიულ საზომით და ჰკრეფს ინტელიგენციის მიერ დატოვებულ მემკვიდრეობიდან მას, რაც ცხოვრების წინ წამწევი და პროგრესიული იყო.







ქართული მენეჯმენტი და მისი სოციალური  
საფუძვლები.



## ქართული მენშევიზმი და მისი სოციალური საფუძვლები.

### 1. ინტერესი საკითხისადმი.

პოლიტიკური ცხოვრებით დაინტერესებული მკითხველისა და მოქალაქის ყურადღებას აუცილებლად მიიპყრობდა ორი დიდი ფაქტი ქართველ მენშევიკების მოღვაწეობიდან: ა) დიდი რევოლუციის წინა პერიოდში და საქართველოს დემოკრატიული რესპუბლიკის ხანაში მენშევიკები ჩვენში ფაქტიურად წარმოადგენდნენ მასიურ პარტიას. ამ პერიოდში მენშევიზმმა დაიპყრო ქართული ცხოვრების სიმალღეები და იქედან გადმოდენა ან შეაფიწროა სხვა პარტიები და თვით გაბატონდა. ისტორიული ფაქტია, რომ საქ. დამფუძნებელ კრებაში (1919 წ.) 130 წევრიდან მენშევიკებმა გაიყვანეს დაახლოვებით 108 წევრი. აქედან ცხადია, რომ მენშევიკური პარტია ბატონობს სოფლის და ქალაქის ფართო მასებზე: მას არა მარტო პოლიტიკური საქმე უპყრია ხელთ, არამედ მის განკარგულებაში არის ჩიენი სოციალური ცხოვრების სხვა-და-სხვა ფენები. ბ) საქართველოში საბჭოთა ხელისუფლების გამოცხადების შემდეგ იწყება მენშევიკების დაშლის პერიოდი. განსაკუთრებით 1923 წლიდან იგი რღვევის პროცესს განიცდის, დას-დასად მისი შემადგენელი ნაწილები სტოვებენ პარტიას და ეს პროცესი ვითარდება არა მარტო საქართველოში, სადაც მენშევიკური პარტია პოლიტიკური არტანებით შეზღუდულია. არამედ იქაც, ევროპაშიც, სადაც ქართველ მენშევიკებს სრული თავისუფლება აქვს მინიჭებული. ეს არის. მენშევიზმის მასიურად დაშლის პერიოდი.

ამრიგად პირველ პერიოდში იგი მასაზე ბატონობს, მეორე პერიოდში კი — მასიდან ირიყება; პირველ პერიოდში იგი მასიური პარტიაა, მეორეში კი — მასიდან დატოვებულსა და გარიყულს პარტიას წარმოადგენს.

კიდევ მეორე სერია მნიშვნელოვან ფაქტებისა იმავე მენშევიკების მოღვაწეობიდან: რევოლუციამდე მენშევიზმი სიტყვით თითქმის ყველა პოლიტიკურ პარტიების მარცხნივ იდგა ჩვენში და რადიკალურად ემიჯნებოდა სხვა პოლიტიკურ პარტიებს. საქართველოში პოლიტიკურად გაბატონებისა და განდევნის შემდეგ პერიოდში, მენშევიზმი ფაქტიურად მეთაურობს ანტი-რევოლუციონურ ჯგუფებს: ამ პერიოდში მისი ფორმულაა: „დასავლეთის იმპერიალისტები შირჩენია აღმოსავლეთის ფანატიკოსებსო (ბოლშევიკებს)“-ო.

ამრიგად მენშევიზმი არა მარტო ორგანიზაციულად მარცხდება, არამედ იდეოლოგიურადაც კოტრდება; მისი სამოღვაწეო პროგრამა აშკარად აივსო კონტრ-რევოლუციონური შინაარსით.

მენშევიზმი დამარცხდა ორგანიზაციულად, გაკოტრდა — იდეოლოგიურად. ერთ დროს გაბატონებულ მასიურ პარტიას შემარცხენეობის ფარხმალით შეიარაღებულს, — დღეს ეს „სიამაყენი ამა სოფლისანი განეძარცვა“ და გაძარცული დაიარება ევროპის სასახლეებსა შინა....

ზემოდ აღნიშნული ფაქტები არ არის ჩვენი ცხოვრების ფონზე ამოჭრილი შემთხვევითი მოვლენები: მათ ღრმა სოციალური მიზეზები უდევს საიჩუღად. ახსნა ამ ფაქტების სოციალური მიზეზებისა, მათი სააშკარაოზე გამოტანა, მეტად საინტერესო თემას წარმოადგენს. ეს არ არის მარტო პოლიტიკური საკითხი, იგი უაღრესად სოციალური პრობლემაც არის.

ვისაც სურს გაიგოს რომელიმე პარტიის მოძღვრების შინაარსი, მისი არსებითი სახე და რაობა, მან ამ მოძღვრების არა მარტო ზოგადი დებულებანი უნდა შეისწავლოს, არამედ მისი წარმომშობი საზოგადოებრივი მიზეზებიც უნდა გამოარკვიოს და აგრეთვე ის სოციალური

ბაზაც, რომელიც ამ პარტიის მთავარ დასაყრდნობს წარმოადგენს. ყოველი პარტია რომელიმე სოციალურ კლასს ეყრდნობა, რომელიმე სოციალურ წრის ავანგარდს წარმოადგენს. გაცნობა ამ სოციალური წრის ფიზიონომიისა განსაზღვრულ ისტორიულ პერიოდში, გამოაშკარავება მისი საზოგადოებრივი როლისა, ნათელს მოჰფენს თვით პარტიის ფიზიონომიას. ჩაიხედეთ რეალურ სინამდვილის სიღრმეში — სოციალურ ფენების წიაღში და თქვენ იცნობთ მისი პარტიის ნამდვილ სახეს, მისი ავანგარდის სწორ ფიზიონომიას; მაგრამ ჩაიხედეთ ამ პარტიის პროგრამაში და თქვენს წინ ხშირად არ გადაიშლება იმ სოციალური ფენის ნამდვილი სახე, რომელსაც ეს პარტია არსებითად ეყრდნობა. რად ხდება ეს? ხშირი არის ისტორიული შემთხვევა, როდესაც განსაზღვრული პარტია, გამოძახატველი რომელიმე კლასის ინტერესებისა, სრულიად საწინააღმდეგო პროგრამით გამოდის და საწინააღმდეგო დებულებებს აყენებს, ვინემ ამას ითხოვენ მისი კლასის ინტერესები ე. ი. ეს პარტია პოლიტიკურ ნიღაბს იყვთებს, ბრკყვიალა გარეგან სახეს იღებს, რომ დამალოს თავისი არსებითი სახე: მისი გარეგანი ფორმა — ნიღაბში შედარებით მომხიბლავია და მშვენიერი, ხოლო არსებითი მიზნებით კი ამის საწინააღმდეგოა. ერთი სიტყვით, ნიღაბით სხვაა, შინაარსით კიდევ სხვა. აქ ფორმა და შინაარსი, ნიღაბი და შინაარსი ერთი-მეორეს არ ეგუება. საჭირო არის მკვეთრი დიალექტიური მეთოდი, რომ არ შესცდეს და გარეგანმა ნიღაბმა არ დაფაროს მისი ნამდვილი შინაარსი.

ასე, მაგ., მარქს — ენგელსმა კომუნისტურ მანიფესტში შემდეგნაირად დაახასიათეს ფეოდალური სოციალიზმი: „ინგლისის და საფრანგეთის არისტოკრატია თავის ისტორიული მდგომარეობით მოწოდებული იყო თანამედროვე ბურჟუაზიული საზოგადოების წინააღმდეგ პამფლეტები ეწერა..... თანაგრძნობის მოსაპოებლად არისტოკრატიას უნდა მოეჩვენებინა, რომ იგი თავის საკუთარ ინტერესებზე კი აღარ ზრუნავს, არამედ ადგენს საბრალოდ მხოლოდ და

მარტოდენ გაყველფილ მუშათა კლასის ინტერესებისათვის. ამნაირად ის სიამოვნებას იმაში ხედავდა, რომ თავის ახალ ბატონს სალანძღავ წერილებით უმასპინძლდებოდა და ცოტათ თუ ბევრად საშიშარ წინასწარმეტყველებას ყურში ჩასჩურჩულებდა.

ასე წარმოიშვა ფეოდლაური სოციალიზმი....

პროლეტარის სამათხოვრო ხალათს არისტოკრატია დროშასავით აფრიალებდა თავის გარშემო ხალხის შემოსაკრებად. მაგრამ აიყოლებდა თუ არა ხალხს, უკანასკნელი მის ზურგზე მაშინვე ამჩნევდა ძველ ფეოდალურ ღერბს და ხმამაღალი მოურიდებელი რახრახით შორდებოდა მას“.

ამრიგად, არისტოკრატია სოციალიზმის ნიღბით გამოვიდა, მაგრამ ამით სრულიათ ვერ დაჰფარა თავის ფეოდალურ-რეაქციონური შინაარსი: გარკვეულ ისტორიულ მომენტში თავისი ნამდვილი სახე გამოამჷვერა, ხოლო მარქს-ენგელსის მკვერთმა დიალექტიურმა ანალიზმა ყველასათვის ცხადი გახადა ამ არისტოკრატული სოციალიზმის არსებითი ბუნება და დანიშნულება. ამრიგად პარტია იცნობა არა მარტო თავისი პროგრამით, არამედ თავისი შემოქმედებით.

ქართული მენშევიზმი ჩვენში განსაზღვრულ ისტორიულ პერიოდში წარმოიშვა და გარკვეული სოციალური მომენტების ზეგავლენით ვითარდებოდა. ამ პარტიის და მისი ლიდერების მოღვაწეობამ მთელი ეპოქა შექმნა ჩვენში. ეპოქა, რომელიც 30 წლის მანძილით განისაზღვრება.

მაგრამ მენშევიზმი არის გარკვეული ოპორტუნისტული დოქტრინა და, როგორც ასეთი, იგი ეყრდნობა ჩვენი საზოგადოებრივი ცხოვრების განსაზღვრულ ფენებს. რაში გამოიხატება ოპორტუნისმის სოციალური შინაარსი?

## 2. მარქს-ენგელსი და „ლენინი ოკოტუნიზმის შესახებ“.

ოკოტუნიზმი და რეფორმიზმი ყველგან და ქოველ ქვეყანაში ერთი და იგივე წყაროდან არ მომდინარეობს. ოკოტუნიზმის არსებითი ჩასაათი ყველგან თითქმის ერთგვარია, ხოლო მისი წარმომშობი სოციალური საშო სხვადასხვა ქვეყნებში სხვადასხვაობს ამ ქვეყნის ეკონომური და კულტურულ-პოლიტიკური განვითარების მიხედვით. ჟორესიზმი და მილიერანიზმი — საფრანგეთში, ტრედუნიონიზმი და მაკდონალდიზმი — ინგლისში, ბერშტეინიანიზმი და კაუტსკიანიზმი — გერმანიაში, მენშევიზმი — რუსეთსა და საქართველოში ერთი და იგივე რეფორმისტულ შინაარსს ატარებენ. ხოლო მათი წარმომშობი მიზეზები სხვა-და-სხვა გვარია აღნიშნულ ქვეყნებში. დაწინაურებულ ქვეყნებში სადაც კაპიტალისტურმა განვითარებამ უმაღლეს საზღვარს მიაღწია. რეფორმიზმი მუშათა არისტოკრატის. პრივილეგიებით მოსილ პროლეტარულ ზედაფენების იდეოლოგიურ და პოლიტიკურ მომდინარეობას წარმოადგენს. ხოლო ჩამორჩენილ ქვეყნებში. როგორც რუსეთი და საქართველო, სადაც კაპიტალისტური ეკონომიკა თავისებურ ობიექტიურ პირობებში ვითარდებოდა. რეფორმიზმი წვრილ-ბურჟუაზიულ ფენებისა და ჩამორჩენილ პროლეტარულ ელემენტების იდეოლოგიას გამოხატავს. სხვა-და-სხვა სოციალური ფენებიდან წარმოშობილი რეფორმიზმი და ოკოტუნიზმი ერთნაირ პროგრამულ დებულებამდე მივიდა: იქაც, ევროპის დაწინაურებულ ქვეყნებშიაც და ჩვენშიაც რეფორმიზმი წარმოადგენს შეთანხმებას და თანამშრომლობას კაპიტალისტურ კლასთან. შეგუებას კაპიტალისტურ ეკონომიკასთან.

ამ გარემოებას. ჯერ კიდევ ამ 60—55 წლის წინედ არსებითი ყურადღებას აქცევდენ მარქსი და ენგელსი.

1858 წელს ენგელსი სწერდა მარქსს: „ინგლისის პროლეტარიატი ფაქტიურად სულ უფრო და უფრო ბურჟუაზიულდება. ისე, რომ ამ ყველა ერთან შედარებით ძლიერ ბურჟუაზიას. ეტყობა სურს ბოლოს და ბო-

ლოს საქმე იქამდის მიიყვანოს, რომ ჰყავდეს ბურჟუაზიის გარდა ბურჟუაზიული არისტოკრატია, და ბურჟუაზიული პროლეტარიატი; რასაკვირველია, ეს ერთგვარად შესაძლებელიც არის იმ ერისთვის, რომელიც მთელი მსოფლიოს ექსპლოატაციას ეწევა“.

1882 წელს იგივე ენგელსი სწერდა კ. კაუცკის: „თქვენ მეკითხებით, რას ფიქრობენ ინგლისის მუშები კოლონიალურ პოლიტიკაზე? ფიქრობენ იმას, რასაც პოლიტიკაზე საზოგადოდ. არ არსებობს მუშათა პარტია, არიან მხოლოდ კონსერვატორები და ლიბერალ-რადიკალები, ხოლო მუშები ძლიერ გულმოდგინებით სარგებლობენ მათთან ერთად ინგლისის კოლონიალური პოლიტიკით და ინგლისის მონოპოლიური მდგომარეობით მსოფლიო ბაზარზე“.

1891 წელს ენგელსმა განმარტა ოპორტუნისმი, როგორც ძირითადი მოსაზრებების დავიწყება ყოველდღიურ წუთიერ ინტერესებისათვის. „...მომავალი მოძრაობის მსხვერპლად მიტანა მიმდინარე მდგომარეობისათვის“.

1892 წელს ენგელსმა დაწერილებით აღწერა, თუ სამრეწველო განვითარებამ როგორ მოუტანა მდგომარეობის გაუმჯობესება „განსაკუთრებულ მფარველობაში მყოფ მუშათა კატეგორიებს“. ენგელსი სწერდა: „არა მარტო მწარმოებლები არიან მათი (მუშების) კმაყოფილნი, არამედ თვით მუშებიც სავსებით კმაყოფილნი არიან თავიანთი მწარმოებლების, ისინი წარმოადგენენ მუშათა კლასის არისტოკრატიას..... და ისინი, მართლაც, მშვიდობიანი ხალხია, ზედმიწევნით სასარგებლო ყოველი ჰკვიანი კაპიტალისათვის, კერძოდ და მთელ კაპიტალისტთა კლასისათვის საერთოდ“.

ასეთი არის ენგელსის განმარტებით ინგლისში რეფორმისმი წარმომშობი უმთავრესი მიზეზები. ამ გარემოებით რეფორმისმი, ოპორტუნისმი არის იმ მუშათა ზედაფენების იდეოლოგიური გამოხატულება, რომლებ-

---

1) М. Рубинштейн: „Социальные корни реформизма 1926 წ. №3. 11.



ბაც ინგლისის კაპიტალიზმის განვითარების წყალობით გაბატონებული და ეკონომიურად განსაკუთრებული პირობები მოიპოვეს. ეს ფენა არის მუშათა არისტოკრატია, ხოლო მისი იდეოლოგია რეფორმისა და ტრედუნიონიზმში გამოიხატება. ამ მოსაზრებებს სავსებით ეთანხმება ლენინის დებულება. ომის პერიოდში იგი სწერდა: „ოპორტუნიზმი არის მუშათა უმნიშვნელო ნაწილის დროული ინტერესებისათვის მსხვერპლად მიტანა მასების ძირითად ინტერესებისა, ან სხვა გვარად — ეს არის მუშათა ნაწილის კავშირი ბურჟუაზიასთან პროლეტარულ მასების წინააღმდეგ“.

„ომმა ასეთი კავშირი გამოააშკარავა და სავალდებულო გახადა. ოპორტუნიზმი წარმოიშვა ათეული წლების განსაკუთრებული განვითარებით, ისეთი ეპოქით, როდესაც შედარებით მშვიდობიანი და კულტურული მდგომარეობით პრივილეგიაში მყოფ მუშათა ფენების „გაბურჟუაზიულება“ მოხდა, როდესაც ისინი ლებულობდნენ ნაციონალურ კაპიტალის მოგებისაგან ნამკეცებს და როდესაც მოწყდნენ ისინი დარბეულ, დაძარცულ მასების უბედურებას, ტანჯვასა და რევოლიუციონურ განწყობილებას“<sup>2)</sup>.

აჭირვად, ენგელსისა და ლენინის განმარტებით ევროპასა და ამერიკაში რეფორმიზმს, ოპორტუნიზმს სარჩულად უდევს განწყობილება იმ არისტოკრატ მუშათა ელემენტებისა, რომელნიც თანამედროვე კაპიტალისტურ ურთიერთობის ნიადაგზე აღმოცენებულან და ეკონომიურად დაინტერესებულნი არიან კაპიტალიზმის არსებობით.

ასეთი არის დასავლეთ ევროპის რეფორმიზმისა და ოპორტუნიზმის სოციალური საფუძვლები.

როგორი იყო მდგომარეობა რუსეთში?

მე-19-ე საუკუნის მიწურულში რუსეთი ეკონომიურად ჯერ კიდევ ჩამორჩენილი ქვეყანა იყო ევროპასთან შედარებით, თუმცა მან ღრმა მნიშვნელოვანი სამრეწვე-

<sup>2)</sup> Ленин: Собр. соч. т. XIII გვ. 166.

ლო რევოლუცია განიცადა 90-იან წლების განმავლობაში. ამ პერიოდში ფართოდ ვითარდება მუშათა მოძრაობა რუსეთში. მაგრამ მარქსისტულ მიმდინარეობაში რევოლუციონურ ფრთასთან ერთად ჩამოყალიბდა აშკარა ოპორტუნისტული და რეფორმისტული მიმდინარეობა (ეკონომიზმი). ლენინმა მთელ რიგ წერილებში ნათელპყო ეკონომიზმის ოპორტუნისტული ბუნება. თავის წიგნში: „რა უნდა ვაკეთოთ“ (1902 წ.) — ლენინმა აღნიშნა ზოგიერთთა „ცდები გადააქციონ სოციალ-დემოკრატია რეფორმიზმის დემოკრატიულ პარტიად და უზრუნველყონ სოციალიზმში ბურჟუაზიული იდეებისა და ბურჟუაზიულ ელემენტების ჩანერგვის თავისუფლება“. ლენინის დებულებით: „სტიქიურ მუშათა მოძრაობას თავის-თავად შეუძლია შექმნას (და აუცილებლადაც ჰქმნის), მხოლოდ ტრედუნიონიზმი, ხოლო ტრედუნიონისტური პოლიტიკა მუშათა კლასისა არის სწორედ ბურჟუაზიული პოლიტიკა მუშათა კლასისა“<sup>3)</sup>.

„სოციალ-დემოკრატიული შეგნება შეუძლებელია ჰქონდეს მუშებს, ის შესაძლებელია შეტანილი ყოფილიყო მუშათა კლასში, მხოლოდ გარედან“<sup>4)</sup>. ეკონომიზმი ეს იყო ტრედუნიონიზმის რუსული ვარიაცია, მაშასადამე, აშკარა ბურჟუაზიული იდეოლოგია. მაგრამ კითხვა იბადება: როგორი სოციალური ფენები შეადგენენ, „ეკონომიზმის“ დასაყრდნობ ძალას, რა უწყობდა ხელს მის განვითარებას, როგორი საზოგადოებრივი ნაკადი ჰკვებავდა მუშათა მოძრაობის ამ ჩამორჩენილ იდეოლოგიას? ასეთი ჯგუფის უმთავრეს საფუძველს წარმოადგენენ სოფლიდან გამოსულნი, საქარხნო ქვაბში ჯერ კიდევ ნაკლებად მონარშულნი ელემენტები. დაჰკარგეს რა ყოველგვარი პირობა თავისი დამოუკიდებელი წვრილი მეურნეობის მოსაწყობად,—ეს გლეხები, გადმოდენილნი მოთხოვნილებათა და სიმშვილით, მიემშურებოდენ ქალაქისაკენ, სადაც წამრეწველო აღორძინებამ იხსნა ისინი აუცილებელი სი-

3) Ленин: „Что делать?“ გვ. 83.

4) Ленин „Что делать?“ გვ. 29.

კვდილისაგან.... მთელი თავისი არა რთული არსებანი სოფლის პროტესტის საშუალებათა ამ ნახევრად პროლეტარებმა თან ზოიტანეს ფაბრიკაში <sup>ა)</sup>. რუსული ეკონომიზმი უმთავრესად ამ სპეციალურ ნიადაგზე აღმოცენდა.

რუსეთის პროლეტარიატი უმთავრესად იზრდება გლეხობის ხარჯზე. სოფელი აწვდიდა რუსეთის ფაბრიკაქარხნებს დიდძალ მუშა ხელს; აქედან ნაწილი ჯერ კიდევ არ სწყვეტდა კავშირს სოფელთან: ამ გარემოებამ შექმნა რუსეთის პროლეტარიატის აქრელებული კადრი: აქ ნახავდით პროლეტარულს, ნახევრად პროლეტარულს და ნახევრად გლეხურ ელემენტებს, რომელნიც სეზონობით ეწეოდნენ მუშაობას ფაბრიკა ქარხნებში, ხოლო პროლეტარიატის ასეთი აქრელებული შემადგენლობა თავისთავად იწვევდა იდეოლოგიურ სხვა და სხვაობას მუშათა მოქალაქეობაში. აქ ერთი-მეორე ეხეთქებოდა ორგვარი იდეოლოგია: რევოლიუციონური და წვრილ-ბურჟუაზიული იდეოლოგია. მუშათა მოძრაობა შეიძლება განვითარებულიყო ან ერთი, ან მეორე ფორმით, ან სრულიად გახლეჩილიყო და ორი დამოუკიდებელი გზით განვითარებულიყო. პირველი ფორმა მოითხოვდა პროლეტარიატის ჰეგემონიის დამყარებას ნახევრად გლეხურ ელემენტებზე და ამ გზით მთელი რუსეთის დემოკრატიულ მასაზე: ამ გზას ადგა თავიდანვე ლენინი, რაც შემდეგში ლენინიზმის მთავარ საფუძვლად გადაიქცა: და მეორე ფორმა მოითხოვდა პროლეტარიატის გათქვეფას ნახევრად პროლეტარიატის ფართო მასაში, პროლეტარიატის ჰეგემონიის უარყოფას და ეს შეადგენდა „ეკონომიზმის“ საფუძველს, რაც შემდეგში მენშევიზმის მთავარ პოლიტიკად გარდაიქცა. პირველ გზას პირდაპირ მივყავდით პროლეტარიატის დიქტატურის აღიარებამდე, ხოლო მეორეს-კი ამ დიქტატურის უარყოფამდე.

რუსეთში რეფორმიზმი (ეკონომიზმი, მენშევიზმი) წვრილ-ბურჟუაზიულ იდეოლოგიას წარმოადგენდა მუშათა წრეებში. მის სოციალურ საშოს შეიცავდა პრო-

<sup>ა)</sup> Е. Ярославский: История В. К. П. т. I. гл. 212.

ლექტარიატის შიგნით და მის გარშემო არსებული წვრილ ბურჟუაზიული ელემენტები. დაახლოებით თითქმის ასეთსავე სოციალურ ბაზაზე აღმოცენდა ქართული მენშევიზმი, მაგრამ მას აქვს თავისებური სახე, თავისებური ნიუანსები. განვიხილოთ იგი უფრო ახლოს.

### 3. ქართული მენშევიზმის სოციალური ბაზა.

ჩვენი აზრით, ქართული მენშევიზმის წარმოშობას, განვითარებასა და გაძლიერებას ჩვენში სამმა გარემოებამ შეუწყო ხელი:

ა) ჩვენი პროლეტარიატის აჭრელებულმა შემადგენლობამ, მისი სოციალური ფენების სხვა-და-სხვაობამ, და წვრილ-ბურჟუაზიული ელემენტების სიმრავლემ და აქტივობამ. ჩვენი ხალხის სოციალური შენობის უმთავრეს ფენას წარმოადგენდა წვრილ-ბურჟუაზიული ელემენტი და მე-19-ე საუკუნის მიწურულიდან იგი დიდ როლს თამაშობდა ჩვენი ცხოვრების ვითარებაში. ეკონომიურად, ჩვენში კაპიტალისტური მეურნეობის არა საკმარისი განვითარების გამო წვრილი ბურჟუაზია მაგრად იდგა; პოლიტიკურად კი, სამოქალაქო ცხოვრების განვითარების გამო, სოფელსა და ქალაქს შორის მტკიცე ურთიერთობის განვითარებით ინტელიგენტური მასის გამრავლებით იგი აქტიურ როლს თამაშობდა უკვე 90-იან წლებიდან. წვრილი ბურჟუაზია გაპრავლდა ქალაქში, ამოძრავდა სოფლად და იგი ეძებდა აქტიურსა და მომქმედ ორგანიზაციას, მას ხუთავდა და ბორკავდა რუსული სახელმწიფოს პოლიტიკური არტახები და სახელმწიფოებრივი აპარატი.

ბ) ამოძრავებულმა წვრილმა ბურჟუაზიამ ვერ ჰპოვა შესატერისი დანმარება და ძალა 90-იან წლებში ჩვენში არსებულ პარტიებში. ჩვენი ცხოვრების სინამდვილემ ვერ მოგვცა მასიური და ხალხთან დაკავშირებული პოლიტიკური პარტია 90-იან წლებამდე. ნაროდნიკული მიმდინარეობა ჩვენში სახელით იყო ნაროდნიკული (ხალხოსნური). ფაქტიურად იგი ინტელიგენტის მცირედი

კონცინგენტით ისაზღვრებოდა. ხოლო 90-იან წლებისათვის მისი სოციალ-პოლიტიკური კონცეპციები სრულიად გამოუსადეგარი გამოდგა ჩვენი ცხოვრების სინამდვილისათვის. ამრიგად ერთ-ერთი მიმდინარეობა (ჩვენ არას ვამზობთ ლიბერალურ-თავად-აზნაურულ მიმდინარეობაზე), რომელიც ხალხურ სახეს ატარებდა, ორგანიზაციულად მოწყვეტილი იყო ხალხისაგან, ხოლო იდეოლოგიური მხრივ, თავიანი ეკონომიური პროგრამით გამოხატავდა წვრილ-ბურჟუაზიის რეაქციონერ ნაწილის სულისკვეთებას. ამ მხრივ იგი გაკორტრებული იყო. აქედან ცხადია. რომ წვრილი ბურჟუაზია, რომელიც ამოძრავდა ახალ ეკონომიურ ცხოვრების ნიადაგზე, ვერავითარ რეალურ დახმარებას, ვერც იდეოლოგიური ხელმძღვანელობისა და ვერც ორგანიზაციულ-პოლიტიკური მხრივ, ვერ ჰპოებდა ნაროდნიკულ მიმდინარეობაში. ამრიგად წვრილ ბურჟუაზიას არ ჰყავდა თავისი შესათერისი პარტია ჩვენში; მას იგი აუცილებლად უნდა ეპოვა და ჰპოვა კიდევ. ეს პარტია მენშევიკების პარტიაა, მის იდეოლოგიურ გამოხატველად შეიქმნა მენშევიზმი, ხოლო 90-იან წლებში, მის ინტერესებს გამოხატავდა ის ნაკადი ქართულ მარქსიზმში. რომელსაც ხელმძღვანელობას უწევდა ნ. ჟორდანიას.

გ) წვრილი ბურჟუაზია ჩვენში გამოეხვია მარქსიზმის ქურქში, მარქსისტული ნიღაბი გაიკეთა. ეს გარემოება გამოიწვია ინტელიგენციის მიერ მარქსიზმის ცუდად გაგებამ.

როგორც მკითხველი ქვევით დაინახავს, ინტელიგენციის ნაწილმა (ნ. ჟორდანიას და სხვა) შეითვისა მარქსიზმის მხოლოდ ეკონომიური მხარეები, ხოლო ამ მოძღვრების რევოლიუციონური სისტემა მათთვის გაუგებარი დადგა. წვრილმა ბურჟუაზიამ და მისმა იდეოლოგიამ მარქსიზმის სისტემიდან განდივნა მათთვის სახიფათო რევოლიუციონური მხარე და ამრიგად „მარქსიზმი“ შეუფარდა, შეუწონა თავის ინტერესებს, თავის მიზნებს. მოხდა მარქსიზმის ფალსიფიკაცია: დამახინჯდა მარქსიზმი, სამაგიეროდ გაძლიერდა ქართული წვრილი ბურჟუაზია,

იზარალა მარქსიზმმა, სამაგიეროდ მოიგო იმავე სოციალურმა კლასმა. როგორც შტრიხი, დამახასიათებელი არის შემდეგი მომენტი: ნ. ჟორდანიამ თავისი მოღვაწეობა ამხ. ფილიპე მახარაძის მოწმობით, ნაციონალურ-დემოკრატიულ პროგრამის წამოყენებით დაიწყო; ამხანაგების ზეგავლენით მან ეს შესცვალა, მაგრამ შემდეგ ნაროდოვოლცების ბანაკში ამოყო თავი: ამის შესახებ თვით ნ. ჟორდანიამ ამბობს თავის მოგონებაში: „მე მაგონდება პირველი კრება მარქსისტებისა 1892 წელს ყვირილაში. ჩვენ ვიყავით მცირედი: მე (ნ. ჟორდანიამ), ეგნატე ინგოროყვა (ნინოშვილი), კ. ჩხეიძე, ი. კაკაბაძე, დ. კალანდარაშვილი; ს. ჯიბლაძე კახეთში იყო და დასწრება არ შეეძლო; ჩვენ მიზნად ვისახავდით დაგვეწერა მარქსისტული პროგრამა, და როდესაც ის ჩვენ დავსწერეთ. ვნახეთ, რომ ეს (პროგრამა) ნაროდოვოლცური იყო და არა მარქსისტული. მაშინ ვთქვით, რომ ჩვენ ჯერ კიდევ არა ვართ მარქსისტები“ \*) ნ. ჟორდანიამ, მისი თქმით, მხოლოდ ევროპაში შეითვისა ნამდვილი მარქსიზმი პლехანოვის ზეგავლენით. („Только получив творенья Плеханова мы стали понимать Маркса“).

ეს არ არის მარტო თეორიული ძიება, სწავლითა და ცოდნით დაინტერესებულ პიროვნებებისა, ეს პოლიტიკური შინაარსის ძიებაა: გამოფხიზლებული წვრილი ბურჟუაზია ეძებს თავის შესაფერის ფორმას, იგი ხან ნაციონალ-დემოკრატიის ქურქში ეხვევა, ხან ნაროდოვოლცების მოსასხამს. ისხამს, ხან კი მარქსიზმის ნიღაბს ატარებს. მაგრამ ამაზე უფრო ვრცლად ქვემოთ.

ახლა დაუბრუნდებით ზემოდ წამოყენებულ პირველ დებულებას.

ჩვენში პროლეტარული კლასის წარმოშობის პროცესი რამოდენიმედ წააგავს რუსეთის პროლეტარიატის წარმოშობის პროცესს. როგორც რუსეთში, ისე ჩვენშიაც პროლეტარიატის მთავარი კადრები უმთავრესად სოფლის ცხოვრებიდან გამოსულ ელემენტებისაგან სდგებო-

\*) Н. Жордания. „За два года“. გვ. 105. 1919 წ.

და. ევროპის ქალაქებმა განვლეს საშუალო საუკუნოების ისტორიული სკოლა მთელი თავისი წარმოებითა და ცეხური სისტემით. ბურჟუაზიულმა განვითარებამ ეს საზოგადოებრივი ფენები დაარღვია, დაშალა და უმეტესად აქედან წარმოსდგა ევროპის თანამედროვე ქალაქების წვრილი ბურჟუაზია და პროლეტარული ელემენტები. ევროპის პოლიტიკური რადიკალიზმშიც, როგორც ცნობილია, უმთავრესად საშუალო საუკუნოების სკოლა განვლილ ქალაქის წვრილ ბურჟუაზიაზე ეყრდნობოდა. მაგრამ მაშინ, როდესაც ევროპის ქალაქის საზოგადოებრივ ცხოვრებას ახასიათებდა სამი, ბურჟუაზიული ურთიერთობის ნიადაგზე აღმოცენებული, კლასი: ა) მსხვილი ბურჟუაზია, ბ) წვრილი და საშუალო ბურჟუაზია და გ) პროლეტარიატი — ჩვენს ქალაქებს 90-იან წლებისათვის ახასიათებდა უმთავრესად წვრილი ბურჟუაზიული და პროლეტარული ფენები, ხოლო ბურჟუაზიული კლასი, (ლაპარაკია ქართულ ბურჟუაზიაზე), როგორც ასეთი, ჩანასახს წარმოადგენდა. <sup>7)</sup> მაგრამ ეს ორი უმთავრესი ფენა ჩვენი ქალაქური ცხოვრებისა თავისი გენეოლოგიით სოფლური შთამომავლობისა იყო. როგორც ვიცით, ქალაქურმა ცხოვრებამ მე-18-ე საუკუნის გასულამდე ვერ გაიღვა ფართედ ფესვები და ვერ განვითარდა, ხოლო აქ, ტფილისში, სადაც ასე თუ ისე ცენტრი იყო აღმოსავლეთ საქართველოსი, ქალაქის მცხოვრებთა უმეტესობას შეადგენდა სომხობა. 1835 წ. ორესტ ევეცკის მოწმობით ტფილისში იყო 25. 290 მცხოვრები; აქედან სომხობა შეადგენდა 18. 220, ქართველობას კი 4. 217 კაცი <sup>8)</sup>. მოქალაქობრივ ცხოვრების განუვითარებლობასთან ერთად არც წარმოება იყო განვითარებული ტფილისში; იგივე

<sup>7)</sup> აქ საჭიროდ მიგვაჩნია გავახსენოთ მკითხველს, რომ კაპიტალისტური ურთიერთობის განვითარებას ჩვენში ხელი შეუწყოა უმთავრესად რუსეთის ეკონომიურმა პოლიტიკამ და რუსეთის კაპიტალისტურმა მეურნეობამ.

<sup>8)</sup> Орест Евенкий: „Статистическое описание Закавказского края“ 1835 წ. გვ. 143

ევეკო სწერს: „В Грузии нет фабрик, за исключением тифлисской шелкомотальной“, (იხ. გვ. 134). ავტორის მოწმობით ტფილისში იყო 1818-დე სხვადასხვა სავაჭრო და სამრეწველო წვრილი დაწესებულება. ამ დაწესებულებებში მომუშავენი წარმოადგენდნენ ტფილისის წვრილ ბურჟუაზიულ ელემენტებს. მაგრამ რამოდენიმე ათეული წლების განმავლობაში ტფილისის მცხოვრებთა რიცხვი მნიშვნელოვნად იზრდება: 1865 წელს ტფილისის მოსახლეობის რაოდენობა უდრის 67. 770; 1886 წ. — 78. 445; 1897 წ. — 160. 645; 1891 წ. ქართველთა რაოდენობა უდრიდა 38. 357; რუსების 36.113; სომხების 55.553: ასე სწრაფად იზრდება ჩვენი ქალაქი მე-19-ე საუკუნის მეორე ნახევარში. ხოლო ეს ზრდა არ ხდებოდა ქალაქის მცხოვრებთა ბუნებრივი ზრდის გზით. აქ უმთავრესად თავს იყრიდა გარედან მოსული ელემენტები: რუსეთიდან და სხვა მხარეებიდან — სომხობა და რუსობა; სოფლებიდან — კი — ქართველობა. ბატონ-ყმობის მოსპობამ, გლეხის იურიდიულად „განთავისუფლებამ“ ხელი შეუწყო სოფლებიდან ქალაქებში საგრძნობი ნაწილის გადასახლებას; მაგრამ ამ პროცესს ღრმა ეკონომიური მიზეზები ედვა სარჩულად. გლეხი „განთავისუფლეს“ იურიდიულად, ხოლო მისი ეკონომიური პირობები კი მეტად სამწუხარო და დაცემული შეიქნა. ამ საკითხს ჯერ კიდევ 70-იან წლებში შეეხო ცნობილი პუბლიცისტი ს. მესხი. გაზ. „დროებაში“ იგი სწერდა:

„ახლანდელ ჩვენებურ გლეხურ უმეცრებას, სიღარიბეს და დაცემას, სხვათა შორის, ორი ეკონომიური ძალა უწყობს ხელს: სოფლის ვაჭრები, ანუ უკეთ ვთქვათ ფულის გამსესხებელნი და ნაბატონრები. ძალიან კარგათ ვიციით, რომ მარტო ჩვენი სიტყვითა და რჩევით არც ჩვენებური ნაბატონარი, რომელზედაც ვამბობთ არ შეიქმნება თავისი მოძმის შემბრალებელი და არც ვაჭარი — გულმობიერი. ბევრიც, რომ ვიყვიროთ, თუ ამ ნაბატონარმა თავის მიწაზე ნახევარ შემოსავლის გამორთმევა მოუხერხა გლეხს, გამოართმევს; რამდენიც უნდა ურჩიოთ ფულის გამსესხებელს, თუ კი შეიძლო, დარწმუნებული



ბრძანდებოდეთ. რომ ერთ თუ მან'ში სარგებლად ორ სამ ოთხ თუ მანს ან მის ღირებულ ნამუშევარს გადაახდები-  
ნებს წლის დამლევს გაქირვებულ გლენსა. სანამ გლენი  
საკუთარი მამულის პატრონი, დამოუკიდებელი შემამულე  
არ შეიქნება, მანამ ნაბატონარებსა და მის ნაყმებს შუა ახ-  
ლანდელი დამოკიდებულება არ მოისპობა, სანამ ჩვეულებ-  
რივი გლენის მდგომარეობა ცოტათი მაინც არ გაუმჯობეს-  
დება ეკონომ. მხრითა, სანამ სწავლის ლამპარი მკრთალ  
სხივს მაინც არ მოჰფენს იმის უმეცრებას და ბნელ ცხოვ-  
რებას, ერთი სიტყვით, სანამ თავის საცხოვრებლად და  
ყოველგვარი ხარჯის გადასახდელად იმას ფულის შეძლე-  
ბა არ ექნება, მაშინ უნდა იცოდეთ, რომ ჩვენი გლენი ვაჭ-  
რებისა და ფულის გამსესხებელის კლასებიდან ვერ გან-  
თავისუფლდება“.

აი სწორედ ამ ეკონომიური მდგომარეობის გასაუმ-  
ჯობესებლად და ფულის მოსაპოვებლად გლენი გაექანა  
ქალაქისაკენ, ხოლო აქ იგი იძულებული იყო უმთავრე-  
სად თავისი ძალღონე გაეყიდა და ყოველდღიურ შრომით  
ეცხოვრა. ასე ჩამოყალიბდა ჩვენი ცხოვრების სინამდვი-  
ლეში ახალი სოციალური კლასი—პროლეტარიატი მე-19-ე  
საუკ. მეორე ნახევარში. შესაძლებელი არის ამის წინ  
ეპოქაშიაც არსებობდა ჩვენში შრომის გამყიდველი ელე-  
მენტები ქალაქებში (სტამბებში, ქარხანაში და სხვა და-  
წესებულებებში); ეს შეიძლება, მაგრამ, როგორც ასე თუ  
ისე თვალსაჩინო ძალა, იგი წარმოიშვა გასული საუკუ-  
ნის მეორე ნახევარში და უმთავრესად სოფლის გლენობის  
ხარჯზე.\*) თუ რამდენად განვითარდა ჩვენში ეკონომიუ-  
რი დაწინაურების ნიადაგზე 90-იან წლებში მუშათა კლასი,  
ამის შესახებ ჩვენ მოვიყვანთ ამხ. ფ. მახარაძის ნარ-  
კვეტიდან შემდეგ დაახლოვებით ცნობას. ამ ცნობის მი-  
ხედვით ტფილისსა და ქუთაისის გუბერნიაში 1887 წელს

\*) „დროება“ № 12. 1875 წ. (ხაზი ჩვენი ა. ს. ხ.).

\*) რასაკვირველია, ჩვენი მუშათა კლასის შემადგენლობა ივ-  
სებოდა ნაწილობრივ ქალაქის ხელოსანთა და წერილ ბურჟუაზიულ  
ელემენტების ხარჯზედაც, მაგრამ ისინი მაინც მცირედ ნაწილს წარ-  
მოადგენენ გლენობასთან შედარებით.

ირიცხებოდა 12. 315 მუშა; ხოლო 1893-4 წლებისათვის ეს რიცხვები გაიზარდა ორივე გუბერნიებისათვის 22.828. ეს ფაქტები ამოწმებენ, რომ პროლეტარიატი — მუშათა კლასი — უკვე ჩამოყალიბდა ჩვენში და იგი 90-იან წლებისთვის ჩვენი საერთო ცხოვრების საგრძნობ ძალად გარდაიქცა, როგორც ეკონომიურის მხრივ, ისე პოლიტიკურადაც.

მაგრამ როგორი არის მისი ხარისხი, უკეთ, როგორი ელემენტებისა და სოციალური ფენებისაგან შესდგება იგი? ჯერ კიდევ 1895 წ. ს. ჯიბლაძე სწერდა:

„ჩვენი პროლეტარიატი არეულ სხულს წარმოადგენს. აქ უმეტესობას მცირე მამული აქვს, რომელიც მხოლოდ მესაკუთრის სახელს აძლევს. ნამდვილად კი გალატაკებული ბოგანოა. ესენი მუშა ხალხია. რომლის ბედ-იღბალი დამოკიდებულია, როგორც საქონლის ისე მუშეთა ხელის ბაზარზე. ესენი სულ გაპროლეტარების გზას დაადგენ“.<sup>10)</sup>

ჩვენ ვფიქრობთ სწორი იქნება, თუ 90-იან წლები-სათვის შემდეგ კატეგორიებს გამოვყოფთ ჩვენი მუშათა კლასის რიგებში: 1) ნამდვილი პროლეტარი, „მოხარშული კაპიტალისტურ ქარხანაში“; 2) ნახევრად-პროლეტარული ელემენტი, რომელიც სავსებით არ გასცილებია სოფელს: ცალი ფეხით სოფელში სდგას, (ცალი ფეხით კი ქალაქში. ეს ასე ვთქვათ სოფლისა და ქალაქის შემაერთებელი რგოლია, 3) ნახევრად გლეხური ელემენტი, რომელიც ქალაქში და წარმოებაში სეზონობით მუშაობს, ხოლო უმთავრეს დასაყრდნობ ბაზას მაინც სოფლის მეურნეობა შეადგენს. ასეთი არის და ასეთივე იყო ჩვენი მუშათა კლასის სოციალური შემადგენლობა. ეს ფაქტი ამტკიცებს ჩვენი პროლეტარიატის ღრმა კავშირს გლეხობასთან: მათ შორის პოლიტიკური და რევოლუციონური თანამშრომლობის დამყარებას. მაგრამ ამ თანამშრომლობის დამყარების დროს საკითხავია, რომელი ელემენტი რომელ პილიტიკას ემორჩილება: თუ სასწორს

<sup>10)</sup> იხ. „კვალი“ № 14. 1895 წ.

გადავხრით გლეხობისაკენ, მაშინ პროლეტარიატი ითქვიფება წვრილ-ბურჟუაზიულ მასაში და მუშათა პარტიას აუცილებლად გადაგვარება მოელის, ხოლო თუ სასწორი პირუკუ იქნა გადახრილი, მაშინ ჩვენ ვღებულობთ პროლეტარიატისა და მისი პარტიის ჰეგემონიას წვრილ დემოკრატიულ მასაზე. ეს საჭიროა დავიმახსოვროთ მენშევიზმის ბუნების გამოსარკვევად.

მაგრამ შემცდარი იქნება დებულება, რომ სოფელმა მხოლოდ ქალაქის პროლეტარიატი მოგვცა. სოფლის წიაღიდან გამოსულმა ფენებმა აავსეს და გააძლიერეს აგრეთვე ჩვენი ქალაქის წვრილ-ბურჟუაზიული ელემენტებიც (წვრილი ვაჭრობა. მოხელენი, ინტელიგენცია, ხელოსნები, ნოქრები და სხვა). ეს ძალაც საგრძნობლად გაიზარდა ჩვენს ქალაქებში. ამ წვრილ ბურჟუაზიულ ელემენტების ზრდის შესახებ ჩვენ ხელთ არ არის ამ უამად სრული ცნობა. მის ტენდენციას საგრძნობლად გადაშლის ჩვენს წინ მოსწავლე ახალგაზრდობათა საერთო რიცხვის ზრდა ტფილისის და ქუთაისის გუბერნიებში. ეს მოსწავლე ახალგაზრდობა მომავალი ინტელიგენცია არის, მაშასადამე პომპეალა წვრილ-ბურჟუაზიული ელემენტიც.

15 წლის (1887 — 1902) განმავლობაში ორივე გუბერნიის ყველა სასწავლებლებში წოდების მიხედვით იყო მოსწავლე: თავად-აზნაურობის — 1887 წ. — 5.685 (23,5%), 1902 წ. — 9.935 (16,3%); სასულიერო წოდების 1887 წ. — 873 (3,5%); 1902 წ. — 1.515 (2,5%); — მოქალაქეთა წოდების: 1887წ. — 2.646 (18,6%); 1902 წ. — 13.807 (22,7%); გლეხობის — 1887 წ. — 13.233 (52,9%); 1902 წ. — 34.620 (56,9%).<sup>11)</sup>

ეს მშრალი ციფრები საგრძნობლად მეტყველებენ იმ საერთო ტენდენციაზე, რომელმაც შეიპყრო 30 — 35 წლის განმავლობაში საქართველოს მცხოვრებნი. საქართველოს სოციალური სტრუქტურა საგრძნობლად შეიცვა-

<sup>11)</sup> იხ. „მომბე“ № 6. 1904 წ. ფ. გოგინაიშვილის წერილი: „სხვადასხვა წოდებანი საქართველოში სწავლა-განათლების მხრივ“. გვ. 93.

ლა და მასთან სწავლა-გახაფლება აჩქარებულის ტემპით შეიქრა მასაში. მოქალაქისა და გლეხობის მოწოდებამ მეტად მოზრდილი რიცხვით (79,6%) გადააქარბა სხვა წოდებებს. ჩვენი წვრილი ბურჟუაზია ამოძრავდა და იგი ხარბად დაეწათა სწავლა-განათლებას; ხოლო საერთოდ ინტელიგენციის კადრის გამრავლებამ დიდათ შეუწყობ ხელი ამ წვრილ ბურჟუაზიის პოლიტიკურ ამოძრავებას. ინტელიგენცია ველარ თავსდება ცარიზმის პოლიტიკურ არტახებში და იგი თავისუფლებას მოითხოვს. უნდა ითქვას, რომ საერთოდ ინტელიგენციის გამრავლება ხელს უწყობდა წვრილ ბურჟუაზიის გაძლიერებას. „წარჩინებული“ წოდების ეკონომიური დაცემის გამო, მისი წიაღიდან გამოსული ინტელიგენციის საგრძნობი უმეტესობა ითქვიფებოდა ქალაქის წვრილ-ბურჟუაზიულ მასაში: ამიტომ თავად-აზნაურულ ინტელიგენციის როლი მცირდებოდა, ხოლო წვრილ-ბურჟუაზიული ინტელიგენციის კონტიგენტიკი, რომელიც სხვა და სხვა ელემენტებისაგან შესდგებოდა, სულ თანდათანობით ფართოვდებოდა.

შესაძლებელი არის საქართველოს საზოგადოებრივი შენობა 90-იან წლებისათვის შემდეგი სოციალური კლასების მიხედვით დახასიათდეს: 1) განადგურების გზაზე მდგარი თავად-აზნაურობა, რომელიც ეკონომიურად ჯერ კიდევ ძლიერი წოდებაა, 2) ჩანასახის პირობებში მყოფი ქართული ბურჟუაზია; 3) მრავალ რიცხოვანი წვრილი და საშუალო ბურჟუაზია: სოფლისა და ქალაქის მცხოვრებნი; 4) მუშათა კლასი.

ამ სოციალურ ძალთა ურთიერთობაში გადამჭრელ როლს თამაშობდა მხოლოდ სამი ფენა: თავად-აზნაურობა, პროლეტარიატი და წვრილი ბურჟუაზიული ელემენტები: ამ საზოგადოებრივ ურთიერთობაში, პოლიტიკურ ბრძოლის მომენტში ბურჟუაზია, როგორც მომქმედი ძალა არ არსებობდა. ამით ჩვენი ცხოვრების პოლიტიკური ფონი მნიშვნელოვნად განსხვავდებოდა ევროპისა და რამოდენიმედ რუსეთის ცხოვრებისაგან. სამაგიეროდ ჩვენში წვრილი ბურჟუაზია უფრო აქტიური და მომქმედი გამოდგა. ევროპის სინამდვილისათვის მარქს — ენგელსი

სწერდენ: „იმ ქვეყნებში კი, სადაც თანამედროვე ცივილიზაცია განვითარდა, წარმოიშვა და, როგორც ბურჟუაზიული საზოგადოების დამატებითი ნაწილი მუდამ ახლად იბადება ახალი წვრილ-ბურჟუაზიული კლასი, რომელიც პროლეტარიატისა და ბურჟუაზიის შორის ქანაობს“.

ჩვენში რაკი საზოგადოებრივ და პოლიტიკურ ურთიერთობაში ბურჟუაზია გადამქრელ. როლს ვერ თამაშობდა, წვრილ ბურჟუაზიას საქანებლად დარჩა პროლეტარიატისა და მთავრობის შორის დარჩენილი მანძილი. წვრილი ბურჟუაზია ჩვენში იტანჯებოდა არა კაპიტალიზმის განვითარებით, არამედ მისი განუვითარებლობით, არა კაპიტალისტური ურთიერთობით, არამედ დიდტანიან ბიუროკრატიული სახელმწიფოს აპარატით. ამიტომ იგი ებრძოდა ამ აპარატს და მხარს უჭერდა პროლეტარიატს. მაგრამ მის სამოღვაწეო პროგრამას შეადგენდა არა სოციალური რევოლიუცია, არამედ დემოკრატიული წყობილება და კაპიტალისტური ურთიერთობის განვითარება. ეს ხედმიწევნით აღნიშნა ნ. ჟორდანიამ ერთს თავის მოხსენებაში; იგი ამბობს: „ეს კლასი (წვრილი ბურჟუაზია) პოლიტიკურად ემბრობა რევოლიუციონურ კლასებს, ხოლო სოციალურად, რადგან ჯერ კიდევ არ განუცდია მსხვილი ბურჟუაზიის გამანადგურებელი გავლენა, დაინტერესებული არის წარმოებისა და მსხვილი კაპიტალის განვითარებაში“.

აქ სისწორით არის აღნიშნული ჩვენი ცხოვრების ერთი მეტად მნიშვნელოვანი ფაქტი: წვრილი ბურჟუაზია ჩვენში მსხვილი კაპიტალისტური წარმოების მომხრედ გამოდის. ეს გარემოება ნათელს ჰყენს ჩვენი პოლიტიკური ცხოვრების ფონზე აღმოცენებულ სხვა მომენტებსაც. ჩვენში სოციალ-ფედერალისტური პარტია წვრილ-ბურჟუაზიულ ინტელიგენციის წიალიდან გამოვიდა, იგი იდეოლოგიურ ნათესაობას ამკვიდრებდა რუსეთის ნაროდნიკებთან, ხოლო პრაქტიკულ პროგრამის მიხედვით კი მსხვილ კაპიტალისტური ეკონომიკის განვითარებას მოითხოვდა ჩვენში. ამ გარემოების სოციალურ ბუნებას თქვენ ვერ გაიგებთ, თუ ნ. ჟორდანიას ზემოყვანილი მო-

საზრება არ მიიღეთ მხედველობაში საქართველოს წვრილ ბურჟუაზიის შესახებ. მაგრამ ეს ფაქტი საშუალებას გვაძლევს არა მარტო სოციალ-ფედერალიზმის სოციალური ბუნების გასაგებად. არამედ თვით მენშევიკური საიდუმლოების გასაგებადაც. მენშევიზმი, როგორც მეორე სახის უფრო ძლიერი წვრილ-ბურჟუაზიული პარტია, იმავე კაპიტალიზმის განვითარებით გამოდის ჩვენში, როგორც არ. ჯორჯადემ წამოაყენა 1901 და 1903 წლებში: ფაქტიურად ნ. ჟორდანია ჯორჯადის ეკონომიურ პროგრამას ანხორციელებდა თავის პრეზიდენტობის დროს.

ამრიგად გარკვეული ობიექტიური პირობების გამო წვრილი ბურჟუაზია თავიდანვე ჩვენში იძულებული იყო პროლეტარიატს მიმხრობოდა, მის ორგანიზაციაში შესულიყო. ამ გარემოებას ხელს უწყობდა აგრეთვე ჩვენში წვრილ-ბურჟუაზიული დამოკიდებული პარტიის განუვითარებლობა: 90-იან წ. ნაროდნიკული მიმდინარეობა, როგორც ვწერდი; ინტელიგენციის ვიწრო წრეებს ეხებოდა ფაქტიურად და მას მასასთან არავითარი კავშირი არ ჰქონდა გაბმული. მაგრამ ამ მიმდინარეობამ სრულიად ვერ აართვა ალღო ჩვენი ცხოვრების სინამდვილეს და მისი ეკონომიური პროგრამა არსებითად მიმართული იყო კაპიტალიზმის განვითარების წინააღმდეგ. წვრილი ბურჟუაზიის უმეტესობის ინტერესი მოითხოვდა კაპიტალისტური უთრეერთობის განვითარებას, ნაროდნიკული ინტელიგენცია კი ძველი ეკონომიური ფორმების დაცვის პროგრამას აყენებდა; წვრილი ბურჟუაზია პოლიტიკურ აქტივობასა და ორგანიზაციულ მოქმედებას ითხოვდა, ინტელიგენცია კი პასიურ ლოდინის თეორიებს აყენებდა. ამრიგად მასისა და ინტელიგენციის საველი გზები დაშორდა ერთი მეორეს: პირველი ცხოვრებას მისდევდა კვალდაკვალ, მეორე კი მას ჩამორჩა, პირველი პროგრესიული იყო თავისი ეკონომიური პროგრამით, მეორე კი რეაქციონერი. აი რას ამბობდა ნაროდნიკული მიმდინარეობის ერთი ცნობილი წარმომადგენელი ლალი (გ. ლასხიშვილი):

„ჩვენს ქვეყანაში დღეს კაპიტალისტური წესწყობი-  
ლება არა თუ არ არსებობს, პირიქით, ჩვენი ეკონომიური  
მდგომარეობა ხელს უშლის ამ ფორმების დამყარებას.....  
ევროპის ახლანდელი ეკონომიური ფორმა უთუოდ შეი-  
ცვლება სამართლიანისა და უფრო ჩინებული ფორმით.  
ამ ფორმას ჩვენი ერი შეგნებული ინტელიგენციის დახ-  
მარებით ადვილად შეითვისებს, თუ ქართველთა ცხოვ-  
რების კალაპოტი გაფართოვდა, რასაც უნდა მიეჭყეს უმ-  
თავრესი ყურადღება. \*) მანამდის ჩვენი მეცადინეობა და  
ეკონომიური მოღვაწეობა იმაში უნდა გამოიხატოს, რომ  
ჩვენი დღევანდელი სიმდიდრის და ერთად ერთი განძის  
დაცვისათვის და ამ სიმდიდრის წესიერი მოხმარებით ჩვე-  
ნი ეკონომიური წარმატებისათვის ყოველივე ღონისძიება  
ვცხმართ, ეს სიმდიდრე — მიწა; ეს განძი, რომ ხელიდან  
არ გამოგვეცალოს, საჭიროა ის მოგროვდეს იმათ ხელში.  
ვისაც მისი მოვლა შეუძლია საჭიროა მიწამ იმდენი ხეირი  
მისცეს მამულს რამდენიც საკმარისია ნიეთიერ და სუ-  
ლიერ დღევანდელ ცხოვრების დასაკმაყოფილებლად“<sup>12)</sup>.  
(ხაზი ჩვენი ს.ხ.).

ამრიგად ლალის აზრი, კაპიტალისტური წარმოების  
გვერდის ავლით. წვრილ ინდივიდუალურ მეურნეობის  
ნიადაგზე ინტელიგენციის დახმარებით შესაძლებელი  
არის სოციალიზმის დამყნა. ნუ განვაფიქრებთ ჩვენში  
კაპიტალიზმს. შევინარჩუნოთ ჩვენი წვრილ-ამქრული  
წარმოება და პატრიარქალური მეურნეობა, დრო დადგება,  
ევროპა განახორციელებს სოციალიზმს, და აქედან შეგ-  
ნებული ინტელიგენცია მას გადმონერგავს ჩვენს ნიადაგ-  
ზე. ასე მსჯელობდა ლალი. მაგრამ ეს ეკონომიური პროგ-

\*) ავტორს აქ სახეში აქვს პოლიტიკური მომენტი. თუ ეკონო-  
მიური პროგრამა ნაროდნიკებისა აღარ შეესაბამება ჩვენი ცხოვრე-  
ბის სინამდვილეს. სიმაგიეროდ პოლიტიკური პლატფორმა — დე-  
მოკრატიული წყობილების მოთხოვნა სრულიად მიზანშეწონილი და  
პროგრესიული იყო. ლალი იმ პერიოდში (90-იან წლებში) არსები-  
თად იცავდა ჩვენში ნ. მიხაილევსკის პლატფორმას, რომელიც რუ-  
სეთის პოლიტიკური ცხოვრების შეცვლის პროგრამას აყენებდა.

<sup>12)</sup> იხ. ივერია № 34. 1895 წ.

რამა აღარ შეესაბამებოდა ჩვენი ცხოვრების სინამდვილეს: ა) კაპიტალისტურმა ურთიერთობამ მოიკიდა ფეხი ჩვენს სინამდვილეში, ბ) ამის ნიადაგზე განვითარდა კლასიური დიფერენციაცია. ასეთ პირობებში კაპიტალიზმის საწინააღმდეგო ეკონომიური პროგრამის წამოყენება იქნებოდა ცხოვრების უკან დახვევა: ახალ ქონებრივი ურთიერთობის ჩარჩოებში ძველი წარმოებისა და საზოგადოებრივი დამოკიდებულების მოთავსება რეაქციონური და უტოპიური იყო. ამიტომ ეს მიმდინარეობა ჩვენში საზოგადოებრივი ცხოვრების ფონიდან რაღაც 6 წლის განმავლობაში აღმოიფხვრა, და 1901 წლიდან მან აღვილი დაუთმო ახალი სახის წვრილ-ბურჟუაზიულ მიმდინარეობას — სოციალ-ფედერალიზმს. ძველის სახის ნაროდნიკობა მოკვდა, რადგან იგი ჩამორჩა ცხოვრების მიმდინარეობას. მას მასა არ გაჰყვა; დემოკრატიამ სხვა გზა მოიძებნა თავის სამოღვაწეოდ.

საით მიემართება ეს გზა?

ჩვენ უკვე აღვნიშნეთ, რომ ჩვენი წვრილი ბურჟუაზია ობიექტიური პირობების გამო პროლეტარიატს ამოუდგა გვერდში და მასთან ერთად მოინდომა მტკიცე ორგანიზაციის შექმნა. აქ ჩვენ სიტყვას ნ. ჟორდანიას დაუთმობთ, თავის მემარცხენეობის პერიოდში, 1905 წელს იგი სწერდა:

„საკვირველია ის, რომ ჩვენში, რუსეთში, სადაც მსხვილი კაპიტალის განუვითარებლობით წვრილი კაპიტალი დიდ როლს თამაშობს, წვრილი ბურჟუაზია მაგარი, მრავალი და თავალებულია, მისი პარტიები კი სუსტი და უძლურია, მუშათა პარტიამ წინ გაუსწრო მათ და ბრძოლის ველს დაეპატრონა: ნაციონალისტები, სოციალ-რევოლუციონერები და სხვა დემოკრატიული პარტიები უჯარო სარდალთა გროვია. მათი ჯარი კი მუშათა პარტიას ემხრობა; გლეხობა და ქალაქის წვრილი ბურჟუაზია სოციალ-დემოკრატიის ხელმძღვანელობას სცნობს და პარტიაში შემოდის, და ეს განსაკუთრებით ჩვენში, კავკასიაში. რუსეთში კი პარტიას მოაწვა განსაკუთრებით ინტელიგენცია და თან შემოაქვს თავისი წვრილ-ბურჟუაზიუ



ლი არზოვნება და ფსიქოლოგია. ნათქვამია ბუნება კარგიდან რომ განდევნო, ფანჯრიდან შემოვაო. წვრილი ბურჯუაზიული კლასები თავის პარტიებში ვერ გამაგრდენ. სამაჯიეროდ ისინი გამაგრდებიან ჩვენს პარტიაში. ამით ბურჯუაზიულ აზროვნებამ შემოხეთქა სოციალ-დემოკრატიის კედლები და მას ემუქრება შიგნიდან“<sup>13)</sup>. (ხაზი ჩვ.).

აქ ფაქტი სისწორით არის აღნიშნული.

ჩვენ ვფიქრობთ, რომ ქართული მენშევიზმი, რომელიც გარკვეულ სისტემაში 1903 წლის შემდეგ ჩამოყალიბდა, ანარეკლი არის ამ წვრილ-ბურჯუაზიული ელემენტებისა. მენშევიკური იდეოლოგია და მისი სისტემა ერთი ათეული წლის განმავლობაში მზადდება ჩვენში ინტელიგენციის მიერ. ხოლო ამ მზადების პროცესზე თავის შესაფერის გავლენას ახდენდენ ჩვენი ცხოვრების შემდეგი სოციალური ფენები: ა) ქალაქის წვრილი ბურჯუაზია (მოხელეები, ინტელიგენცია, ხელოსნები, წვრილი ვაჭრები, ნოქრები \*). ბ) სოფლის დაწინაურებული გლეხობა, წვრილი მესაქუთრე და გ) პროლეტარული ელემენტები. აი ეს ჩვენი ცხოვრების საზოგადოებრივი ელემენტები წარმოადგენენ ქართულ მენშევიზმის სოციალურ ბაზას<sup>14)</sup>. ეს ელემენტები შეიქრენ პარტიაში და თან შეიტა-

<sup>13)</sup> იხ. ნ. ჟორდანია: „დემოკრატია და სოციალ-დემოკრატია“.

\* ვისაც ქუთაისში უცხოვრია და უბოლღაწნია. მას ეცოდინება, რომ მენშევიკების მთავარ არმიას იქ შეადგენდენ ნოქრები და მათი საშუალებით იგი დიდ გავლენას ახდენდენ საზოგადოებრივ ცხოვრებაზე. ვინ არის სოციალისტურად ნოქარი? ეს არის წვრილი ბურჯუაზია. მოშავალი ვაჭარი. ქუთაისის ვაჭრების უმეტესობა — ეს ყოფილი ნოქრები არიან, მათ გავლილი აქვთ ნოქრობის სკოლა.

<sup>14)</sup> თავის მოხსენებაში საქართველოს სახელმწიფოებრივი ორგანიზაციის შესახებ, ნ. ჟორდანია სწერს: „Таким образом, общественные отношения Грузии складываются тремя демократическими классами: рабочего, крестьянства и мелкой буржуазии, которые и составляют: социальный базис для построения Грузинского государства. Государство при таких условиях может быть только демократическим или оно не может быть вовсе“ (იხ., За два года“ გვ. 113).

ნეს შიგ წვრილ-ბურჟუაზიული მიდრეკილება. მენშევიზმის ხელმძღვანელებმა იგი გააღამაზეს და სისტემაში მოიყვანეს.

აქ ზედმეტი არ იქნება თვალი გადავავლოთ ამ სისტემის იდეოლოგიურ მომენტებსაც.

#### 4. ქართული მენშევიზმის იდეოლოგიის სალაროდან.

„ქართული პრესა“-ში 1900 წ. ნ. ჟორდანიას სწერდა: „არავის არ ჰგონია თავის თავი ისე. როგორც არის, ყოველთვის გაზვიადებული წარმოდგენა აქვს და ამიტომ თავის თავის დაფასება და გარჩევა ასე ძნელია..“ (გვ. 113).

ყველაზე უფრო შეიძლება ითქვას ეს ქართულ მენშევიზმზე. ამ პარტიას თავი ას პროცენტთან მარქსისტად მოჰქონდა. არსებითად ეს ასე არ არის. მარქსიზმს ამ პარტიამ თავისი წვრილ-ბურჟუაზიული სათვალეებით შეხედა და მარქსიზმიდან მოინდომა გამოეკერა ისეთი მოძღვრება. რომელიც ყველაზე უფრო ეგუებოდა ამ წვრილ ბურჟუაზიის ინტერესებს. მარქსიზმიდან მან შეითვისა დემოკრატიზმი, კაპიტალისტური ეკონომიკის უარყოფითი მხარეების „კრიტიკა“, მაგრამ მისთვის სრულიად გაუგებარი დარჩა კლასთა ბრძოლის პრინციპი და მარქსიზმის მთელი რევოლუციონური სისტემა. როგორც ლეგალურმა მარქსიზმმა რუსეთში (90-იან წლებში) მარქსიზმიდან მიიღო ის, რაც ბურჟუაზიულ წყობილებისათვის სასარგებლოდ მიაჩნდა. ხოლო უკუაგდო ის, რაც საზარალო და დამღუპველი იყო იმავე ბურჟუაზიისათვის, ისე მენშევიკური წვრილი ბურჟუაზიაც საქართველოში თავის წვრილ ბურჟუაზიული სარგებელიანობის საწომით მიუღდა მას. მაგრამ მარქსიზმი მთლიანი სისტემა არის, მისი სოციალოგიური დებულებანი და რევოლუციონური სისტემა განუყოფელი რგოლებით არის ერთმანეთზე გადაბმული. როდესაც ამ მოძღვრებიდან იღებს მხოლოდ ნაწილს, ამით მთელ სისტემას ამახინჯებთ. მენშევიზმი იღებს მხოლოდ ნაწილს ამ მოძღვრებიდან, ხოლო დანარჩენს აცხებს თა-

ვისი წვრილ ბურჟუაზიული არსენალიდან. ამით იგი სცილდება მარქსიზმის მოძღვრებას და სრულიად საწინააღმდეგო სახეს ლებულობს.

ამ თავში ჩვენ უმთავრესად ვეხებით 90-იან წლებში დაწერილ წერილებს. სწორეთ ამ პერიოდში ჩაეყარა საფუძველი მომავალ ქართულ მენშევიზმსაც. რაც შემდეგ გარკვეულ სისტემაში ჩამოყალიბდა.

1905 წელში ნ. ჟორდანიას სწერდა:

„ჩვეულებრივად ჰგონიათ, რომ რაკი ჩვენსკენ ამდენი სხვა-და-სხვა ხალხი მოდის — ალბად ძლიერი ვართო: ეს შეხედულება მართალიც არის დაშემცდარიც, იმისდა მიხედვით, თუ როგორი თვალთ შევხედავთ სოციალ-დემოკრატებს. თუ მას შევხედავთ დემოკრატიის თვალთ დავინახავთ, რომ ის ძლიერია, წინააღმდეგ შემთხვევაში დემოკრატიული კლსები ჩვენსკენ არ მოვიდოდნენ; თუ მას შევხედავთ სოციალ-დემოკრატიული თვალთ ის სუსტია. უამისოდ წვრილი ბურჟუაზია არ გაეკარებოდა. ესენი პარტიაში შემოდიან როგორც დემოკრატები. მათთვის ჩვენ ვართ უბრალო დემოკრატები და სურთ ჩვენი პარტია იარაღად მოიხმარონ თავისი მიზნის მისაღწევად. ისინი კი არ არიან ჩვენი იარაღი, ისინი კი არ ითვისებენ ჩვენს პროგრამას, არამედ ჩვენ ვართ მათი იარაღი და ვიბრძვით მათ სასარგებლო ბურჟუაზიის თავისუფლების დასამყარებლად, ჩვენ რომ ჩვენი საკუთარი პოლიტიკა გვეწარმოებია, ჩვენში სოციალისტური სახე აშკარად გამოგვეჩინა და მათ ეს დაენახათ უეჭველია, ჩვენსკენ არ წამოვიდოდნენ და ჩვენი დროშის ქვეშ არ დადგებოდნენ, მათთვის ჩვენი წითელი დროშა ნიშნავს არა კერძო საკუთრების მოსპობას. არამედ კერძო საკუთრების გადიდებას, და ამიტომ ასე ალტაცებით აფრიადლებენ მას წარამარა.

ევროპის სოციალ-დემოკრატებს იმდენი გავლენა არ აქვს ბურჟუაზიაზე, რამდენიც ჩვენ გვაქს. მაგ. ქუთაისის სოციალ-დემოკრატებმა მთელი ქალაქის გაფიცვა მოახდინა, რაც არ შეუძლია არც ბერლინის და არც პარიზის სოციალ-დემოკრატებს მარა. ეს იმას არ ნიშნავს, რომ ქუ-

თაისის სოციალ-დემოკრატიის ბერლინისაზე უფრო ძლიერი  
არა, სრულიადაც არა. ეს ნიშნავს იმას, რომ იქ არის  
ბრძოლა ბურჟუაზიის წინააღმდეგ. აქ კი ბურჟუაზიის სა-  
სარგებლოდ თვითმპყრობელობის წინააღმდეგ“ (ხაზი  
ჩვენია).<sup>15)</sup>

ასე სწერდა ნ. ჟორდანია. როდესაც იგი მენშევიკუ-  
რი „მემარცხენეობის“ სენით იყო შეპყრობილი. რასაკ-  
ვირველია, წვრილ-ბურჟუაზიულ ელემენტებს თართოდ  
გაულო ჩვენში სოციალ-დემოკრატიის კარები იმ ორგა-  
ნიზაციულმა პრინციპმა, რომელმაც მეორე ყრილობაზე  
(1903 წ.) ჰპოვა გამარჯვება, ხოლო ამ წვრილ ბურჟუა-  
ზიული მასების მოქმედებამ ლოზუნგად გადაიქცა ის  
პლატფორმა, რომელიც იმავე ავტორმა (ნ. ჟორდანია) მ  
წამოაყენა 90-იან წლებში. მე ბოდიშს მოვიხდი მკითხვე-  
ლის წინაშე, თუ აქ მოვიყვან ვრცელ ციტატას მისი წიგ-  
ნიდან.

1900 წ. ნ. ჟორდანია სწერდა:

„რას შეიცავს ეს მიმდინარეობა? ის შეიცავს ერთ-  
ნაირად სამოქალაქო მიმდინარეობას. ქართველობა უკა-  
ნასკნელ 10 — 15 წლის განმავლობაში სწრაფად ჩაება  
თანამედროვე მოქალაქეობრივობაში და რაც დრო მი-  
დის, მით უფრო ის მაგრდება ამ გზაზე და რადგანაც ბურ-  
ჯოი ახლანდელი ცხოვრებისა მოქალაქეობაა, ამისთვის  
გაქალაქებული საქართველო ბურჯოია ჩვენი მერმისის. ამ  
სახით თვით ცხოვრებამ დაჰყო ქართველობა ორ ნაწი-  
ლად: მოწინავე ე. ი. მოქალაქეობის გზაზე გამოსული და  
უკან ჩამორჩენილი, ე. ი. ჯერ კიდევ პატრიარქალურ პირო-  
ბებში ჩამორჩენილი; პირველი არის ჩვენი ერის ახალი  
ხალხი, და ახალი პრესაც აქ უნდა ეძებდეს თავის ნიადაგს.

„ვისგან შესდგება ეს ახალი ხალხი? აქ პირველ ყოვ-  
ლისა წოდებები (არ) არიან. დანაწილება სწარმოებს თა-  
ნახმად ხელობისა და არა შთამომავლობისა. გუშინ-  
დელი ნაყმები და ნაბატონარი დღეს ერთი ხელო-  
ბით ცხოვრობენ, ერთ პირობებში არსებობენ, ერთ რაზმს,

<sup>15)</sup> ნ. ჟორდანია „დემოკრატია და სოციალ-დემოკრატია“ გვ. 19-20.

ერთ საზოგადოებას შეადგენენ. აქ უნდა იკითხოთ არა გლეხი ხარ თუ აზნაურიო, არამედ რა ხელობის და შეძლების ხარო. ეს არის შეურყეველი საძირკველი ევროპიულ მოქალაქეობისა. აშკარაა, რომ ჩვენ ვერ შევიქმნებით მომხრედ რომელიმე წინანდელი წოდების და მასასადამე ვერც მოწინააღმდეგე. გლეხობა, რომელსაც ასე გულმხურვალედ ესარჩლებოდა „დროება“, თავად-აზნაურობა, რომელსაც ასე ესარჩლება „ივერია“, დღეს შეურყეველ და კარჩაკეტილ წოდებებს აღარ წარმოადგენენ. იმათ უკვე მოგვცეს მოქალაქეობის ელემენტები: ამ ელემენტების გადადუღებით და შეერთება — დანაწილებით მუშავდება ჩვენში მერმისი. რაკი ეს ახალი ელემენტები ამზადებენ ჩვენს მერმისს, ცხადია, პრესა, რომელიც აქ ეძებს ნიადაგს, არის პრესა მერმისის. ერთი სიტყვით, ქართველობის ის ნაწილი, რომელიც სამოქალაქო ასპარეზზეა გამოსული და ილტვის თანამედროვე საშუალებებით (განათლება, ალებ-მიცემობა, ხელოვნობა, შავი მუშაობა და სხვა-და-სხვა) თავი იჩინოს, არის ახალი ქართველობაც და ახალი მწერლობაც მათი მიდრეკილების გამომხატველი უნდა იყოს. ის პირობები, რომლებშიაც ამათ უხდებათ მოღვაწეობა, ძალიან რთულია და დახლართული; ამისათვის ამ პირობების შეგნება და გათვალისწინება მისცემს მათ უძლიერეს იარაღს არსებობისათვის ბოძოლა გაუადვილოს და მით ის კულტურულად აღამაღლოს. თავისთავად ცხადია, რომ ამ ახალი ქართველობის დიდი უმრავლესობა სუსტია შეძლებით და შეუგნებელია გონებით (მუშა, ხელოსანი, და სხვა წვრილი შეძლების პატრონნი). იმას, როგორც ეს ახლად აღორძინებულს შეფერის, ჯერ კიდევ დიდი შრომა და მეცადინეობა ესაჭიროება, რომ შეიქმნეს დღევანდელ ვითარების გაგებელი შვილი. ის ამ გზაზე უკვე შესდგა და მარდად მიექანება. საჭიროა მეთაურობა და ალაგს გაფთხილება, რომ სადმე არ ჩაიჩეხოს. ასეთი მეთაურობა უნდა იკისროს ახალმა პრესამ. პრესის მოვალეობაა ამ მომავალ ქარავანს გზა გაუნათოს, ყოველივე დამაბრკოლე-

ბელი ზღუდეები დაუნგრძოს და თავისუფალ სამოძრაო კალაპოტის მოპოებაში დაეხმაროს.

„მაშასადამე ჩვენი ერის მოწინავე ხალხის თანდათან განვითარება, გაცნობიერება, დაბალი საფეხურიდან მაღლა ამოყვანა და შეგნებულ რაზმად გადაქცევა — აი რას უნდა ელტვოდეს მწერლობა, აი მისი დროშა, ეს ერთიანად დემოკრატიის მოძრაობაა და მისი წინამძღოლი პრესაც დემოკრატიულია. ამ სახით ახალი პრესის ერთადერთი მიზანია ხელმძღვანელობა გაუწიოს ჩვენ მოქალაქეობრივ განვითარებას და დაეხმაროს ხალხს, ამ განვითარებაში შეგნებული მონაწილეობა მიიღოს — ეს არის რეალური ნიადაგი. ამ მიზნის მისაღწევად აუცილებელია კრიტიკა პირუთვნელი, აზრი ახალი, სიტყვა მკრეელი — ეს არის მისი ლტოლვილება (ხაზი ჩვენია) <sup>111</sup>“.

ეს წიგნი დასწერა ნ. ჟორდანიამ სამწერლო ასპარეზზე გამოსვლის შვიდი წლის შემდეგ. ამ ხანაში იგი არა მარტო დავაუკაცებელი პუბლიცისტი, არამედ სახელ მოხვეჭილიც. მაგრამ დიოგენის ფარნით, რომ ეძიოთ ზემოდ მოყვანილ ციტატაში, ვერ იპოვით, მარქსიზმის რევოლუციონური სისტემის მთავარ დებულებებს; არა მარტო ამ ციტატაში, არამედ მთელ წიგნში. მოყვანილ ციტატაში ავტორი აყენებს სოციოლოგიურ კონცეპციას ქართული საზოგადოებრივ განვითარების შესახებ. ქართული ეკონომიკის წარმატებაზე და უკვე მომქმედ ჯგუფების სამოღვაწეო პლატფორმას ეხება. რომელ კლასს ეყრდნობა ნ. ჟორდანიას? მთლიან აღებულ მოქალაქეს. მისთვის სოფელი და ქალაქი დაშორდა ერთმანეთს, პირველი რეაქციონურია თავისი ყოფით, მეორე კი — პროგრესიული; სოციალ-დემოკრატიის დასაყრდნობ ბაზად უნდა გადაიქცეს მეორე. ხოლო უნდა უკუ ავდოს პირველი. მაგრამ ასეთი პლატფორმის წამოყენების დროს ნ. ჟორდანიას გამოეპარა ერთი რამ — კლასთა ბრძოლის პრინციპი და პროლეტარული თვალსაზრისი..... არსებითად ნ. ჟორდანიას 1900 წლის პლატფორმა არის პროგრესიული წვრილ

<sup>111</sup>) ნ. ჟორდანიას. „ქართული პრესა“ გვ. 114 16 1900 წ.

ბურჟუაზიის დემოკრატიული პლატფორმა. მისთვის ახალი ცხოვრების ხელმძღვანელი არის არა პროლეტარიატი, არამე მთლიანად აღებული ქალაქის მცხოვრებნი.

რომ მკითხველისათვის ნათელი გახდეს სწორი მარქსისტული მიდგომა საკითხისადმი, ჩვენ აქ მოვიყვანთ ერთ ციტატას ნ. ლენინის ერთი წერილიდან. რომელიც დაწერილი არის 1896 წელს. ნ. ჟორდანისა და ნ. ლენინის ციტატების შედარებით მკითხველი აშკარათ დაინახავს დიდ განსხვავებას წერილ-ბურჟუაზიულ დემოკრატიულ და მარქსისტულ პროლეტარულ პროგრამათა შორის.

ლენინი სწერდა:

„სოციალ-დემოკრატიის პრაქტიკული მოღვაწეობა. როგორც ცნობილია. მიზნად ისახავს ხელმძღვანელობა გაუწიოს პროლეტარიატის კლასობრივ ბრძოლას და ორგანიზაციულად მოაწყოს ამ ბრძოლის ორგვარი გამოხატულება: სოციალისტური (კაპიტალისტების კლასის წინააღმდეგ მიმართული ბრძოლა, რომელიც მიისწრაფვის კლასობრივი წესწყობილების დანგრევისა და სოციალისტური მთავრობის ორგანიზაციისაკენ) და დემოკრატიული (აბსოლიუტიზმის წინააღმდეგ მიმართული ბრძოლა, რომელიც სცდილობს. რომ რუსეთისთვის პოლიტიკური თავისუფლება მოიპოვოს და რუსეთის პოლიტიკური და საზოგადოებრივი წესწყობილების დემოკრატიზაცია მოახდინოს). რუსის სოციალ-დემოკრატებს დიდძალი საქმე აქვთ გასაკეთებელი გამოფხიზლებული პროლეტარიატის მოთხოვნილებების დაკმაყოფილებისა. მუშათა მოძრაობის ორგანიზაციისა რევოლიუციონურ ჯგუფების და მათი ურთიერთობის განმტკიცებისა; მუშებისათვის საპროპაგანდო და სააგიტაციო ლიტერატურის მიწოდებისა; მთელ რუსეთში გაფანტულ მუშათა წრეებისა და სოციალ-დემოკრატიულ ჯგუფების მთლიან სოციალ-დემოკრატიულ მუშათა პარტიათ გაერთიანების მხრივ“ (იხ. მისი: *Значи русских социа.т-демократов*).

ხოლო უფრო ადრე 24 წლის ლენინი თავის პირველ სერიოზულ შრომაში შემდეგს ამბობდა:

..როდესაც მისი (მუშათა კლასის) მოწინავე წარმომადგენელი შეითვისებენ მეცნიერულად სოციალიზმის იდეას, იდეას რუსეთის მუშების ისტორიული როლის შესახებ. როდესაც ეს იდეები ფართოდ გავრცელდებიან და მუშათა შორის შეიქმნება მტკიცე ორგანიზაციები. რომელნიც ახლანდელ მუშათა დაქსაქსულ ეკონომიურ ბრძოლას შეგნებულ კლასიურ ბრძოლად გარდაქმნიან. მაშინ რუსეთის მუშა, ჩაუდგება რა სათავეში ყოველ დემოკრატიულ ელემენტებს, დასცემს აბსოლიუტიზმს და წაიყვანს რუს პროლეტარიატს (ყველა ქვეყნის პროლეტარიატთან ერთად) აშკარა პოლიტიკური ბრძოლის პირდაპირი გზით გამარჯვების მომგვრელ კომუნისტურ რევოლუციისაკენ“ . 17).

ეს ციტატები ნათელ-ყოფენ მათ ავტორთა სოციალურ შეხედულებას: ლენინი ორივე ფენებით პროლეტარიატის ნიადაგზე სდგას და კლასთა ბრძოლის საზომით სქვრეტს მოვლენას. ნ. ჟორდანიას მთლიანად აღებულ „მოქალაქის“ ნიადაგს ეყრდნობა; პირველი პროლეტარიატის ჰეგემონიას მოითხოვს სხვა დემოკრატიულ მასაზე, მეორე — პროლეტარიატის გათქვეფას მოქალაქის ქრელ ძასაში; პირველი პროლეტარული პარტიის შექმნას მოითხოვს, მეორე — ფართო დემოკრატიული მასების დარაზმვას. პირველი არჩევს პროლეტარიატის შორეულ (სოციალიზმი) და ახლობელ (დემოკრატიული) ამოცანებს და პროლეტარიატის შესაფერის პროგრამას აყენებს ორივე მომენტისათვის; მეორე — დემოკრატიული ლოზუნგით ემაყოფილდება. ერთი სიტყვით, პირველი პროლეტარული — მარქსისტული საზომით იხილავს ამოცანას, მეორე — ფართო დემოკრატიის თვალთახედვით; პირველი პროლეტარიატის იდეოლოგია, მეორე — კი წვრილ-ბურჟუაზიული დემოკრატიის.

---

17) Ленин: Собр. соч. т. I.



ამ წვრილ-ბურჟუაზიის დემოკრატიის თვალსაზრის-ზე სდგას ნ. ჟორდანიას სხვა კითხვების განსილვის დროსაც.)

ავიღოთ მაგალითად ეროვნული საკითხი:

ეროვნული საკითხი ჩვენში განსაკუთრებით წამოიჭრა მეცხრამეტე საუკუნის 60-იან წლებიდან, როდესაც ჩვენი პოლიტიკური ცხოვრების პორიზონტზე ფეხი შესდგა ახალმა პოლიტიკურმა მიმდინარეობამ ქართული ლიბერალიზმის სახით, ეს იყო მიმდინარეობა ნახევრად თავად-აზნაურული და ნახევრად ბურჟუაზიული; უკეთ. ქართული ლიბერალიზმის დოქტრინა ავსებული იყო თავად-აზნაურული მემარცხენეობისა და ბურჟუაზიული აზროვნების პროგრესიული შინაარსით. ლიბერალიზმმა ცხოვრების ზეგავლენით ახალ ნიადაგზე წამოაყენა საქართველოს ეროვნული საკითხი. ეს საკითხი ცენტრალურ პრობლემად გადაიქცა მე-19-ე საუკუნის ჩვენი მოაზროვნე თაობისათვის: მან დაღრღნა ჩვენი პოეზია, დატვირთა მძიმე მოვალეობით ჩვენი პუბლიცისტიკა. შებორკა ჩვენი აზროვნება, დააქლეჩიანა ჩვენი ინტელიგენცია.

ასეთს ატმოსფეროში ამოძრავდა ჩვენი წვრილი ბურჟუაზია და გამოვიდა სამოღვაწეოდ. შეეძლო მას არ განეცადა „ეროვნული ჰიპნოზის“ ზეგავლენა? რასკვირველია, არ შეეძლია. ჩვენ უკვე ვიცით ნ. ჟორდანიას პირველი ნაციონალ-დემოკრატ. პროექტი. ამ პროექტის უარყოფის შემდეგ დაიწერა 1892 წელს, ხოლო შემდეგ შესწორებული და შევსებული დაიბეჭდა 1894 წ., მისივე პირველი სერიოზული შრომა: „ეკონომიური წარმატება და ეროვნება.“ ეს წერილი გაქლენთილი არის ნაციონალი-

---

\*) აღსანიშნავი არის ის ფაქტი, რომ ქართული საზოგადოებრივი აზროვნების განვითარებას ნ. ჟორდანიას ხსნის თაობათა ბრძოლის მიხედვით, მისთვის სრულიად გაუგებარი და არა მარქსისტული სოციოლოგია, რომელიც ყოველგვარ აზროვნებისა და პარტიულ მიმდინარეობათა საფუძვლებს სოციალური ცხოვრების სიღრმეში ეძებს. ნ. ჟორდანიას; როგორც ისტორიკოსი — მკვლევარი არ გასცილებია იმ მეთოდს. რომელიც გ. წერეთელმა და ს. მესხმა წამოაყენეს 70-იან წლებში.

სტერო კონცეპციებით. რომ ჩვენი წერილი არ დაიტვირ-  
თოს ზედმეტი ციტატებით ჩვენ შევეცდებით მხოლოდ  
რამოდენიმე დამახასიათებელი ადგილი მოვიყვანოთ ნ.  
ქორდანას. პირველი პერიოდის მოღვაწეობიდან. ზემოდ  
დასახელებულ წერილში ის სწერდა:

„ყველა ხალხი თავის ისტორიულ განვითარებაში ექ-  
ვემდებარება რაიმე წესრიგს, რაიმე კანონს. ამ კანონის  
უმთავრეს მუხლს შეადგენს ის ხანა, როცა ხალხი გრძნობს  
თავის თავს ერთ ერად, ქირში და ლხინში განუყრელად.  
აქვთ წარმოდგენა თავის ეროვნულ „მე“-ზე და ამას შეგ-  
ნებულად იცავს. მაგ. ფრანგები, არისტოკრატი იყო თუ  
დემოკრატი, ლიბერალი თუ რადიკალი, ეროვნების საქ-  
მეში ყოველთვის სრულ ერთობას იჩენენ აზრებისას, მი-  
პართულებისა და გულის თქმისას. თუმცა შინაურ ცხოვრე-  
ბაში მუდამ დაულაღავად ებრძვიან ერთმანეთს, მაგრამ  
ერთად დგებიან ერთ დროშის ქვეშ იკრიბებიან, ერთი  
მეორისათვის თავსა სდებენ, როცა მათ ეროვნულ თვით-  
არსებობას განსაცდელი რამ მოეღის, როცა გარეშე მტე-  
რი მიჯნას გადმოსცილდება და ქვეყანას აღგვას უპირებს.  
ამ შემთხვევაში იღვიძებს დროებით ერთსულობა და ერთი  
მეორეს დაუცხრომელნი მტერნი საომარ ველზე ხელი  
ხელ გაყრილნი გამოდიან. ეს არის ეროვნების არსებითი  
თვისება, ნაყოფი საერთო პოლიტიკურ-ეკონომიური  
ცხოვრებისა, განმტკიცებული თანამედროვე წყობილე-  
ბით და შეგნებული ადამიანურის ცხოვრებით“ (ხაზი ჩეე-  
ნია) <sup>1)</sup>.

მეორე თავის წერილში (1895 წ.) იგივე ნ. ქორდანია  
უფრო ნათლად სწერს შემდეგს:

„...იმავე კაპიტალიზმმა დაჰყო ერი ორ ნაწილად:  
მდიდარი და ღარიბი. მესაკუთრე და ბოგანო, ბურჟუაზია  
და მუშა, აალორძინა სოციალური განხეთქილება, დაბადა  
კლასთა ბრძოლა, გამოიწვია მუშა ხალხი საპოლიტიკო  
ასპარეზზე და მით გათხარა თავის სამარე. ამგვარად ეკო-  
ნომიურ განვითარებას თან მოსდევს ერის ერთობა იმ კით-

<sup>1)</sup> ნ. ქორდანია — ტ. I გვ. 13 — 14 1920 წ.

ხვებზე, რომელნიც ეხებიან მთელი ერის პოლიტიკო-ეკონომიურ ცხოვრებას, (მხარე ეროვნული) და ერის დაყოფვა იმ კითხვებზე, რომელნიც ეხებიან მის შემადგენელ ნაწილების პოლიტიკო-ეკონომიურ ცხოვრებას (მხარე პოლიტიკო-სოციალური). ერი ერთდება, იმავე დროს იყოფა. სხვადასხვაობა ერთობაში, ერთობა სხვადასხვაობაში. თანხმობა განხეთქილებაში, განხეთქილება თანხმობაში.“ (ხაზი ჩვენია) <sup>19)</sup>.

აქ არის წამოყენებული ტიპიურ სოციალ-პატრიოტიზმის და სოციალ-შოვინიზმის კონცეპციის ძირითადი დებულებანი. ვინ არ იცის, რომ მარქს — ენგელსი კომუნისტურ მანიფესტში შემდეგ სოციალურ დებულებებს აყენებდენ: ყველა დღემდე არსებული საზოგადოების ისტორია არის კლასთა ბრძოლის ისტორია. წვრილი ბურჟუაზიის იდეოლოგი გვასწავლის: საზოგადოების ისტორია კლასთა ბრძოლის ისტორიაა არის და კლასთა შეთანხმების, თანამშრომლობის: ისტორიაში ხდება სხვადასხვაობა ერთობაში და ერთობა სხვადასხვაობაში.

თუ ეროვნული საკითხის წამოყენების ისტორიას განვიხილავთ ჩვენში, დავინახავთ შემდეგს: ლიბერალურ თავად-აზნაურულ მიმდინარეობისათვის არ არსებობდა ჩვენში კლასები, კლასიური წინააღმდეგობა. არსებობდა მხოლოდ ეროვნული ერთიანობა — აქედან ამ მიმდინარეობის წარმომადგენელის ილ. ჭავჭავაძის პოლიტიკას შეადგენდა: „ჩვენი დაცემის ვინაობის აღდგენა, ფეხზე დაყენება და დაცვა ყოველი მოსალოდნელი ფათერაკისაგან. სხვა საგანი ამაზე უმძიმესი, ამაზე უსაჭიროესი არა აქვს ახლანდელ შვილს. ამ მიმართულების ქვეშ უნდა მოიყაროს თავი და ერთად ძმურად იმოქმედოს“ <sup>20)</sup>. ამრიგად ი. ჭავჭავაძის პოლიტიკა იყო კლასთა ბრძოლის ხელის წაფარება და ეროვნული მთლიანობის წამოყენება. ხოლო ამ მთლიანობაში უმთავრესად იგულისხმება თავად-აზნაურობის ინტერესები, დაცვა არსებული წყობილებისა და ეკონო-

<sup>19)</sup> ნ. ჟორდანიას — „ჩვეული ნაწერები“ გვ. 79 — 80. 1910 წ.

<sup>20)</sup> ის. „ივერია“ № 5. 1881 წ.

მიუზი ურთიერთობის. ნაროდნიკული მიმდინარეობაც უარყოფდა კლასების არსებობას ჩვენში. იგიც ეროვნული მთლიანობის პროგრამას აყენებდა, ხოლო მის მატარებლად ინტელიგენცია და გლეხობა მიაჩნდა. ამ მხრივ ნ. ჟორდანიამ ბევრად წინ წასდგა ფეხი. მან ეროვნულ მთლიანობასთან ერთად კლასებიც დაინახა; ეროვნულ მთლიანობის მომენტთან ერთად ეროვნების დამნაწილებელი ფაქტორებიც აღნიშნა. პირველთათვის არსებობდა ეროვნული მთლიანობა და არ არსებობდნენ კლასები. ნ. ჟორდანიასათვის არსებობს ერთიცა და მეორეც.

ასეთი არის წვრილ-ბურჟუაზიული იდეოლოგიის კონცეპტია ეროვნულ საკითხში. ამგვარი სახით წამოყენება ეროვნულ კითხვისა პროგრესიული იყო ჩვენი ცხოვრების მაშინდელი პირობებისათვის, მაგრამ მარქსიზმის სოციოლოგიურ დებულებებიდან იგი მაინც შორს იდგა.

ამრიგად ნ. ჟორდანიას და მთელი მისი მიმდინარეობის მთავარ საფუძველს წარმოადგენს დემოკრატიზმი და ნაციონალიზმი. ამაში გამოიხატებოდა წვრილ-ბურჟუაზიული იდეოლოგია. აი, ამ ძირეულ საფუძველზე აეგო და დამთავრებულ სისტემაში ჩამოყალიბდა შემდეგში ქართული მენშევიზმი. ამ იდეოლოგიის არსენალიდან განდევნილი არის მარქსიზმის რევოლუციონური მხარეები, მისი რევოლუციონური სისტემა: კლასთა ბრძოლის პრინციპი, პროლეტარიატის დიქტატურა და სხვა, სამაგიეროდ მარქსიზმის ეკონომიური კონცეპცია გამოსადეგი შეიქმნა წვრილ-ბურჟუაზიისათვის და მისი ინტელიგენციისათვის. თავისი ძირითადი დებულებანი: დემოკრატიზმი და ნაციონალიზმი ინტელიგენციამ შეუთანხმა მარქსის ეკონომიურ კონცეპციას. „შეადულა“ ერთს სისტემაში ისინი და გამოახვია იგი მარქსიზმის ქურქში, ასე ნილაბ-აფარებული გამოვიდა სამოღვაწეო ასპარეზზე და მაშინდელ პირობებისათვის ნაყოფიერი ბრძოლა გააჩალა უკვე დრომოკმულ მიმდინარეობათა წინააღმდეგ. მაგრამ ეს ახლად მოვლენილი პროგრესიული მიმდინარეობა ფორმალურად მარქსიზმის ნილაბს ატარებდა. სული კი წვრილ-

ბურჟუაზიული ჰქონდა. ასეთი იყო ამ მიმდინარეობის ნამდვილი სახე.

კრიტიკის მოვალეობაა, ფორმა და შინაარსი, ნიღაბი და სული ერთმანეთისაგან გაარჩიოს და მენშევიკურ მიმდინარეობას თავისი შესაფერისი ადგილი მიაკუთვნოს ჩვენი საზოგადოებრივი აზროვნების ისტორიაში არა მენშევიკების სიტყვიერი განცხადების მიხედვით, არამედ მისი ფაქტიური საზოგადოებრივი მნიშვნელობის მიხედვით სოციალურ ურთიერთობაში.

ზემოდ მოყვანილი ფაქტებიდან მკითხველი ნათლად დაინახავდა, თუ როგორ სოციალურ საშოლად წარმოიშვა ჩვენში მენშევიზმი და როგორი იყო მისი იდეოლოგიური საფუძველი პირველ ხანებში.

ახლა ზედმეტი არ იქნება განვიხილოთ მენშევიკების მოღვაწეობის პერიოდები მათი პრაქტიკული საქმიანობის მიხედვით.

## 5. მენშევიკური მოღვაწეობის უმთავრესი პერიოდები.

ჩვეულებრივად ჩვენში პარტიას აფასებენ მისი განცხადებისა და პროგრამის მიხედვით. ეს არ არის სწორი მიდგომა კითხვისადმი. რასაკვირველია, პარტიის დაფასების დროს ხელთ უნდა გვქონდეს მისი პროგრამა და მთავარი დებულებებიც; მაგრამ ეს საკმარისი არ არის საკითხის ნათელსაყოფად. ყოველი პარტია ფასდება თავისი პრაქტიკით, თავისი მოღვაწეობით, პროგრამა უბრალო ქალაქის ნაგლეჯი არის, თუ იგი ცხოვრებას არ უახლოვდება და აღარ ღამობს ხორცის შესხმას, რეალური სინამდვილედ გადაქცევას. პარტია პრაქტიკაა. პარტიის ცხოვრება უმთავრესად საქმიან მოქმედებაში გამოიხატება, პარტიაც ამ მხრივ უნდა იქნეს შეფასებული; უკეთ, იგი უნდა ფასდებოდეს იმ საზომით, თუ როგორ როგორ თამაშობს ეს თუ ის პარტია საზოგადოებრივ ურთიერთობაში, როგორ მისიას აკისრებს მას ისტორიული ცხოვრების განვითარება და სოციალური პირობები. მარქსი ამბობდა:

დიუენ პროგრამას ერთი სწორი. ნამდვილი მოძრაობა სჯობიაო. ეს რასაკვირველია, იმას არ ნიშნავს, რომ სწორ პროგრამას არაფითარი მნიშვნელობა არა აქვს. ლენინი კაი ხანია ამბობდა: „რევოლიუციონური თეორიის გარეშე შეუძლებელი არის რევოლიუციონური მოძრაობაო“<sup>21)</sup>. სწორი თეორია სწორ პროგრამას იძლევა. ხოლო ამ თეორიის დანიშნულება. ამ პროგრამის მთავარი რევიზორი ცხოვრებაა. პრაქტიკული სინამდვილეა. ამიტომ მართალი იყო ნ. ჟორდანია, როდესაც ის ამბობდა: „სოციალ-დემოკრატიული პროგრამა რას გიშველის თუ საქმე ბურჟუაზიული გაქვთ“-ო<sup>22)</sup>. მარტო რევოლიუციონური პროგრამა არას გიშველით, თუ მისი პრაქტიკა ამის საწინააღმდეგოა.

როდესაც მენშევიზმის შესახებ გვიხდება სჯა-ბაასი, არ უნდა გვავიწყდებოდეს შემდეგი გარემოება: წვრილ ბურჟუაზია თავისი ეკონომიური მდგომარეობით და სოციალური პირობებით მერყევა და ოპორტიუნისტი. იგი განსაზღვრულ პერიოდში გარკვეულ ისტორიულ პირობების ზეგავლენით სხვა-და-სხვა სოციალურ კლასებს შორის ქანაობს. ირყევა სოციალურ რადიკალიზმსა და სოციალურ ოპორტიუნისმის შორის. განსაზღვრულ ისტორიულ პერიოდში მისი მოღვაწეობა პოლიტიკური ოპორტუნისმით ხასიათდება, მეორე პერიოდი კი პოლიტიკური რადიკალიზმითა და ფრაზების რევოლიუციონისმით. ასეთ პირობებში წვრილ-ბურჟუაზიის შესასწავლად აუცილებელი არის ორი ფაქტის ცოდნა: წვრილი ბურჟუაზიის სოციალური ბუნების (ოპორტუნისმის) და გარკვეულ ობიექტიურ პირობების. ამ უკანასკნელი გარემოების გაცნობა საშუალებას იძლევა იმის გასაგებად, თუ რატომ გაიზიარა წვრილმა ბურჟუაზიამ ესა თუ ის პოლიტიკური ორიენტაცია.

<sup>21)</sup> Ленин — ტ. 5, გვ. 135.

<sup>22)</sup> ნ. ჟორდანია — „დემოკრატია და სოციალ-დემოკრატია“  
გვ. 15.

მენშევიზმი, როგორც წვრილ-ბურჟუაზიულ ფენებზე აღმოცენებული და მათი იდეოლოგიის მატარებელი პარტია, დასნეულებული არის წვრილ-ბურჟუაზიის ოპორტუნიზმისა და მერყეობის ხენით: თავის მოღვაწეობის პერიოდში იგი ქანაობს, ირყევა პოლიტიკური. პოზიციებს შორის; ხან მარჯვნივ სდგას და ლიკვიდატორობს, ხან მარცხნივ და რევოლუციონურად ფრაზიორობს. ყველა ამ პოლიტიკური ექსკურსიების დროს იგი ერთგული რჩება თავის ბუნების, თავის წვრილ-ბურჟუაზიულ განწყობილებას.

1905 წ. ნ. ჟორდანია ამბობდა:

„ინტელიგენცია არის არა მარტო წვრილი ბურჟუაზია, როგორც სხვა მისი მოძმენი. არამედ განათლებული წვრილი ბურჟუაზია. მისი ცხოვრების იარაღი — განათლება. სწავლა. ცოდნაა. ამიტომ სადაც კი შედის — შედის არა როგორც ჯარის კაცი. არამედ როგორც სარდალი. აქედან მისი დამახასიათებელი თვისებაა: მდგომარეობა ბურჟუაზიული, ხოლო ფსიქოლოგია. სულიერი განწყობილება ლენერალური, ე. ი. მიილტვის რამენაირად „ჯარის“ მეთაური გახდეს. ორივე ამ ძირითად კლასიურ თვისებას ის ხანდახან ჩრდილავს მესამე თვისებით — იდეურათ სხვა კლასის. პროლეტარიატის მიკედლებით. მაგრამ რადგანაც მდგომარეობა ჰქმნის იდეას. ამიტომ მისი პროლეტარული იდეა მუდმივ რყევაშია და დაუდგრომლობას განიცდის. მას თავისი მდგომარეობა მუდამ მის შეუმჩნეველად უკან ეწიწება თავის კლასისაკენ და მის მოღვაწეობას პროლეტარულ გზას აშორებს. აქედან წარმოსდგება ის, რომ ხშირად ის პროგრამას წმინდა ს.-დემოკრატიულს იღებს. ორგანიზაციასა და პრაქტიკას კი წვრილ ბურჟუაზიულს აღიარებს. მის სიტყვა და საქმე ერთმანეთს არ ეთანხმება. მაშასადამე ინტელიგენციის სოციალ-დემოკრატიაში მრავლად შემოსვლა ნიშნავს ყველა ამ თვისებების შემოტანას და ასე პარტიისათვის ახალი განსაცდელის დაგებას“<sup>23)</sup>).

<sup>23)</sup> ნ. ჟორდანია — იგივე გვ. 21 — 22.

მკითხველს ნუ გაუკვირდება: ამას სწერდა ნ. ჟორდანიას 1905 წელს ბოლშევიკებისა და ლენინელთა დასახასიათებლად. რასაკვირველია. ნიკიერმა პუბლიცისტმა აქ მოხდენილად თავისი პარტიისა და მისი ლიდერების ავტობიოგრაფიული დახატა. ამას უფრო ნათლად ქვევით დავინახავთ. ახლა გადავიდეთ დასმულ კითხვაზე.

ქვემოთ აღნიშნულ პერიოდების განსაზღვრის დროს ჩვენ ვისარგებლეთ თვით ნ. ჟორდანიას დებულებებით<sup>24)</sup>, ხოლო პირველი პერიოდის განსაზღვრაში ჩვენ შევიტანეთ მცირედი ცვლილება.

**პირველი პერიოდი.** ეს პერიოდი განისაზღვრება 1892 -- 1901 წლებით (ჟორდანიას განმარტებით 1893-7 წლებით). ამ პერიოდს ახასიათებს საზოგადოებრივი ძალების ამოძრავება: მუშათა კლასის ეკონომიური და პოლიტიკური ხასიათის გაფიციკები, წვრილ-ბურჟუაზიულ ინტელიგენციის აქტივობა. იდეოლოგიურად ჩვენი ცხოვრების ფონს ბატონობს თავად-აზნაურული ლიბერალიზმი, იღია ჭავჭავაძის მეთაურობით, ხოლო გამოცოცხლება ეტყობა ნაროდნიკულ მიმდინარეობას (ლალი, ვ. წ. ალ. ნ-ლი, ი. ფანცხავა). ეკონომიურად ჩვენი ცხოვრება უკვე განიცდის კაპიტალისტურ ურთიერთობის მშობიარობის მძიმე ტკივილებს. ამ პერიოდში ისახება ჩვენში სოციალ-დემოკრატიული მიმდინარეობა, მარქსიზმი; მაგრამ ამ ორგანიზაციაში თავს იყრიათ როგორც რევოლუციონური პროლეტარიატის წარმომადგენელი, ისე წვრილ ბურჟუაზიის იდეოლოგები. ეს არის, ასე ვთქვათ, წვრილი ბურჟუაზიის პირველი შეუღლება ერთ ორგანიზაციის ქვეშ პროლეტარიატთან. რა იწვევს ამ შეუღლებას? ერთი საერთო სოციალური მდგომარეობა: ორივეს სტანჯავს კაპიტალიზმის განუვითარებლობა და პოლიტიკური უუფლებობა. ამ ნიადაგზე მათ ბროძოლა უხდებოდათ მოწინააღმდეგე მიმართულებასთან და თვითმპყრობელობასთან რას იცავს და როგორ ახალ დებულებას აყენებს ეს ჩვენი ცხოვრების ახალი პოლიტიკური მიმდინარეობა. ნ. ჟორ-

<sup>24)</sup> ნ. ჟორდანიას ტ. I გვ. 2 — 4, 1920 წ.



დასია 1920 წელს სწერდა: „ამ 25 წლის წინად ჩვენი საზოგადოების ყურადღებას იქცევდა ერთი კითხვა — არსებობს ჩვენში კაპიტალიზმი თუ არა. სოციალ-დემოკრატების პირველი ნაბიჯი მწერლობაში გამოიხატება ამ კითხვის დადებითად გადაჭრაში, რამაც გამოიწვია დიდი დავა ყველა სხვა ჯგუფებთან და პარტიებთან“<sup>24</sup>).

უნდა აღინიშნოს, რომ აქ მხოლოდ ერთი მომენტი არის აღნიშნული: ის მომენტი, რომლითაც დაინტერესებული იყო აგრეთვე ქალაქის წვრილი ბურჟუაზია. მაგრამ კაპიტალიზმის არსებობის კითხვასთან ღრმად იყო დაკავშირებული მეორე კითხვაც. — პროლეტარიატის წარმოშობის და მისი როლის საკითხი. ეს საკითხი, როგორც აქტუალური პრობლემა ნ. ჟორდანიასათვის არ არსებობდა და ამიტომ მას ეს არ შეუტანია თავის მოღვაწეობის აქტივში. სამაგიეროდ ამ საკითხის წამოყენება, სათანადოთ გაშუქება და პროლეტარიატის კლასიური თვით-შემეცნების განვითარება წილად ხედათ მარქსიზმის პიონერებს, რომელნიც იმავე ორგანიზაციაში მოღვაწეობდნენ, მაგრამ წვრილბურჟუაზიულ თვალსაზრისზე კი არ იდგნენ, არამედ პროლეტარულ ნიადაგზე (ფ. მახარაძე, მ. ცხაკაია და სხვა). როგორც ზევით დავინახეთ ნ. ჟორდანიას ამ პერიოდში აყენებს არა პროლეტარიატის დარაზმვის პლატფორმას. არამედ ფართო დემოკრატიის ორგანიზაციას<sup>25</sup>). დემოკრატიზმი და ნაციონალიზმი მისი პლატფორმის მთავარ ფუძეებს წარმოადგენენ. მან უკუ აგდო მარქსიზმის რევოლუციონური მხარეები (კლასთა ბრძოლის პრინციპი, პროლეტარიატის დიქტატურა და სხ.). სამაგიეროდ შეითვისა მისი ეკონომიური მოძღვრება. ამ თვალთახედვით მან საკმაო დასაბუთებით დაამტკიცა კაპიტალიზმის აუცილებლობა ჩვენში. წვრილმა ბურჟუაზიულმა იდეოლოგიამ პროლეტარიატის ხელმძღვანელებთან ერთად, გამანადგურებელი მახვილი ჩასცა ძველ პოლიტიკურ მიმდინა-

<sup>24</sup>) იგივე გვ. 2.

<sup>25</sup>) იხ. „ქართული პრესა“ 1900 წ. და რჩეული ნაწერები 83. 460 — 61.

რეობას. ამ პერიოდისათვის პროგრესიული წვრილი ბურჟუაზიის გამოსვლა პოლიტიკურ ფრონტზე უაღრესად პროგრესიული მოვლენა იყო ჩვენში საზოგადოებრივი სინამდვილისათვის; ამიტომ მოხდა ასეთი მტკივნეული შეუღლება პროლეტარიატისა და მისი ხელმძღვანელების წვრილ-ბურჟუაზიულ ფენებთან და მათ ხელმძღვანელებთან ერთ პოლიტიკურ ქერ ქვეშ. მათ ავიწროვებდა ერთი საერთო მტერი — ბიუროკრატიული სახელმწიფო, სტანჯავდათ თითქმის ერთნაირი სოციალური ყოფა, პატრიარქალური სიეიწროვე და იდეურად ორივეს ებრძოდა ერთი და იგივე მტერი — თავად-აზნაურული ლიბერალიზმი და რეაქციონური ინტელიგენცია.

**მეორე პერიოდი.** ეს პერიოდი იწყება 1901 — 2 წლიდან და თავდება პირველი რევოლიუციით — 1905 წ. (ნ. ჟორდანიას დებულებით — 1898 — 1905 წლებით.). ეს პერიოდი ხასიათდება ჩვენი ცხოვრების ღრმა რევოლიუციონური კრიზისით. მე-20-ე საუკუნის დასაწყისი და მის ფონზედ ამოვარდნილი პოლიტიკური და სოციალური ხასიათის ფაქტორები გარკვევით მიუთითებენ, თუ საით მიექანება საზოგადოებრივი მოძრაობა. როგორც რუსეთში, ისე ამიერ-კავკასიაში, ცხოვრების კალაპოტი შეირყა და საზოგადოებრივი ძალები ამოძრავდნენ. საზოგადოებრივი ცხოვრება დიდი რევოლიუციონური მოძრაობის მშობიერების პროცესში იმყოფებოდა. რევოლიუციონური მდგომარეობა ნათლად ისახებოდა. „...მეცხრამეტე საუკუნის დასასრულს და მეოცე საუკუნის დასაწყისში ამიერ-კავკასიაში მუშების მოძრაობაში ხდება ძირითადი გარდატეხა..... ამგვარად, როგორც ტფილისის, ისე საერთოდ მთელი ამიერ-კავკასიის ჟანდარმერიისათვის მუშათა მოძრაობა სრულიად უეცრად წამოიქრა და მთავრობა ფაქტის წინაშე დარჩა დაყენებული... მოძრაობა ფართოდებოდა და ღრმავდებოდა ელვის სისწრაფით, ერთი ქარხნიდან მეორე ქარხანაში, ერთი ქალაქიდან მეორე ქალაქში, ქალაქიდან სოფელში“<sup>20</sup>).

<sup>20</sup>) ფ. მახარაძე: „1925 წელი ამიერ-სავკასიაში“ გვ. 62, 79. 80.

გამოფხიზლება დაეტყო გლეხობასაც. განსაკუთრებით გურიის გლეხობას.

„1902 წელი უაღრესი მნიშვნელოვანი იყო ქუთაისის მუშებისათვის. მან მრავალ ადგილას დაარღვია ძველი სამარისებური მყუდროება. დღემდე მშვიდი და მოკრძალები მცხოვრებნი გადაიქცენ სიმაართლის, თავისუფლების და სახელის დაუცხრომელ: გაბედულ შეუთრეგებელ მეძმალად“<sup>27)</sup>.

ასეთი იყო საერთო რევოლიუციონური განწყობილება ამიერ-კავკასიის გლეხებსა და მუშებში 1905 წლის წინა ხანებში. ეს რევოლიუციონური დუღილი აშკარა და გარკვეულ სახალხო აჯანყებამდე უნდა მისულიყო. ეს ჩვენ მივიღეთ 1905 წელში. ამ წლის საერთო სურათს მოგვცემს ერთი კორესპონდენცია, რომელიც მოთავსებული არის სოციალისტ-ფედერალისტთა ორგანო — „საქართველო“-ში, რომელიც პარიზში გამოდიოდა. აქ ჩვენ ვკითხულობთ:

„გურიის მდგომარეობა. ამნაირია: მემამულენი გარბიან, სტოვებენ თავიანთ სახლ-კარს, მათი გაქცევა იმით აიხსნება, რომ გლეხები ემუქრებიან და მამულების ექსპროპრიაციის სურვილს აცხადებენ. ხალხი მთავრობის სამსახურში აღარ დადის და ბევრმა ხალხის შიშით საჩივრებზე ხელი აიღო. ოზურგეთის მსაჯულს გამოეცხადებინა, არავეითარი საქმე არა მაქვს, ხალხი ჩემთან აღარ დადისო. ყველა საქმეებს თურმე ხალხის მიერ ამორჩეული სამსჯავრო სწყვეტს....“<sup>28)</sup>.

ამ ფაქტებთან ერთად უნდა აღინიშნოს კიდევ შემდეგი გარემოებაც: ძველი ლიბერალურ თავად-აზნაურული მიმდინარეობა და ნაროდნიკული პარტია დამარცხდა ბრძოლაში ჯერ კიდევ მე-19-ე საუკ. მიწურულებშივე. პოლიტიკური ჰეგემონიის საქმე ჩაუვარდათ ჩვენში სოციალ-დემოკრატებს. ფაქტიურად დემოკრატიისა და პრო-

<sup>27)</sup> იხ. Мхендзе и Каландадзе: „Очерк революционного движения в Гурии“ 1906 წ.

<sup>28)</sup> იხ. „საქართველო“ № 22, 1905 წ. პარიზი.

ლეტარიატის შეერთებულმა ძალამ დაამარცხა ძველი თაობა. ეს იყო ფართე დემოკრატიის იდეური და ფაქტიური გამარჯვება, მაგრამ ამ გარემოებას აუცილებლად უნდა გამოეწვია თვით გამარჯვებულთა ოჯახში — დემოკრატიული და პროლეტარულ ელემენტებს შორის — შეხლა-შემოხლა მოძრაობის პოლიტიკური ხელმძღვანელობის გარშემო. სოციალ-დემოკრატიულ ოჯახში შეხიზნულ წვრილ-ბურჟუაზიულ დემოკრატებს და მის ინტელიგენციას არ შეეძლო არ გამოეჩინა თავისი არსებითი ბუნება.

რაში გამოიხატება მისი არსებითი ბუნება აღნიშნულ პერიოდში? ამ წვრილ ბურჟუაზიის ბუნება გამოიხატა სიტყვიერ რევოლიუციონიზმსა და პრაქტიკულ ოპორტუნისმში, ე. ი. სიტყვით რევოლიუციონური რადიკალიზმის პოზიცია დაიჭირეს, ფაქტიურად კი მისი ტაქტიკა პროლეტარიატს ლიბერალური ბურჟუაზიის მაჩანჩალად უპირებდა გადაქცევას; სიტყვით რევოლიუციონური, საქმით ოპორტუნისტი, — ასეთი იყო მენშევიზმი აღნიშნულ პერიოდში. ამ პერიოდში მენშევიზმმა ობიექტიური რევოლიუციონური პირობების ზეგავლენით, შეითვისა რევოლიუციონური ფრაზეოლოგია, მარქსისტული თერმინოლოგია — და მარქსიზმის ეკონომიურ კონცეპციასთან ერთად პროლეტარული საზომის შეთვისებაც მოინდომა. ან თვით ნ. ჟორდანის სიტყვით, რომ გამოვსთქვათ: პროგრამა წმინდა სოციალ-დემოკრატიული მიიღო, ხოლო ორგანიზაცია და ტაქტიკა კი წვრილ-ბურჟუაზიული. ამ ტაქტიკურმა ორგანიზაციულმა საკითხებმა გახეთქა საქართველოს სოც.-დემოკრატია ორ მიმდინარეობად. აქედან მენშევიზმი ცდილობდა წვრილ-ბურჟუაზიულ იდეოლოგიის გაბატონებას პარტიაში. ხოლო ბოლშევიზმი პროლეტარულ მსოფლ მხედველობის განმტკიცებას. ეს ბრძოლა იყო წვრილ-ბურჟუაზიული ინტელიგენციისა პროლეტარული პარტიისა და პროლეტარიატის ხელმძღვანელობის წინააღმდეგ. ამხ. მახარაძე თავის ნარკვევში სწერს:

„მენშევიკები უარყოფდნენ იმას, რომ პროლეტარიატი გამხდარიყო რუსეთის რევოლიუციის ხელმძღვანელად.

მათი ზნობით ეს როლი პროლეტარიატს ლიბერალური ბურჟუაზიისათვის უნდა დაეთმო. თავისთავად იგულისხმება, რომ ის, რაც ახასიათებდა მენშევიზმს რუსეთში — სავსებით გადმოღებულ იქმნა ჩვენშიაც. რევოლიუციის მოსაწყობად წინდაწინ გეგმის შედგენის უარყოფა შეიარაღებულ აჯანყების და ამისათვის მზადების უარყოფა, პროლეტარიატის მოთხოვნის შეკვეცა, რათა ლიბერალური ბურჟუაზია არ დამთოთხალიყო. შეთანხმება ლიბერალებთან. ქალაქის თვითმართველობასთან და სხვა-და-სხვა, ყველა ეს სათნოებანი გადმოტანილ იქნა ჩვენშიაც“<sup>21)</sup>).

ასეთი იყო მენშევიზმის ტაქტიკა 1905 წელში; არსებითად ეს ტაქტიკა მიმართული იყო რევოლიუციონური პროლეტარიატის წინააღმდეგ და რევოლიუციის დამარცხებას უწყობდა ხელს. როგორი იყო მათი სიტყვა, მათი ასე ვსაქვით სიტყვიერი პროგრამა?

ყური ვათხოვოთ ისევ ნ. ჟორდანიას. 1905 წელში იგი სწერდა:

„სოციალისტ-რევოლიუციონერი, პროგრესისტი, ავტონომისტი, ფედერალისტი, რადიკალი — აი ვის ამხანაგობას გვირჩევენ „პერიოდი“ (ბულშევიკური ორგანო), აი ვისთან ერთად უნდა შევადგინოთ „დემოკრატიული დიქტატურა“. სოციალ-დემოკრატი მინისტრი. ეს ნიშნავს სოციალ-დემოკრატ გუბერნატორს. სოციალ-დემოკრატ პოლიციელს, სოციალ-დემოკრატ ჟანდარმს, ერთი სიტყვით სოციალ-დემოკრატ ბიუროკრატს. თუ კი უმრავლესობამ მინისტრის პორტფელი ხელთ იგდო. მაგ. შინაგან საქმეთა მინისტრის რადგან ამას ყველაზე მეტი მნიშვნელობა აქვს. უეჭველია ის თავის ამხანაგთ განაწესებს ყველა საპოლიციო თანამდებობაზე და ერთ მშვენიერ დღეს ჩვენი გუშინდელი ამხანაგები ახალ ბატონებად მოგვევლინებიან, როგორც ეს 1848 წ. საფრანგეთში გამინისტრული ლუი ბლანი და როლენი გუშებს მოველინათ. და თუ გუშები არ დაკმაყოფილდნენ დემოკრატიული რეფორმებით და მოინდომეს ბურჟუაზიული ბატონომის დანგრევაც,

<sup>21)</sup> იხ. ფ. მახარაძე „1905 წ. ამიერ-კავკასიაში“ ვ. 122.

დროებითი მთავრობა „უმრავლესობის“ დახმარებით, მუშებს ჩააჩუმებს ან ნებით ან ძალით. როგორც ეს იმავე საფრანგეთში იყო“ 30).

ცოტა ქვევით ავტორი სწერს: — „ჩვენი საპირბოროტო კითხვაა არა პარტიის კარის გაღება, ის უკვე საკმაოდ ღიაა, არამედ პარტიის გამრავლება, სოციალისტური შეგნების გაფართოება. ჩვენი პროგრამა მაქსიმუმის წინ წამოყენება და ასე პროლეტარიატის პარტიის წმინდა სოციალ-დემოკრატიულ პარტიად გადაქცევა“ 31).

ასე „მარცხნიდან“ აკრიტიკებდა ნ. ჟორდანია ბოლშევიკების პროლეტარიატსა და გლეხობის დიქტატურის პლატფორმას. არსებითად კი მან თავისი წვრილ-ბურჟუაზიული ბუნება გვიჩვენა. შეადარეთ ნ. ჟორდანიას 1905 წლის სიტყვიერი პლატფორმა მის მიერ 1893 — 1901 წლებში წამოყენებულ პროგრამას და 1917 — 1921 წლების მის საქმიანობას და თქვენ დაინახავთ სრულ კონტრასტს მათ შორის. ნ. ჟორდანიამ არა მარტო პოლიტიკური კავშირი დაიჭირა ს. ფედერალისტებთან, ესერებთან, ნაციონალ-დემოკრატებთან, არამედ პრემიერობის პოსტიც მიიღო 3 — 4 წლის განმავლობაში: დღეს, როდესაც ნ. ჟორდანიას პოლიტიკური სიქალარე შემოეპარა, პირზე ღიმილით წაიკითხავს ალბად თავის მემარცხენეობის ვარჯიშობას.

ამრიგად რევოლიუციონური ენტუზიაზმის პერიოდში წვრილი ბურჟუაზიის იდეოლოგიამ საკმაოდ შეითვისა რევოლიუციონური ფრაზა, რევოლიუციონური პოზა; მოქმედებით კი მაინც ბურჟუაზიული დარჩა.

მაგრამ არა მარტო მენშევიკები ამეტყველდნენ მემარცხენეობის ენით 1905 წელში; საილუსტრაციოდ გავიხსენოთ შემდეგი ფაქტები 1905—6 წლის ისტორიიდან: სოციალ-ფედერალისტთა პარტია გაიყო ორ ფრაქციად და არ. ჯორჯაძის მეთაურობით ჩამოყალიბდა ანარქო-

30) ნ. ჟორდანია — „დემოკრატია და სოციალ-დემოკრატია“  
გვ. 25.

31) იქვე გვ. 34 — 35.

სინდიკალისტური მიმდინარეობა<sup>32)</sup>. (1905 — 7 წ.) გან-  
 ვითარდა წმინდა ანარქისტული მიმდინარეობა (ვ. ჩერქე-  
 ზიშვილი, მ. წერეთელი, გ. გორდეზიანი, შ. გოგელია). თავი  
 იჩინა მაქსიმალისტურმა პარტიამაც. (რამდენადაც ვიცი ამ  
 უკანასკნელს არავითარი ლიტერატურული მემკვიდრეობა  
 არ დაუტოვებია). დამოუკიდებლად მოღვაწეობდნენ ს.-რე-  
 ვოლიუციონერებიც. პატარა საქართველო და ამდენი მაქ-  
 სიმალისტური პარტიები! მაგრამ ეს აინსნება წვრილ-ბურ-  
 ჟუაზიული ინტელიგენციის მერყეობით, ფრაზებით, გა-  
 ტაცებით რევოლიუცია დამარცხდა, მაქსიმალიზმიც აღ-  
 მოიფხვრა საქართველოს სინამდვილიდან (არჩ. ჯორჯაძე  
 1908 წლიდან დაუბრუნდა თავის ძველ პოზიციებს). ნ.  
 ჟორდანიამ ამ საერთო გატაცების ფერხულში მოხვდა: ხო-  
 ლო მისი ნამდვილი ფიზიონომია 1905 წელში იყო: სიტყ-  
 ვით რევოლიუციონიზმი, საქმით — ოპორტუნიზმი. მისი  
 სიტყვა და საქმე ერთი მეორეს იყო დაცილებული.

მესამე პერიოდი 1906 — 14 წლებით განისაზღვრება.  
 ეს არის რეაქციის ბატონობის ხანა. ჩვენი ინტელიგენცია  
 კულტურული და ყოველდღიური საქმიანობით გაერთო  
 პროლეტარიატი დარჩა განმარტოებული. მენშევიზმი რე-  
 ვოლიუციის აშკარა ლიკვიდაციის გზას დაადგა, ისიც ინ-  
 ტელიგენციის გზას გაჰყვა: რევოლიუციონური თვისება  
 გაქრა და სამაგიეროდ წვრილი საქმეები აღიმართა მის  
 წინაშე, ამ პერიოდში მენშევიკურ პოლიტიკას ახასიათებს  
 დაუსრულებელი მერყეობა, გაურკვეველობა და გზაარეუ-  
 ლობა ეროვნულ საკითხში. მენშევიზმის გავლენა წვრილ-  
 ბურჟუაზიის მასაზე არამც თუ მცირდება, არამედ თან-  
 დათანობით ძლიერდება.<sup>33)</sup>

<sup>32)</sup> იხ. არჩ. ჯორჯაძე — „ძველი და ახალი“ (1906 წ.) და „სო-  
 ციალ-დემოკრატიის საქართველოში“ (1907 წ.).

<sup>33)</sup> ნ. ჟორდანიამ 1906 წელს სახ. თათბირში არჩევის დროს  
 ტფილისში მიიღო 8078 ხმა. ლ. მარტოვი თავის ისტორიაში აღნიშ-  
 ნავს, რომ ამიერ-კავკასიის სოციალ-დემოკრატია გაბატონებული  
 იყო გლეხობისა და წვრილ-ბურჟუაზიულ წრეებში (იხ. „Оппози-  
 ционное движение в России в начале XX века. ტ. III მარტოვის წერი-  
 ლი“).

მეოთხე პერიოდი, მსოფლიო ომის ხანას წარმოადგენს (1914 — 17 წლები). ეს არის სოც.-დემოკრატიულ რიგებში სოციალ-შოვინიზმის გამეფების პერიოდი. წერილბურჟუაზიული ინტელიგენცია ჩვენში ნაციონალიზმის ციებ-ცხვლებამ შეიპყრო. მან ვერც თავი გაუგო ომს. ვერც ბოლო: მისთვის გაუგებარი დარჩა ძირითადი ეკონომიური მიზეზები და მისი მიზნები. ამ გაურკვევლობაში ინტელიგენცია დაიბნა, გზა აერია, ერთი ნაწილი ჩვენი ინტელიგენციისა რალაც „აჯანყების“ მზგავს გეგმას თხზავდა ცარიზმის წინააღმდეგ იმ პირობებში. თუ ამ.-კავკასიაში ოსმალეთი შემოვიდოდა (ესენი იყვენენ, ასე ვთქვათ, ოსმალეთ — გერმანიის ორიენტაცუიის მიმდევარნი). ხოლო მეორე ნაწილი ქება-დიდებას უძღვნოდა რუსეთის სახელოვან არმიას. არევ-ღარევა მოხდა ქართველ მენშევიკების ბანაკშიაც: ნ. ჟორდანიამ გარკვევით გაიზიარა პლენანოვის ომის პლატფორმა. (იხ. მისი წერილები „ომი და ზავი“), ე. ი. რუსული სოციალ-შოვინისტური პროგრამა, ხოლო მეორე ნაწილი (ს. დედარიანი. კ. ჩხეიძე და სხ.) არ იზიარებდა ნ. ჟორდანიას პოზიციას, მაგრამ ვერც პროლეტარიატის პლატფორმაზე (ლენინის პლატფორმაზე) ახერხებდა გადასვლას. მას არც შამფური სურდა დაეწვა და არც წვალი. არსებითად ერთიც დასწვა და მეორეც.

მეხუთე პერიოდი (1917 — 21 წლები). ამ პერიოდში მენშევიზმი მოექცა სახელმწიფოს სათავეში. იგი გაბატონებული პარტიაა. რას ემსახურება ამ პერიოდში მენშევიზმი. როგორი არის მისი სამოღვაწეო პროგრამა? თავისი თხუზულების წინასიტყვაობაში ნ. ჟორდანია სწერს: „ვინც პირველ ტომის პირველ საპროგრამო წერილს (1894 წ.) შეაფარდებს უკანასკნელ ტომს (ე. ი. 1917 — 20 წლების ნაწერს), ის აშუკარად დაინახავს მათ შორის მჭიდრო კავშირს, დაინახავს 27 წლის წინეთ დაწერილ გეგმის დღეს

---

ლი: „Социал-демократя в 1905-7 г.г.“) ეს ელემენტები შეადგენდენ მენშევიკების დასაყრდენ ძალას და მათი საშუალებით ამარცხებდენ ისინი ბოლშევიკებს, როგორც პარტიის შიგნით. ისე გარედაც.



გამოცოცხლებას<sup>34)</sup>. ჩვენ უკვე დავინახეთ, თუ როგორ პრინციპებზე იყო აგებული ეს პირველი საპროგრამო წერილი: მის საფუძვლებს შეადგენდა დემოკრატიზმი და ნაციონალიზმი. ეს პროგრამა პროგრესიული და სასარგებლო იყო 90-იან წლების ჩვენი სინამდვილისათვის, ხოლო გამოუსადეგარი დიდი რევოლუციის პერიოდისათვის. ამიტომ მოხდა ის, რასაც მენშევიზმი არ მოელოდა: მათი სამოღვაწეო პლატფორმა და ახალი გზა აშკარა კონტრ-რევოლუციონური შინაარსით აივსო (ს. დედარძინის სიტყვებია). ცხოვრების მოთხოვნილება და მენშევიკების სამოღვაწეო გეგმები ერთი მეორეს დაშორდენ, ცხოვრება წინ წავიდა, მისი სოციალური სტრუქტურა და ეკონომიური პირობები შეიცვალა. ახალი მოთხოვნილებები და ახალი მომენტები წარმოიშვენ. მათი გადაწყვეტა და მოწესრიგება. შესაძლებელი იყო მხოლოდ ახალი გზით. ახალი პლატფორმით, მენშევიკებმა ამ ცხოვრებას 27 წლის წინეთ გაკეთებულ სათვალეებით შეხედეს და ახალი მოვლენების ძველ ფორმებში გამოხვევა მოინდომეს. მაგრამ ცხოვრებამ არ მიიღო ეს ფორმები და იგი უკუ აგდო, თავისი გზით იწყო დენა: მენშევიზმი დამარცხდა პოლიტიკურად, გაკოტრდა იდეოლოგიურად: წერილი ბურჟუაზიული პროგრამა უკვე მიუღებელი შეიქმნა ჩვენი ცხოვრებისათვის და მანაც (ცხოვრებამ) ახალი გზები მოსძებნა.

ეს პერიოდი ხასიათდება მენშევიზმის წერილი ბურჟუაზიის ლეგალურ კონტრ-რევოლუციონურ მოღვაწეობით: როგორც საშინაო პოლიტიკაში, ისე საგარეო ორიენტაციაში მენშევიკები რევოლუციის საწინააღმდეგო საქმეებს აკეთებდენ<sup>35)</sup>.

მეექვსე პერიოდი. ეს ხანა იწყება 1921 წლიდან. ამ პერიოდში მენშევიზმი ხასიათდება არალეგალური კონტრ-რევოლუციონური მოღვაწეობით, ამავე პერიოდში (განსაკუთრებით 1923 წლიდან) იწყება მათი რიგების დაშლის

<sup>34)</sup> ნ. უორდანი — ტ. I. გვ. 4.

<sup>35)</sup> ფ. მახარაძე „მენშევიკების დიქტატურა საქართველოში“ და მ. ამიას: „Путь крымских жидовства“.

პროცესი: როგორც წვრილი ბურჟუაზია, ისე პროლეტარული ელემენტები სტოვებენ მათ ორგანიზაციას და საბჭოთა პლატფორმაზე გადმოდინან. ერთ დროს ძლიერი პარტია, დღეს ერთობ ვიწრო კონტიგენტის არმიას განაგებს. ამ პერიოდში იწყება მენშევიკების იდეოლოგიის აღმოფხვრა წვრილ-ბურჟუაზიულ მასებში. არა მარტო მენშევიკების მთავრობა განიდევენა საქართველოდან, არამედ მენშევიკების იდეოლოგიაც იდევენება ჩვენი ქვეყნიდან. პროლეტარულმა პარტიამ მენშევიზში დაამარცხა პოლიტიკურ ბრძოლაში: დღეს მის უმთავრეს ამოცანას შეადგენს მენშევიზში იდეოლოგიურად დაამარცხოს — ფართო დემოკრატიული მასის თვალში. ეს ჩვენ ნაწილობრივ შეეძელით, დანარჩენი ნაწილი კი თავის განხორციელებას მოითხოვს.

## 6. დასკვნისათვის.

მარქსიზმი გვასწავლის: ყოველი მოვლენა ისტორიულ ფარგლებში უნდა იქნეს ჩაყენებული. ყოველი საზოგადოებრივი ფაქტი ისტორიულ-კონკრეტულ საზომით უნდა იქნას განხილული. თუ ამ საზომით მიუღდებით მენშევიკურ: ე. ი. წვრილ-ბურჟუაზიულ მოძრაობას ჩვენში, მაშინ უნდა აღინიშნოს ორი დიდი ხანა მათ მოღვაწეობაში: 1917 წლის რევოლიუციამდე და ამ რევოლიუციის შემდეგ. პირველ ხანაში წვრილ-ბურჟუაზიული მოძრაობა ჩვენში პროგრესიული და ჩვენი ცხოვრების წინ წამწევი ფაქტორი იყო. რა-კი ჩვენი სამოქალაქო ცხოვრება მე-19-ე საუკუნის სამოციან წლებამდე ვერ განვითარდა საკმაოდ. ხოლო შემდეგში ბურჟუაზიული კლასი შესაფერისად ვერ ჩამოყალიბდა, ამიტომ ჩვენი ცხოვრების თავად-აზნაურულ ფეოდალურ ფორმების დარღვევა წილად ზედა უმეტესად ქალაქის წვრილ-ბურჟუაზიასა და პროლეტარიატს. ჩვენში ბურჟუაზიული კლასი კი არ დაუპირდაპირდა ფეოდალურ არისტოკრატიას. არამედ ქალაქის წვრილი ბურჟუაზია და პროლეტარიატი. აქ იმალება ჩვენი ცხოვრების ერთ-ერთი თავისებურება. ეს ელემენტები დაეჯახნენ თავად-აზნაურულ წოდებას, ხოლო ბურჟუაზიისა და თავად-

ახნაურობის შორის რადიკალური კონფლიქტისათვის ჩვენში ნიადაგი არ მომწიფებულა. ამით აიხსნება ის გარემოება, რომ ნაციონალ-დემოკრატიული პარტია ჩვენში არსებითად აერთებდა ამ ორივე კლასის სოციალურ ინტერესებს. ისტორიულ ობიექტიურ პირობების გამო, წვრილ ბურჟუაზიასა და პროლეტარიატს დასჭირდათ წოდებრივ ურთიერთობის დარღვევა და ჩვენი ცხოვრების ფორმების დემოკრატიულ შინაარსით ავსება. ამით აიხსნება ჩვენი წვრილ ბურჟუაზიის რადიკალიზმი და მისი აქტივობა. ამითვე აიხსნება ამ კლასის მოძრაობის პროგრესულობა. ჩვენმა წვრილმა ბურჟუაზიამ ჩვენში საზოგადოებრივი ცხოვრების დემოკრატიზაციის საქმე ასე თუ ისე პირნათლად შეასრულა 1917 წლამდე: იგი ხან პროლეტარიატთან ერთად, ხან მარჯვნივ გადახრით, ხან მარცხნით, -- მუდმივი მერყეობით და ქანაობით არღვევდა ჩვენი ცხოვრების ძველ ფორმას და უდიდეს ისტორიულ მისიას ასრულებდა, ამიტომ იყო, რომ ქართველ პროლეტარიატს დასჭირდა მასთან თანამშრომლობა ერთ პარტიულ ქერ ქვეშ. რასაკვირველია, ამ ისტორიულ მისიის აღსრულებაში პროლეტარიატის არსებობა და მისი რევოლუციური მოღვაწეობა გადამჭრელ როლს თამაშობდა.

1917 წლიდან სრულიად ახალი პერიოდი იწყება ჩვენი ხალხისა და საერთოდ მთელი მსოფლიოს ცხოვრებაში დემოკრატიზმი უკვე მოძველდა, ცხოვრება ახალ ფორმებს ითხოვდა, ხოლო წვრილი ბურჟუაზია კი ძველი ხერხით და საშუალებით ცდილობდა მის მოწესრიგებას; მაგრამ ის, რაც პროგრესიული და წინ წამწევ ფაქტორს წარმოადგენდა განსაზღვრული პერიოდისათვის სრულიად მიუღებელი შეიქმნა მეორე სოციალური პირობებისათვის. ჩვენი ცხოვრების ფორმები ითხოვენ არა დემოკრატიული შინაარსით, არამედ სოციალისტური პრინციპებით ავსებას. წვრილი დემოკრატიის სამოღვაწეო პროგრამა გაკოტრდა, მენშევიზმი დამარცხდა. იგი ლეგალურად და არალეგალურად კონტრ-რევოლუციის საქმეს იწყობდა და უწყობს ხელს. მენშევიზმს სტოვებს ორი სოციალური ფენა:

1) პროლეტარული, 2) წვრილ-ბურჟუაზიული. პირველი ჩვენს პარტიაში შემოდის. ხოლო მეორე ჩვენს პლატფორმაზე სდგება.

რა გარემოება იწვევს წვრილ-ბურჟუაზიის ჩვენს მხარეზე გადმოსვლას? ფაქტია, რომ ეს ფენა მენშევიკების ბურჟუაზიულ ეკონომიურ პროგრამას უჭერდა მხარს. ჩვენმა სამეურნეო აღმშენებლობამ, ჩვენმა კულტურულმა და საზოგადოებრივმა დაწინაურებამ სავსებით დაარწმუნა წვრილი ბურჟუაზია, ბურჟუაზიული ეკონომიკის უვარგისობასა და საბჭოთა ეკონომიკის სარგებლიანობაში. ჩვენი პრაქტიკით. ჩვენი სამეურნეო კულტურულ და საზოგადოებრივი შემოქმედებით დავიპყარით ეს მასა. რამდენადაც მძლავრად ვსცემთ ჩვენს წერაქვს. ვამუშავებთ მანქანებს, წინ ვსწევთ ეკონომიურად ჩვენს ცხოვრებას, შეგვაქვს სწავლა-განათლება ხალხში, ვიბრძვით კულტურულ ფრონტზე — იმდენად ვანთავისუფლებთ წვრილ-ბურჟუაზიულ მასას მენშევიზმის გავლენისაგან.



# ს ა რ ჩ ე ვ ი

	83•
ავტორისაგან .	. 3—4
I ქართველი ინტელიგენციის სოციალ-კოლ- ტიკური იდეალები მე-XIX-ე საუკუნეში	5 — 71
1. საქარ. საერთო სოციალ-ეკონომიური და პოლიტიკურ-კულტურული ვითარება მე-XIX-ე საუკ. . . . .	7
2. თავად-აზნაურული ინტელისგენცია .	33
3. ქართული ლიბერალიზმი	50
4. ნაროდნიკული მიმდინარეობა	62
5 მარქსისტული მიმდინარეობა ჩვენში .	67
II ქართული გენგევიზმი და მისი სოცრალური საფშქვლები	. 73 — 124
1. ინტერესი საკითხისადმი	75
2. მარქს-ენგელსი და ლენინი ოპორტუნ- ზმის შესახებ	79
3. ქართული გენშევიზმის სოციალური ბაზა	84
4. ქართული გენშევიზმის იდეოლოგიის სა- ლაროდან . . . . .	98
5. გენშევიკური მოღვაწეობის უმთავრესი პერიოდები	109
6. დასკვნისათვის	122